



6

11-c

103

6

9MB

54

Bibliotheca

ri Coll. Rom.

ciet. Jesu

6-11-c-103


~~27-c-70~~


22

6

19

22.0.70





ANTONII
MALAGONNELLII
FLORENTINI
ORATIONES


Nova, & emendatio editio.



ROMÆ,

Typis Jo: Francisci Buagni. 1695.

Superiorum permissu.



Antonii Malagonellii Ora-
tiones, quas jussu Reve-
rendiss. P. Fr. Thomæ Mariæ
Ferrarii Sacri Palatii Aposto-
lici Magistri summa cum di-
ligentia, & voluptate legi,
nihil continent vel rectæ Fi-
dei, vel bonis moribus ad-
versum : Imò cum elegantia
sermonis multiplici venusta-
te referta optimè sustineant
famam, quam sparsim editæ
sibi pepererunt, dignissimæ
profectò sunt, quæ Optimo
Pontificum Innocentio XII.
elegantissima epistola Ioan-
nis Gabrielis Reginerii in-
scribantur, ut sub tanto no-
mine ad commodum litera-

torum in unum collectæ ,
novis, & elegantioribus Ty-
pis edantur . Ità sentio ex
ædibus Divi Callisti die 22.
Julii 1695.

D. Joannes Baptista de Miro
Monachus Casinensis.

INNOCENTIO

DUODECIMO

PONT. OPT. MAX.

G. I. REGINERIVS

Felicitatem .



*Q*uemadmodum maxima rerum, PATER BEATISSIME, profectò virtus est, atque egregiis facinoribus precipua debetur tum laus, cum admiratio, ita etiam si à virtute discesseris, nihil, quod ejus ad excelsitatem, atque præstantiam propius accedat, quàm condignam ipsius laudationem, nihilque secundùm egregia facinora tam egregium, tamque admirabile, quàm parem ipsis orationem reperire un-

quam possis. Quippe ut rem omnem
paucis conficiam, nihil tam simile
est virtuti, quam laus ipsius: ni-
hilque tam cognatum egregiis fa-
ctis, ac penè idem, quam egregia
facta egregiè celebrare. Hæc in-
telligenti mihi, atque animo sæpius
reputanti magnus inde, ac propè
incredibilis, sed iustissimus oborie-
batur dolor: Non poteram enim,
quin dolerem, atque vehementissi-
mè angerer, quum viderem Anto-
nii Malagonnellii à doctis tantope-
rè expetitas, ac propè efflagitatas
orationes, ab ipso uno tantoperè
negligi, ut haud immeritò timeri
posset, ne posteritas his omninò
fraudata, ingenii hujus ætatis
maximam partem aliquando de-
sideratura esset. Huic serarum
gentium, atque futurorum eru-
ditorum occurrit periculo vir,
qui bonis artibus miscens nobi-
litatem, bonarum artium stu-
dia

dia morum sapientia consecrauit.
Tantum dixi, quantum si statim
Alexandrum Falconerium dixis-
sem. Ille, quod unum disertissimis
amici sui lucubrationibus dēerat,
de edendis ipsis curam suscepit,
atque itā omnes ingeniosos, ac in-
geniorum cupidos, qui certē iidem
sunt, exoptatissimo munere deme-
rendo, me quoque singulari affe-
cit beneficio, ut qui tui nominis
eternitati eas coniungendi felicem
ansam mihi prabuerit. Tibi igi-
tur P. B. offero, consecroque, quo
maius ut offeratur, consecretur-
que, fieri nunquam posse existimo.
Splendidum scilicet, ac undique
decore refulgens, atque circum-
fluens rei omnium rerum magnifi-
centissimas, idēst animi tui simula-
chrum omni elegantioris arte elo-
quentiæ elaboratum, atque perfe-
ctum. Cernes hic, quibus contex-
tus est totus ætatis tuæ cursus sum-

*me virtutis miracula, orationis
adeò mira felicitate depicta, atque
expressa, ut in facundia quoque
miracula transierint, atque ità du-
plici simul animos occupent admi-
ratione. Equidem aliorum adjun-
ctas nonnullorum laudes hoc vo-
lumen complectitur. Sed quid re-
fert? Nonne ipsæ, quibus alii ex-
tolluntur laudes tuæ sunt etiam,
quum sint virtutis? Quotiescun-
que animi, qui uniuersis unus par
sit magnitudo, constantiæ mediis.
in malis rigescentis æternum ro-
bur, prudentiæ futurorum domine
acumen in aliquo celebratur, toties
tu in alio laudaris. Quibuscun-
que laudibus ornata est unquam
virtus, eas omnes gloria tua, quasi
in te refusas, ac redundantes jure
sibi vindicat, atque tanquam sibi
olim acquisitas ad se trahens, ac
revocans ulla sine diminutione
possidet. Quæ quum ità sint, non*
vi-

*video, quam confirmare ob rem
mibi non liceat, grandiore atque
uberiorem, dignioremque stylum
ad famæ tuæ ministerium nun-
quam se admovisse: nec ullum un-
quam laudum tuarum immorta-
litati satisfacere plenius posse: nun-
quam enim dignior ullus (velim
ut invidiam præterlabatur oratio
mea) virtuti inservivit. Nun-
quam magnificentia, amplitudo,
splendorque verborum dignitatem,
majestatemque virtutis imitatione
propius assequutus est, seu potius
emulatus. Ille decorem omnem
vincens virtutis decor sic expres-
sus, & ad summam usque simili-
tudinem effictus, perductusque in
his orationibus eminet, atque efful-
get, ut, quod de vita tua dici de-
bet, de his orationibus vitæ tuæ
(quid enim illustrius dicere pos-
sum) similibus dici quoque possit:
eas nempe quemdam videri trium-*

phum virtutis, esse veluti vera,
solidaeque glorie clarissimum mul-
tò, atque maximum templum. Si
quis enim in magnificentiam qua
assurgit, in ubertatem, atque co-
piam, qua se effundit, in lumina,
quæ undique vibrat Malagonnel-
liana oratio, intueatur, atque
acrem aciem intendat, num poterit
quin mirabundo animo illam sta-
tim cogitationem suscipiat? Hæc
tandem post tot seculorum lapsus
pompa inventa est par virtuti, di-
gna illius majestate, cujus quæ vel
maxima sunt in humanis, indigna
sunt. Quæ præclarè ab illis gesta
sunt, quorum laudationem suscepit
Malagonnellius, adeò præclarè ab
illo dicuntur, ut, quum ex actu in
verba transeant, nihil tamen de-
perdant claritudinis suæ, atque
speciei. Immò tam illuminata, &
tam illustris, tam actiuosa, rebusque
ipsis proxima, seu potius rerum
am-

*emula dictione narrantur, ut non
tàm narrari, quàm iterùm geri,
nec tàm in istis orationibus predi-
cari Heroum egregia facta, quàm
illi ipsi Heroes diuine cuiusdam
Eloquentia vi, & absentes adesse,
& mortui vivere, oculis obversa-
ri, atque egregia illa facinora per-
petrare nobis coram attonitis vi-
deantur. Dicamne planiùs, quid
sentio? quamvis dictu paululùm
duriùs atque difficiliùs sit. Ar-
dens adeò est, & vibrans, & quasi
fulminans Malagonnelliana ora-
tio, ut non solùm spirare, vivere,
sensus, atque dolores habere, sed
agere quodammodò, & vincere, &
triumphare mihi videatur. Nam,
quemadmodùm in rebus bellicis,
sic & in Eloquentia quedam sunt,
ut ità dicam, pericula, in quibus,
quum magni ingenii non modò,
sed etiam magni animi versatur
oratio, tunc iudiciùm non tàm me-
re-*

retur, quàm non relinquit, ideòque
magis meretur. Illa sunt auda-
cia, eximia, & quasi nimia sensa,
in quæ, quum generoso quodammo-
dò impetu invadit oratio, tunc ra-
pere, tunc vincere, tunc aliquid
videtur rebus omnibus majus. Il-
lud genus est orationis belligerum,
& fulminans, cujus prada sunt
animi, splendor est mentis aciem
perstringens, ardor & flamma
quedam comburens animos, vis,
& impetus abripiens voluntates.
Malagonnellii autem oratio quam-
vis sæpiùs exquisita dulcissimarum
sententiarum amenitate, quasi flo-
ribus tota contexta, numerorum
elaborata facilitate fluentium lu-
brico lapsu effusa, concinna tota,
atque demulcens effluat in lepores
venustate quadam incredibili per-
fusa, delibuta, & quasi liquefa-
cta, blandissimaque suavitate aures
implens, atque titillans: tamen ille
sæpe

*sapè tam incitato impetu altissima
sensa, splendidissima verba, copio-
sissimam orationem vibrat, atque
conterquet, tam ardenti, igneaque
dictione torret, comburitque lecto-
rum animos, ut solùm fulmina
tunc loqui videatur. Sanè, te uno
excepto, cujus universas laudes
nullius est tanta vis, ubertasque
ingenii, nullus tam incredibilis,
effususque dicendi impetus, nullus
orationis tantus splendor, ac propè
divinitas, quæ, non dicam consc-
qui ac complecti orando, sed per-
stringere solùm atque delibare pos-
sit enumerando; cæterorum facta
magna quamvis, atque eximia,
tamen eorum instar, quæ noctu ge-
runtur, cæco silentio obsepta pre-
mebantur, atque in altam oblivio-
nis caliginem descendebant, quasi
in sepulchrum, nisi Malagonnelli
facundia spargens illa deserto lu-
mine, quasdam veluti prætulisset*
fi-

faces , atque animos hominum ad
ea obvertisset . Et quamvis etiam
ad aliquantulum temporis res illæ
vigere in memoria mortalium po-
tuissent , is profectò dies illuxisset
aliquando , quo die & earum re-
cordatio vetustate corrumpetur ,
obrueretur annis , & sic denique ex
humanis mentibus omnia illarum
vestigia omninò delerentur , ut
nihil ampliùs ex illis superesset ,
quàm si nulla unquam fuissent .
Ipsæ victoriæ , quas siue de besti-
bus , siue de vitiis , siue , quo nihil
majus est , de se ipsis ingentes illi
animi retulerunt , à diuturnitate
temporis , ut ità dicam , debellate ,
ex hominum memoria ejicerentur ,
atque fugarentur , nisi vis Elo-
quentiæ accessisset , quæ has ipsas
victorias oblivionis quoque redde-
ret victrices . Unde intelligi de-
bet opportunum maximè auxilium
tot tantisque virtutibus adversus
per-

perpetuum temporis lapsum, profundamque futurorum seculorum altitudinem contigisse, quum illas Eloquentia magnifica oratione, velut quodam immortalitatis medicamento conditas in futuras propagavit etates, adequavit cum omni posteritate, atque eternitati reservavit. Splendidissima scilicet rerum Eloquentia sol est, qui egregia facinora illustrat, qui vitam, diuturnitatem, atque immortalitatem etiam illis prestat, gloriam, atque claritudinem, velut diem, & lucem quamdam, circumfundit. Et quantum magnis, fortibusque viris debet genus humanum, tantum vel magis ipsi debent disertis. At quid ego hac, quum Malagonnellii laudes omnes complecti possim atque implere, si unum dixerò, dignum videlicet extitisse illum, qui tuas tractaret, atque hoc fungeretur munere, cujus
mu-

muneris societas illi quædam, at-
que communitas cum sanctis ani-
mis Cælorum civibus intercedit.
Quid enim? Nonne in laudibus
tuis assiduè versari atque prope-
modum occupari illos? Nonne in
Cælis alterum famæ tuæ quasi do-
micilium collocatum existiman-
dum est? Nonne iis qui summa
felicitate fruuntur (audebo dice-
re) nova quodammodò factis tuis
attulisti gaudia? Ipsa, ipsa medius
fidius, quæ plurima in hac urbe
supersunt prisca sanctitatis monu-
menta, ipse μαρτύρων sanguis, quo
hæc tellus non madefacta, sed im-
buta est, nunc videtur tibi gratias
agere, nobiscum letari, & tanto
penè gaudio gestire, quanto quum
effusus est. Enimverò ut perpe-
tuam sanctorum laborum seriem,
atque ætati tuæ æqualem præter-
mittam, ut taceam vivere nihil
aliud tibi esse, quàm benefacere.

Quid

*Quid (replicetur licet omnis memoria vetustatis, evolvanturque fugitivorum seculorum ordines)
Quid, inquam, in terris tam terris majus ? Quid Cælo dignius unquam visum est, quàm id, quod oculi nostri nobis nunc demonstrant, atque tamen oculis nostris demonstrantibus vix est, ut credamus. Unius liberalitas egenorum omnium amplissimum fit patrimonium. Nemini nunc licet esse misero. Ingens, atque repentina quedam rerum conversio terrarum orbem renovavit : nunc rarum est spectaculum pauper. Nichilque tam commune, tam vulgare, tam consuetum, tam in promptu est, quàm felicitas. Quid hoc rei est ? Proh hominum fidem ! & à qua tam illustri causa erupit adeò mirabilis eventus ? An novi, inexhaustique divitiarum fontes in telluris visceribus aperti, generis*

*ris humani societatem inundare? Num abrogata lege mortis, atque à servitute dolorum liberatis, & quasi manumissis hominibus, natura tandem in melius versa est? Minimè quidem ista, minimè. Sed multò majus est id, quod adepti sumus. Te nempe. Hinc est immortalis illa nostra lætitia, hoc triumphat gaudium nostrum, hoc uno denique beatissimi evasimus: Imperium enim tuum publica est felicitas, atque adeò felicitas publica beneficium est tuum. O' maxime non solum Pontifex, sed maximorum Pontificum maxime, intueri vultus nuper deformatos dolore, absumptos inedia, madidos lacrymis, nunc opibus tuis, ac liberalitate recreatos, & lætos tuam tibi gloriam, atque simul salutem suam gratulantes. Efflorescens in ipsis intueri gaudium, ac quemadmodum imperio
tuo*

tuo boni omnes exultant, tu vicissim, quod unicum tibi gaudium est, eorum gaudia gaude. Nuper tremulo gressu per vias exiguos artus trahentes, vel humi pejus jacentes aegri, atque fame exhausti, & ante mortem penè jam nulli videbantur, atque miserando calamitatum suarum aspectu vexabant oculos urbis. Occurrebant ubique squalida doloris imagines, & semiviva, putridaque cadavera, & ne quidem integra inter cives versabantur, & oberrabant, rogabantque, immò ne rogare quidem ob debilitatem poterant ab obviis stipem, ut lacerum truncumque, & quasi corpus, ut sui reliquias, ut morbos suos, sanient, tabem alerent, atque sustentarent. Famelicorum corpora ulcera depascebant, sub dio pernoctabant aperta, & lacera vitalia, & sepè imbre, ac luto fœdabantur illa penetra-

tralia anime, claustra vite, arcana humanitatis sæpè gelu rigeabant, sæpè caloribus coquebantur. Videbamus languidos artus vix ferentes ulcera sua, quæ ferè totum erant illorum corpus, illa ipsa gelidis, asperisque saxis admoventes, atque imponentes, & quòcunque se vertissent, incumbentes semper plagis. Videbamus non vestibis modò, sed carne propè exutos, & quibus ob inopiam non cætera solum, sed ipse etiam deerat sanguis, atque plurimum sui, immixtam sæno agere animam, ipsam quoque attritam malis, contractam, diminutam, atque exigam, & quum miserum somnum suus illis aliquando languor induxisset, coactos tamen aeris inclementia vigilare dolori. Dum per famem, per vigilias, per morbos, per omnis acerbitatis cruciatus sævissimè absumebantur, dum tabescebant ipso-

forum artus, dum peribant, dum moriebantur, id unicum vivendi tempus habebant infelices: seu potius non vivebant illi, sed perpetuos inter angores diu moriebantur. Aliena ope omnino destituti, manibus suis debilitatis curare, fovereque ipsi suas cogebantur infirmitates, id est, vulnera vulneribus contrectabant, atque ita dum saniem in saniem effundunt, dum veneno venenum admovent, dum vulnus versant in vulnere, dum se, id est pestem in se immittunt, membris suis ipsi membra sua contrucidabant; Et quum ferè totum illorum corpus jam plenum morte, occupatumque foret, maxima sui partis jam mortua spectatores, & aliqua parte superstites sibi habebant miseri mortuis membris, velut cuidam mortis suae exemplari, atque parti, & inter mortem, doloremque divisi, & quasi à se distra-

tralia animæ, claustra vitæ, ar-
ma humanitatis sæpè gelu rige-
bant, sæpè caloribus coquebantur. Vi-
debamus languidos artus vix fe-
rentes ulcera sua, quæ ferè totum
erant illorum corpus, illa ipsa ge-
lidis, asperisque saxis admoventes,
atque imponentes, & quòcunque se
vertissent, incumbentes semper
plagis. Videbamus non vestibus
modò, sed carne propè exutos, &
quibus ob inopiam non cætera so-
lùm, sed ipse etiam deerat sanguis,
atque plurimum sui, immixtam
cæno agere animam, ipsam quoque
attritam malis, contractam, dimi-
nutam, atque exiguam, & quum
miserum somnum suus illis ali-
quando languor induxisset, co-
ctos tamen aeris inclementia vigi-
lare dolori. Dum per famem, per
vigilias, per morbos, per omnis
acerbitatis cruciatus sævissimè ab-
sumebantur, dum tabescebant ip-
so-

forum artus, dum peribant, dum moriebantur, id unicum vivendi tempus habebant infelices: seu potius non vivebant illi, sed perpetuos inter angores diu moriebantur. Aliena ope omnino destituti, manibus suis debilitatis curare, fovereque ipsi suas cogeantur infirmitates, id est, vulnera vulneribus contrēctabant, atque ita dum saniem in saniem effundunt, dum veneno venenum admovent, dum vulnus versant in vulnere, dum se, id est pestem in se immittunt, membris suis ipsi membra sua contrucidabant; Et quum ferè totum illorum corpus jam plenum morte, occupatumque foret, maxima sui partis jam mortuae spectatores, & aliqua parte superstites sibi habebant miseri mortuis membris, velut cuidam mortis suae exemplari, atque parti, & inter mortem, doloremque divisi, & quasi à se distra-

*tracti nihil amplius sui videbant
contrectabantque, nisi cadauer.
Vosne ò metuenda, quacunque in
homines cadere possunt, calamita-
tum exempla. Vos ò nostrum si-
miles, nisi quod ultra modum mi-
seri, projectos & vestris solum
fruentes malis vidimus? Vestros
jam morte natantes oculos erranti,
miserabilique obtutu opem rogan-
tes aliquam, aut saltem rogare co-
nantes? Vestra suspiria, & mori-
bunda vocis ultimos gemitus, acer-
basque audivimus implorationes,
quum omnium rerum inopia sub-
ducti, subtractique vite, lique-
scentes, deficientesque in mortem
miserè dilaberemini. O infelices
tunc vos non modò, sed nos, sed ip-
sam civitatem, in qua morbi, la-
crymæ, cruciatus, dolores, mortes
omnes denique, & acerbissima ge-
neris humani miseria quotidiana
erant, & ubique obvium
spe-*

*ſpectaculum . Nunc (& o quàm
diuerſa rerum facies) ſilvere ubi-
que gemitus , ſed ubique auditur
gloria tua . Guttura illa , quibus
famem detraxiſti , laudibus tuis
plena ſunt . Egeni vocem , cuius il-
lis unicus erat uſus gemitus , ac la-
menta , nunc ſolùm in gratiarum
actionem emittunt . Quibus ali-
quam corporis partem , vel caſus
eripuit , vel natura non dedit , pro
membris habent dona tua , & rei
nullius nunc indigentes , debilita-
tem ſuam ampliùs non ſentiunt ,
ſed reſtituta ſibi tandem membra ,
atque gratiſſimo errore ſe integros
putant . Moribundis elabentem
reddidiſti ſpiritum : quæ illis nunc
ſupereſt vita , nihil aliud eſt , quàm
beneficium tuum . Teſtor illorum
mala , teſtor ſupremos gemitus , at-
que doloris niſu expulſam fermè
animam ; viuunt illi , ſed à me-
dia morte reuocati , id eſt , benefi-*

*

cen-

centia tua in media morte, quasi iterum nati sunt. Miseri denique non amplius dolent. Nam, ut à miseria illos subleves, satis magnum apud te meritum est, miserum esse. Ipsa sua calamitate, suis ipsis miseriis tibi fiunt amabiles. Illorum foves vulnera, oscularis languorem, amplecteris debilitates, atque vim amoris assumit miseratio. Propè est, ut exclamem, ò miseri vestras amate miseras, vestris gaudete doloribus, vestre gratulamini calamitati; ipsa, ipsa ambite mala: ideò enim felices illi sunt, quòd sunt miseri: quum propter idipsum tibi fiant cariores. Nunc ædium magnificentia, nunc omnium rerum copia, nunc divitiis ipsis fruuntur pauperes. Illorum certè est, quidquid est tuum. Ipse quin etiam animus tuus, voluntas, cure, sollicitudines, cogitationes tuæ ab illis possidentur. *Tæi*
la-

labores illorum otio serviunt, ut
quietem illis prestes, nunquam ca-
pisi & quas tibi eripis voluptates,
in illos transfundis felix aliena
solum felicitate, quæ vera felicitas
est Principum. Neminem in ege-
state nunc degere dixeram. Immo
tu degis, sed solus, cum pauperum
egestate tuas commutas opes, &
pauperum loco, quos locupletas,
ipse fis pauper. Quamquam non
eo usus sum verbo, quo decuit. Is
enim minimè pauper, sed maximè
dives est, qui nullas sibi servat di-
vitiis, sed maximas effundit. Is
maximè dives est, qui nihil habet,
propterea quòd donat omnia. Is
maximè dives est, qui divites alios
reddit. Inest scilicet in te aliquid
& fortuna majus, & natura me-
lius ita, ut utriusque injurias re-
sarcire quodammodo & possis, &
velis. Atque id ipsum est, quod
clarissimorum ducum, atque He-

roum omnium, quos celebravit antiquitas, tropæa supra, atque triumphos gloriam tuam evehit. Nullos tu quidem mortales, sed mortaliū misérias, egestatem, inopiam debellasti, expugnasti. Nec presentes solū, sed prudenter benignus futuris etiam munificentia ingenio occurristi. Non enim presentis ævi angustiis definitur tua liberalitas, sed in infinitum porrecta, atque effusa, immensa, æternaque (neque enim fas est aliter vocari) posteris etiam illucescet, ditabit futura secula, atque omnium temporum miseriis sat erit. Eorum lacrymæ, qui nondum lucem hausere, per te jam cohibentur. Eorum gemitus, qui adhuc voce carent, à te jam exaudiuntur. Eorum vita per te jam sustentatur, & propagatur, quibus natura vitam adhuc negavit; adeò nulli sunt expertes beneficiorum tuorum,
ut ii,

ut ii, qui non sunt, jam tibi devincti sint. O verè communis Parens plùs tibi, quàm natura ipsi futura debebit atas. Qui enim in posterum beneficio nature nascentur, beneficio tuo nascentur felices. Magna sunt ista. Quis enim negat? immò vix non immensa, atque incredibilia sunt. Quis enim illa capere unquam animo, atque cogitatione complecti poterit? At tamen ista, quæ omnia generis humani facinora magnitudine sua obtrivere, atque splendore obscurare (rem incredibilem narrabo) ipsa obscurata atque superata sunt (rem credibilem narrabo) sed à te ipso. Ità sanè in damno comparata jam gloriæ novam semper comparas, laudari ipsum perdis, dum efficis, ut satis non possis: & admiratione debita fraudas te, dum omninò omnium animos stupore attonas, atque percellis. Equi-

dem dicere licet non ampliùs auri
argentique venis, non fodinis, non
divitiis ipsis egent homines, ut sint
divites. Sed in animo tuo, sed in
munificentia tua, sed in liberali-
tate sita, atque recondita sunt verae
populorum divitiae; mens tua, vir-
tutes tuae illae sunt maxime, atque
inexhausta humani generis opes.
Quantùm tu bonus es, (quid majus
dicere possum?) tantùm nunc di-
vites sunt mortales. Te, te, in-
quam, summum habere rectorem
certissima ipsis opulentia est, vel
omnia illis eripiat natura, prater
unum te, omnia relinquet. Ve-
rùm, si locupletare homines ingens
fuit, ac propè divinum, atque adeò
tuum, quid illis afferre veros, at-
que solidos honores? titulos? di-
gnitates? ipsam constituere glo-
riam? Dicam enim, atque erum-
pet aliquando ex me vera vox.
Plurimis non tam dignitatibus,
atque

atque honoribus, quàm dignitatum
insignibus, quàm honorum voca-
bulis uti poterant antea homines.
Fucus quidam illarum dignita-
tum, atque umbra lucem earum
mentiens apud Rempublicam erat,
non erant ipsæ dignitates, non erat
ipsum lumen honoris. Nec enim
quævis dignitatum genera digni-
tates sunt. Nec quævis titulorum
genera tituli sunt. Nec quævis
honorum genera honores sunt. Sed
eæ dignitates, quæ virtute emun-
tur, non auro polluantur, atque
contaminantur, dignitates sunt.
Sed ii tituli, qui addicti sunt solùm
virtuti tituli sunt. Sed honores ii,
qui premium sunt, atque merces
soli virtutis, honores sunt. Dum
per mille indignitates ad dignita-
tes obrepitur, dum honores non
comparantur nisi dedecore, nisi
quis indignum illis, ut illa merea-
tur, se reddiderit, dum ad conse-

quendos titulos aurum loco virtutis est, tituli ipsi loco sunt contumeliae, dignitates pignus, atque testimonium indigni animi, atque honores ipsi non honestant, sed dehonestantur. Quod ne unquam accidere possit pro tua divina sapientia providisti, providisti, inquam, ne improbitas magnis opibus sustentata, atque ideo pejor grassans per Rempublicam furari, depecularique possit patrimonium virtutis, reddidisti suum honoribus splendorem, honores virtuti. Quapropter unus est in praesentia honorum ambitus, mereri. Et quasi Princeps nihil aliud sit quam virtus, quasi, inquam, virtus, atque Princeps una nunc, atque eadem res sit, uno eodemque pacto uterque simul colitur. Quod quam late pateat, tum in gloriam tuam, cum in publicam utilitatem nullus non intelligit, nisi qui proposita laboribus, atque
me-

meritis pramia faces esse, atque stimulos virtutis nescit. Est, est profectò honos cujus objecta specie vilesceat vita, lubentes ruunt homines in vulnera, & adversus imminentis mortis imaginem contumaces, fato suo latabundi occurrunt. Illud est honoris lumen, quod per dolores, per cruciatus, per asperissima queque abripit viros, quod in pericula mittit audaces, quod ex ipsis sudorem non modò, sed sanguinem, atque sæpè animam, contemptricem illam laborum, cupidamque gloriæ per crudeles sed decoras plagas elicit, atque educit. Jure igitur debebuntur tibi etiam illæ laudes, quibus alii deinceps ornabuntur, illi enim quodammodò debebunt tibi virtutes suas. Quidquid præclarè facient, meritum id erit omne tuum, magni illi solùm, quia tu maximus. Scilicet parùm tibi visum est immensa animo tuo

capere, atque agere, nisi quodam-
modò & aliorum animis ageres.
Parùm tibi visum est virtutem
toto animo tuo complecti, nisi &
aliorum animis (voluntates illis
tuas; & quasi te ipsum infundens)
illam etiam amplectereris. Tibi
satis non fuit esse optimo. Vereor,
ut hoc, quod dicam, non perinde in-
telligi auditu possit, atque ego ipse
cogitans sentio. Invenisti quo pa-
cto plùs, quàm optimus fieres, ni-
mirùm bonos alios efficiendo. Fæ-
cunda virtus tua in aliorum ani-
mis virtutes vel procreavit, vel
exsuscitavit, & seipsam, quæ sum-
ma est, quum non possit, non au-
get, sed quantum fieri potest, mul-
tiplicat. Atque hæc tam magna
tam multa, & tam stupenda, ut ad
finem perducì potuerint, tempus
effluxisse propè infinitum, & pri-
scorum omnium Heroum conflu-
xisse vires, nec ampliùs extinctos
illos,

illos , sed quicunque fuerunt per
omne ævum ingentes animi hos
universos horum omnium vim col-
lectam , atque virtutes in uno ani-
mo tuo stare contineri , spirare ,
agere quis dubitet ? Sed quis cre-
dat ? Unus tu , sed irrequietus , in-
defessus , constans , audens , peri-
clitans , & ut ita dicam celeritate
agendi quasi multiplex , uno penè
momento omnia confecisti , id est
planè divina divino more gessisti ,
cumulasti miracula miraculis , fe-
cisti quoddam compendium eter-
nitatis . Atqui tamen nondum dixi
ceteras sollicitudines tuas , curas ,
vigilias , labores , quidquid agis ,
& rursus quidquid non agis . Utro-
que enim tu maximus , vix attigi
tàm ample , copiosæque , atque , ut
ità dicam , numerosa glorie non-
nullam partem : tacui , quæ omnium
oculi mirantur , quibus Roma nunc
est seipsa major , magnificas illas

edificiorum moles, quibus urbem
donasti. Verum illa inter tot, at-
que tanta monumenta nullum in
gloriam tuam magis assurgit, quàm
humile illud, quod tibi struxisti
conditorium, cujus tenuitas Cesa-
rum monumentis longè major at-
que splendidior ambitionem om-
nem videtur prostravisse. Rara
profectò res, atque maxima admi-
ratione digna in summa fortuna
suscepta de morte cogitatio. In hoc
rerum humanarum fastigio, atque
apice lubenter se mortalem agno-
scere, lubenter, inquam, mortalita-
tis suæ cogitationem pati supra
mortalem est. Ut enim mors vi-
tam eripit, sic ejus cogitatio, atque
metus omnem voluptatem vitæ.
Mors in vitæ extremo limite, mor-
talitas per totam vitam nos tor-
quet. Illa, inquam, cogitatio me-
dias inter delicias se inferens, &
quasi gaudiis nostris insidians, te-
ner-

nerrimas illas cogitationes, quas
vulgus felicitatem vocat, distur-
bat, atque dispergit. Efficit illa, ut
timidè semper letemur, id est, ut
nunquam. Illa dum minax finem
hujus lucis, atque amissionem ea-
rum omnium rerum, quibus constat
vitæ suavitatis, imminentem osten-
tat, brevia illa, fugitivaque gau-
dia acerbiora nobis reddit, quàm
sint ipsi cruciatus, nos, inquam,
acriùs angit voluptatibus, quàm
dolore. In mortem illa sæpè compel-
lit, tanquam in mortis metus re-
medium, ac effugium. Illa deni-
que omnia tanquam aliena, immò
nos ipsos viventibus nobis detra-
hit; seu potius, ut nunquam verè
vivamus, efficit. Quid enim in
hac spirandi patientia quid sit, in-
quam, id, quod vitam vocamus?
num illud tempus, quum ad capitis
supplicium jubente, atque exigente
natura rapimur, videmus & tre-
mi-

edificiorum moles, quibus urbem
donasti. Verum illa inter tot, at-
que tanta monumenta nullum in
gloriam tuam magis assurgit, quàm
humile illud, quod tibi struxisti
conditorium, cujus tenuitas Cæsa-
rum monumentis longè major at-
que splendidior ambitionem om-
nem videtur prostravisse. Rara
profectò res, atque maxima admi-
ratione digna in summa fortuna
suscepta de morte cogitatio. In hoc
rerum humanarum fastigio, atque
apice lubenter se mortalem agno-
scere, lubenter, inquam, mortalita-
tis suæ cogitationem pati supra
mortalem est. Ut enim mors vi-
tam eripit, sic ejus cogitatio, atque
metus omnem voluptatem vitæ.
Mors in vitæ extremo limite, mor-
talitas per totam vitam nos tor-
quet. Illa, inquam, cogitatio me-
dias inter delicias se inferens, &
quasi gaudiis nostris insidians, te-
ner-

nerrimas illas cogitationes, quas
vulgus felicitatem vocat, distur-
bat, atque dispergit. Efficit illa, ut
timide semper letemur, id est, ut
nanquam. Illa dum minax finem
hujus lucis, atque amissionem ea-
rum omnium rerum, quibus constat
vitae suavitatis, imminentem osten-
tat, brevia illa, fugitivaque gau-
dia acerbiora nobis reddit, quàm
sint ipsi cruciatus, nos, inquam,
acrius angit voluptatibus, quàm
dolore. In mortem illa saepe compel-
lit, tanquam in mortis metus re-
medium, ac effugium. Illa deni-
que omnia tanquam aliena, immò
nos ipsos viventibus nobis detra-
hit; seu potius, ut nunquam verè
vivamus, efficit. Quid enim in
hac spirandi patientia quid sit, in-
quam, id, quod vitam vocamus?
num illud tempus, quum ad capitis
supplicium jubente, atque exigente
natura rapimur, videmus & tre-
mi-

*minimus: illud tempus, quo tempore
animum in mortis cogitatione ver-
santes, mortem vita immiscemus,
ejus metu jam propè interfecti. Id
mehercule non vitam vivere est,
sed vitam fugere. Itaque homi-
nes cogitationem mortis, tanquam
carnificem voluptatum refugium,
atque ab illa resiliunt statim, at-
que in illam incurrere; in primis
verò illi, quorum vita multis au-
cta opibus tam serie deliciarum,
quàm dierum constat, & inter gau-
dia defluens in voluptatibus tota
commoratur, atque conquiescit.
Tunc enim qui mortem spernit,
non solam mortem spernit, sed vi-
tam, sed vite commoda, sed com-
modorum voluptates. Quod si in
animorum plebe nonnulli exsur-
gunt interdum, qui mortem minùs
metuant, id plerique faciunt pro-
pterea quòd dolorem nimis me-
tuunt; alios maestitia ex vita luben-
tes*

res ejicit: aliis ira, aliis spes, aliis
timor ipse ingenerat audaciam.
Omnes verò non tam mortem sper-
nunt, quàm non cogitant. Ipsam
vero mortem toto animo meditari,
& spectare, atque tractare in vita
ex omni parte beatissima, atque
huic cogitationi incumbere tam im-
moto animo, atque vultu, quàm si
fores immortalis, id profectò ipsam
est domare naturam: nec tam mor-
ti subjici, quàm ipsam sibi mortem
subjicere. Atque re vera quid tu
mortem timeres, qui vix eges mor-
te ut immortalis fias, ut cælum in-
grediaris, ut animis corpore liberis
similis atque par sis: ut in eorum
ordinem referaris, qui exuta proje-
ctaue mortalitate, & ex humano
pectore egressi, sidera diemque ip-
sum calcantes, atque sine corpore,
ex sola nunc constantes virtute
plusquàm homines facti sunt, vix
aliqua specie mortis, vix levissima
qua.

quadam immutatione opus est, opus
est tantum, ut idem sis, qui nunc es.
Aliud ex alio occurrit, nec ullam
laudem tuam claudere licet nisi
alia. Nullum quippe temporis exit
momentum, quod non insigni facto
nobilitates, quod non augeat tua in
genus humanum beneficia. Quin
usque adeo actiuosa est, atque velox
benignitas tua, ut temporis celeri-
tati anteeat, & temporis momentis
sit quodammodo multiplicior, si ita
loqui fas est, plus agis, quam vi-
vis. En dum hac scribo, terra tre-
muit, atque finitima quaedam oppi-
da in ruinas, pulueremque commi-
nuens prostravit omnino, demersit,
sepeliuit. Hæc fuere olim mala, ne
dicam atrocissima mortalitatis pe-
ricula, atque immania exitii mon-
stra: nunc, te rerum custode, non
sunt, aut certe esse non sentimus.
Quicquid hausit, & abstulit tellus
rebellans, restituit, atque plenius
re-

*refundit inexhausta, indefessaque
munificentia tua, & dum reddit,
quicquid perierat, efficit propè, ut
non perierit, ut qui factus est terra
motus, infectus sit. Ergo vel fu-
gientibus, vel irruentibus elemen-
tis, conquassata subterraneis ful-
minibus, contrita, atque subducente
se tellure, publica felicitas tua
bonitati innixa inconcussa stat, at-
que secura. Haud secus solis splen-
dore tenebra eluuntur, quàm tua
bonitate exarmata omnia natura
mala vires nocendi nunc amifere.
Tantarum itaque rerum in monu-
menta quamvis assurgant pyrami-
dum, atque arcuum immensa mo-
les, congeratur quicquid in anti-
quorum principum gloriam factum
est, immò etiam quicquid non fa-
ctum est, atque non solum mons ali-
quis imagine tua indutus fiat tibi
statua, ut spes olim injecta fuerat
adolescenti illi Pellao, quem natu-*

ra videtur edidisse, cum quo terrarum orbem collideret, sed ut alia non dicam, Sol, si fieri posset, atque lux ipsa in effigiem tuam elaboretur, sed orbis erigatur in tropicum, sed alius unice in gloriam tuam nascatur, atque exsurgat. Universa hæc conferta, atque exaggerata nihil ad illarum amplitudinem, atque præstantiam. Orbis enim iste, cujus magnitudo terret oculos nostros, quid aliud magno animo videtur, quàm angustie quedam, quàm eorum, quæ natura morte damnavit, atque fame ipsius carcer, quàm pars brevis somni. Illam innumerorum corporum, quæ continua serie adhaerentia sibi, atque contexta unum velut corpus efficiunt, hanc tam variæ, multiplicisque materiæ porrectam undique, ac expansam universitatem, quam oculis, ut ita dicam, tangimus, quæ imperitorum cogitationes absorbet, exbau-

exhauritque, magnus animus vel
una cogitatione complectitur, atque
involvit. Immo quantum abest,
quin mundus totus cogitationem it-
lius impleat. Diversi illi limites,
quibus undique circumscriptus, ac
veluti vinculis, catenisque circum-
strictus, atque depressus in se coar-
ctatur orbis, illi, inquam, termi-
ni, ubi haeret mundus, naturaue
desinens in se revertitur, adherere
sibi invicem, & idem esse, & quic-
quid ipsa interjacet, quasi nullum
magna menti videtur: quia vix à
nihilò sunt diversa, quae ultra limi-
tes quosdam nulla sunt. Ità dico
animus ingens, qui orbe ipso va-
stior ejus fines cogitatione perrum-
pit, qui per mediam mortem im-
mortalitatem invadit, omnia, quo-
rum natura in corpore, atque ma-
teria sita est, infra naturae suae di-
gnitatem jacere intelligit. Ridet
ille, atque aliè cogitabundus pro-
te-

terit, atque conculcat laborantem,
sudantemque vulgi ambitionem,
quæ in terrarum angustiis conclu-
sa, his in ipsis se dilatari velit,
quæ ex pulvere, atque luto claritu-
dinem petens, atque monumenta
sibi erigens, sordibus quodammodo
se ornet, quæ à mortalitate fugere
frustrâ cupiens, atque in fatum
ire suum recusans, nonnullis in-
scriptis, vel insculptis marmoribus,
parvo ære in imagines elaborato,
his, inquam, perituris, immò per-
euntibus constare atque contineri
eternitatem gloriæ existimet. O
miserofne potiùs dicam? aut ridi-
culos? vel utrumque? Ista, quæ
putatis tropæa, ludibria sunt, &
puerorum ludicris proxima nuga,
atque prorsus vobis ipsis similes.
Ità in hac temporum fuga existunt,
ut existere statim desinentes ne
quidem extitisse videantur, pereunt
etiam illarum ruina, vix fuere.

Sic

Sic certè se res habet, atque sic
etiam magno animo videtur, qui
statuis, ceterisque mutis monumen-
tis affixam, insitamque inherere
famam suam nec cupit, nec curat:
at sibi dari aliquid congruum sibi
magis, & aptum, vivum, ac ani-
matum suam, cui sustentandam
gloriam, atque per omne ævum
propagandam commendat, atque
committat. Atque id, quod tacito
quodam voto in præstantibus viris
insidens, & innata animi magni-
tudo petit, atque designat; Quid
aliud est, quàm cujusdam gravis
orationis cum magnificis verbis,
tùm splendidis sententiis copiose
majestas, atque amplitudo? Illud
nempe monumentum est, quod non
solum animæ, sed ingenii plenum,
vivum est non modò, sed quæ na-
tura mentis est, immortale, Poste-
ritatem, atque alia ex aliis orien-
tia secula de maximis virtutibus
eter-

*aterna voce admonens , ac contem-
stans , atque per omne ævum spar-
gens summorum virorum laudes ,
& in memoriam orbis terræ sempi-
ternam disseminans. Quod ut tem-
pus diuturnitate , sic mundum ma-
gnitudine exsuperat . Quum enim
ea , quæ natura mentis constant ,
locum effugiant , hoc ipso , quasi in-
finita existunt , adeoque corporibus
omnibus majora . En hujusmodi
monumentum P. B. non ex vilibus
abjectisque illis unum , quæ auro ,
gemmisque , splendido illo luto ,
pauperibus terrarum divitiis , pre-
tiosis ambitioni sordibus reful-
gent , sed luminibus ingenii to-
tum extructum . Quod mutantur
licet , evertantur , corruant impe-
ria , & non hominum modò , sed ur-
bium fiat quedam strages , pro-
cumbant montes , comburatur tel-
lus , vel ipsa suis submota , convul-
sæque sedibus in mare discedat ,
atque*

atque effundatur, ipsum desinat
tempus, stabit integrum in uni-
versi interitu, & fracto orbe, dis-
sipato atque evanescente cælo,
quum non tam mundus supererit,
quàm quoddam mundi quasi cada-
ver, quum omnia solùm ruinae, im-
mò jam nulla erunt, vegetum ma-
nebit, atque efflorescens. Quod de
livore, de morte, de tempore trium-
phans, naturæ superstes cum ani-
mis hominum ipsam ingreditur,
occupabitque eternitatem. En, in-
quam, pretiosè assurgentem facun-
diæ molem. En purissimam, poli-
tissimamque ingenii partem in lau-
des tuas absumptam. Nam profe-
ctò nihil aliud est Eloquentia,
quàm flos mentis, atque pulchritu-
do, quàm lux quædam ingeniosa,
fulmen animorum, cujus, lumen il-
lud quod oculos nostros afficit, non
tàm imago, quàm umbra est. At-
que hac eadem perfectæ, & unica
est

est effigies virtutis, animaque gloria. Verum unde est orsa, in eo terminetur oratio. Dignare ò Christianæ Patriæ Sancte Parens tributum, quod imperaverunt orbi virtutes tuæ, bonorum scilicet omnium amorem non modò, voluntates, animos; sed etiam summi viri exquisitam doctrinam, clarissimum ingenium, & quod iis, qui tanto premio digna gessere, tam gratum debet esse, quàm quod gratissimum, Eloquentiam immortalē. Rome Kal. Jun. MDCXCV.

EMMANUEL MARTINUS

L E C T O R I

Salutem, & amorem.

M*Alagonnellii nostri Oratio-*
nes ab eruditissimis quibusque hominibus anxie diu expectatae, ab aliquibus verò etiam cum animi impotentia, prodierunt tandem anno præterito typis Venetis. Sed (nefas !) mendis, nævisque adeò deformes, ut castissimæ, ac pudicissimæ matronæ meretricum speciem induisse viderentur. Illud mihi vulnus fuit inflictum ex ea operis jactura, ut nisi denudò ederentur, vitam penè mihi acerbam putarem. Eadem vota, idem animus, pro omnibus, ac Latinæ eloquentiæ verè

A

aman-

amantibus . Precari igitur auctorem , verbis suadere , orare , ut si forsan exorare liceret . Cessit denique amicorum precibus . Statutum ergo hanc castissimarum virginum (Musarum verius dicerem) enneada cultiori , decentiorique habitu in literatorum hominum conspectum emittere . En igitur illas , nobis potissimum suadentibus , benigne Lector , queis sine stupri periculo frui commodum possis . Me enim proxenetam aut impulsorem hinc profiteri minime erubesco . Invenies in iis , Lector , ingenuum illum Latini sermonis pudorem , ac , ut ita dicam , verecundiam . Non elumbe , exsuccum , ac supinum illud dicendi genus , quod hac tempestate , nescio qua vi maligni ac pestilentis fideris , multorum animos afflavit , fideraritique .

que . Sed grande illud, potens,
nervosum, ac verè masculum:
in cuius brevitae robur, in ro-
bore splendorem, in splendore
numeros invenias, ac commif-
suram illam, Romanæ eloquen-
tiæ decus, Latinarumque au-
rium illicium atque irritamen-
tum. Fruere Lector, & Vale.

Imprimatur ;

Si videbitur Reverendiss. P. Mag.
Sac. Apost. Pal.

*Sperellus Episc. Interamnen.
Vicesg.*

Imprimatur .

Fr. Thomas Maria Ferrari Ord.
Præd. Sac. Apost. Pal. Mag.



CASUS PRINCIPIS
S I V E
DE LAUDIBUS
INNOCENTII XII.
PONT. OPT. MAX.
O R A T I O I.
ANTONII MALAGONNELLII
Inter Arcades Sireni.





Augustæ , ac pulcherrimæ
U R B I U M
NEAPOLI.

Antonius Malagonnellius

Felicitatem .



*Improbum sane facinus
litterarum audacia
majestatem illius Ur-
bis adire , quæ fœcunda parens
Heroum , populo velut Regum
gloriatur ; Et quæ una esset in-
genio maris , terrarumque side-
ribus emula , nisi & eandem in
commune fatum mortalitatis*

A 4 pro-

provida Divinitas condidisset .
Tamen si peregrinum, & incul-
tum hominem non dedigneris,
inferam gloriae tuae pulvinari-
bus non barbaricae opulentiae do-
naria, sed in paupere Musarum
suppellectili grande amoris, &
obsequii pignus, atque adeo ma-
gnitudine argumenti nobilita-
tum, ut non alibi Te tibi di-
gnius ostendam: cum Tu, quae,
quantaque sis, uno vel in Cive
cognoveris . Vale .



Deone tam malè de
Cælo meruimus, ut
parùm fuerit lethali
Principis casu salu-
tem nostram, & pu-
blica vota prosterne,

nisi & imagine duraturæ felicitatis
elufos inopinus Fortunæ turbo col-
liferit? Furor est de Numinibus
queri; sed magnarum Urbium ex-
cidia, ingentium populorum cla-
des in ultionis divinæ remedium,
miris antea ostentis denunciatae,
& sæpè fulmina, ut ignoscerent, ce-
cidere. Sic olim contumax eversa
est Sion, & pœnitentia Ninive stetit
incolumis. Una Urbium Roma,
Sacrarium Fidei, colonia fiderum,
repentino tacta fulmine, procu-
buit, nullo Superum præmonente;
nisi assiduis conflictata calamita-
tibus non aliis fuerit deterrenda
minis, quàm prodigio felicitatis.
Quod si decretum est expiari quic-
quid irarum in nos cœlestium hu-
mana excivere flagitia, non pœnam
superi deprecamur; irruat Euro-
pam

pan Asia , expetatur in arcem ,
 preciumque bellorum Italia , dene-
 get Cœlum fruges , & Urbem ,
 hanc acervo funerum pestifer an-
 nus involvat . Revocet tamen pol-
 lutam sacrilegio manum Fortuna ,
 horreat facinus , quod non omnium
 retro Principum funera exæquarent,
 nec in immensum aucta scepro-
 rum strue posteritas omnis exple-
 ret . Principe hoc uno incolumi ,
 per adversa casuum , perque unda-
 rum , ac terræ minas æmula fide-
 rum nubes securitati nos reddet .
 Certa est , quæ venit de exemplis
 fiducia ; Nam ut primum viro huic
 Sanctissimo imperium humani ge-
 neris delatum est , & novo , ac fa-
 lutari fidere Vaticani Cœlum reful-
 sit , sensit admotam illicò terrarum
 orbis custodiam , & mutatis rerum
 vicibus resurgentes Asiæ vires attri-
 tæ , Europæ arma infra iram steterunt :
 repressa imminens Latio fames , &
 Ægyptiæ cladi par lues .

.. Liceat inter exordia regis laudis
 cessari , quod non adhuc Oratorum
 ullus ,

ullus, nec fortasse in posterum de se profiteri aut poterit unquam, aut volet. Par nempè mihi, ac Principi, novumque decus accedere, quòd non præmiis, nec judicio quidem honestatus, sed insinuante sese nuper invidia repulsus, velim nunc studium omne, & ingenii curas intendere, non ut per aliena facinora inclarescam, & majestatem invitam alioqui, & laudum aspernantem obsequentis styli audacia prosequar; sed ut memoriæ temporum, honori Urbis, & veritati rerum inserviam; si non gratiæ apud invidos, fidei tamen, & integritatis gloriam apud posteros habiturus. Et sanè quis unquam in decus, famamque sæculi pronior me uno? qui aliorum irrisui temeritatem, præsumptæ eloquentiæ difficillimo præsertim argumento contulerim, in quo pleraque laudum ideò suppressenda, quia Principis nostri gloriam non tam augent, quàm imminuunt; Nam si deprehensus in origine sua Nilus Ægyptiæ gloriæ

minor effluxit, quo nunc studio & suspensæ artis labore cuiquam eruditæ etiam facundiæ viro initia essent, & origines divini hujus prope modum hominis prætentandæ, ne tot regias animi dotes, & excellæ indolis ornamenta, ut ingenita, & fortuita, natalium fulgor, & fors altissima Patriæ innumbraret?

Non enim humili velut urbe, aut obscuro editus municipio ad lucem magnæ fortunæ caligavit, sed triumphales ei cunas, & augustos spiritus indidit grande illud Italicæ claritudinis adjumentum, Neapolis: Urbs omnium, quas Cœli convexitas ambit, pulcherrima. Ibi namque aeris mira clementia, terrarum orbis commercio fervens mare, & ipsa collium fertilitas in coronam, perpetuæ amœnitatis educta, gaudentis Naturæ sedem, ac regnum ostentant. Genium tantæ Urbis bellica civium virtus, & studia pacis commendant. Ad hæc aperti mores, & exultî, pronæ ad pietatem
men-

mentes, nil tamen humile , aut vulgare spirantes ; nam supra corporis dignitatem , ac decus formæ , tantus fidei pudor, tanta nobilium animis laxatæ gravitatis venustas elucet; simulque tam generosa rerum , ac vitæ contemptio , ut facilè infitam regiæ indolis majestatem deprehendas privatæ fortunæ gloria feliciorē .

Et quando jam libuit virtutes ipsas censu fortunæ reputari , cur non hîc inditam sibi labem ultrix facundia redimat , seque damno Principis , & iniuria laudum nobilitet ? Complectar magnitudinem , fortunamque regiæ hujus propemodum domus , & vetustissimæ nobilitatis atria collustrans , proferam simulacra omnia , & innumera gentis monumenta , quibus vel ipsa veteris olim Octaviæ augusta porticus superbiret . Deinde repetitis ab ultimâ avorum stirpe maximarum rerum exemplis, aperiam artes , studia, instinctus, quibus ingentes animæ , velut tradita per successiones glo-

gloria, & versa in naturam consuetudine ardua quæque, & excelsa prætentandi, ævum suum, totamque posteritatem illustrarunt. Cernere primum erit religioso pacis otio, & sapientiæ studiis enata ingenia sanctitate infularum urbibus imminere, moderari exemplo populos, Principes, Regesque consilio. Hinc artium præsidia, literarum decora, voces, & oracula Principum, ac dissidentium dominationum fœdera, & amores. Magna quidem hæc, sed ipsa Heroum multitudine, rerumque proventu clariora; congesta tamen, & in arcum retracta, veluti gloriam omnem, spatiumque datura Principi, cui nunc terrarum inclinatur Orbis, & mortalia omnia veneratione procumbunt. Sed nequis credat, domum hanc Religionis tantummodo, & literarum altricem; spectaculum gentibus tradam, in quo nil nisi atrox, atque truculentum occurret. Expugnatae arces, fugati exercitus, incensæ Urbes, strata cada-

daveribus littora, infectum cladi-
bus mare, plena demum omnia tu-
multus, periculorum, & sanguinis.
Addam innumera provocatæ forti-
tudinis experimenta, & suspensis
utrinque exercituum animis, Tor-
quati sæpè gloriam pari certamine
exæquatam; & ne sibi Roma nimis,
Iliumque placeat, clypeos inter, &
rostra navium, hastasque, magna
semper nomina, Antonii, Fabricii,
Scipiones, pluresque, bellorum ful-
mina, Hectores eminebunt.

Annè igitur magnanimitatem;
nostri Principis, justitiam, pieta-
tem, abstinentiam, ut propria, ut-
que sua laudaverim? Nisi fortè
omnem supra gloriam fuerit, quod
hæc eadem per exteras gentes, va-
riosque populorum mores intacta,
& illibata servaverit, & rarissimam
magnis domibus laudem custodi-
verit, innocentiam. Nec mirum vi-
deretur, si sacros inter Thebarum,
recessus, aut consecrata abstinentiæ
claustra talis nunc esset; sed in pu-
blica mundi luce, ac Principum au-
lis,

lis, inter ancillantis nequitiae blandimenta, & feliciora virtutibus scelera degentem non invidia premi, aut premere, non voluptatibus irretiri, non spe, non metu torqueri; sed obniti cupiditatibus, affectibus imminere, prosperam, adversamque fortunam ex æquo respicere; non minus arduum, ac portentosum existimo, quam cum sanctissimo Regum Davide fauces Leonum elisisse, & intra septa crudelitatis stetisse cum Daniele securum.

Romæ siquidem à puero spatia virtutum ingressus, & veluti jam inde censuram Urbi, & exemplum deberet, acta per honestas artes adolescentia, juveniles annos iis potissimum studiis, & sapientiae meditationis exercuit, quibus ingenia ad magnæ fortunæ cultum excitantur. Festinata meritorum luce, anceps, & infidum aulae limen intravit. Comitabantur futuri Principis juventam ingenuus pudor, in affectata gravitas, ingens animus, & laudatis antiquorum moribus haud impar

par virtus . Quæ invisa statim , seu
 potius ignota, vitia fuere inter eos ,
 quibus non nisi subdola , torvaque
 virtus placeret . Brevi tamen ob-
 versis in obsequium animis, adeò
 vicit peculiare malum invidiam, ut
 jam nil ei fore impervium boni , ac
 mali juxta rara felicitate omina-
 rentur . Vidit aula in hoc viro pro-
 movendo plurimorum sanè Ponti-
 ficum illustre certamen . Hinc ho-
 norum initia , Præfecturæ , Magi-
 stratus, regimina, per quæ non tam
 effusa in egestatem pietas, quàm in-
 situs quidam horror emicuit adver-
 sùs sensuum illecebras , & blandi-
 menta munerum, quibus haud rarò
 temeratae administrantium mentes
 arbitria Principum, ipsamque maje-
 statem licitantur . Positis per mi-
 nora tyrociniis , & jam regna , re-
 gumque animos prudentia com-
 plectens , Hetruriæ, Poloniæ, Ger-
 mania demùm aulas legationibus
 insignivit ; Et ut sidera peractum
 cœlo iter vestigio lucis designant ,
 sic militare illud , ac nobile superci-
 lium

lium Africæ Melitam, & peragratos
Europæ tractus regiis artibus, &
Apostolicæ sollicitudinis gloria illu-
stravit.

Visa tamen vani nominis Fortu-
na vim suam immiscuisse, ut natum
ad imperia virum per secunda, ad-
versaque casuum erudiret. Nam re-
pente gradibus honorum abruptis,
ad Lyciensis Ecclesiæ tutelam, fini-
stra in aulam interpretatione sepo-
nitur. Commoverant animos su-
pra ingenium, quod Europa ferè
omnis exercuerat, gesti honores,
imminutæ opes, & per labores, pe-
ricula, sollicitudines, in senium fe-
stinata jam ætas. Ceterum incon-
cussus, atque imperturbatus, aucta
per obsequium, & constantiam fa-
ma, suam adeò Principi fidem com-
probavit, ut Romam accersitus in-
signioribus aulæ præfecturis deco-
raretur, non sine spe purpuræ, quam
haud longo annorum interiectu sub
imperio Innocentii XI. virtutum
acerrimi æstimatoris assequitur.
Faventina mox insula redimitus,
& à

& à Bononiensi Legatione recens , Neapolim ad sacra patriæ tutanda revertitur, comitante opinione, parari rerum humanarum id caput . Non spes , aut omen improbavit eventus ; nam sanctioribus nuper mundi comitiis , sortem penè omnem mortalitatis egressus terrestre, Dei solium ascendit, sibi que convenientissimum integritati suæ nomen assumpsit, ut desideratissimi Principis memoriam extenderet, & immistos jam Cœlo mores nominis innocentia referret .

Præcipua novi Principis consilia fuere, non infelicium Provinciarum spoliis, aut sacra censuum opulentia hiantem suæ domus charybdim explere, inferere Principibus posteros, ac ea demùm exequi, per quæ impiorum procacitas, odiumque nobilitatur ; sed apostolicæ dominationis disciplinam recognoscere, inspicere magistratus, judicia, ærarium, robur denique urbani militis, & quicquid in magno imperio, magnoque populo dignitas Principis ,
& li-

& licentia temporum expetebat . Et quamvis natura blandus , & rarò cuiquam adversus , tamen , ut primùm negotia , & ingenia hominum postularunt , adeò ab insita lenitate descivit , ut elusa eorum spe , qui segniter , ac remissè regnatorum crederant , fræna statim injecerit contumaci superbix , & Urbem molli-ter , ac licenter habitam ad modestiæ , pietatisque frontem coegerit .

Quamquam non alia major Principis nostri gloria , quàm quòd cupiditates hominum moderaturus , exemplo primùm suo , regnatricem aulam ita pristinæ sanctitati restituit , ut in una domo universam penè mortalitatem emendaverit . Et sanè certioribus nunquam experimentis comprobatum posse superba etiam aularum fastidia , & callidam Procerum integritatem , vanaque alia spei celsioris molimina , ad veritatem innocentix compelli exemplo , metuque imperantium . Quin ipsa Quirinalia tecta , commune pignus felicitatis amplexa ,
fini-

finitimam collium superbiam tam hilari, novaque luce videntur lacescere, ut planè intelligantur gloriosissimi Principis sentire dignitatem. Tanta nimirum in eo moderationis, & abstinentiæ laus, tam præcipua virtutum omnium sanctitas inest, ut & Palatinas Neronum domos, ipsasque mugientis Aventini specus innocentiae pastoralis vestigio consecraret.

Hinc pudor in omnes, ac metus detrectandi exemplum illustre Pontificis, quem Apostolicis moribus, & quotidianæ vitæ institutis, ceu mortali majorem Romana jam pietas intuetur. Et quidem omnium mihi superioris ævi Pontificum adoranda sunt nomina; Sed quis adhuc pauperrimus ita secum, & restrictissimi moris author erga sensus, deliciasque mortales, ut in tanto rerum arbitrio, & contermina sideribus potestate nil, nisi curas, labores, continentiam usurpaverit? Admissiones assiduæ, breves somni, expeditæ, ac parabiles cænæ, vestium exte-

rior



rior cultus, ut ad insignia, splendoremque dignitatis, sic interiùs omnia ad privati Sacerdotis morem, lacera propemodum, ac detrita.

Levia forsitan hæc, & ad explendas ærarii lacunas exigua frugalitatis momenta; excelsa tamen apostolicæ severitatis exempla, & posteros aliquando Principes oneratura, præsertim qui viderint sacras opes, & Ecclesiæ munera extra corruptelam fœdissimi ambitus ad optimum quemque deferri, antiquæ claritatis sobolem gradibus honorum attolli, pretio tamen virtutis, aut intercedente pudore. Meminerint faciles etiam aditus, & invitantia limina, obviam humanitatem, clementiam impetrabilem, & prærogativa quadam calamitatis egestatem humaniùs exceptam. Ingeram plebejas, & illustres domos assiduis sumptibus, & clandestina pietate, enutritas, patrios census, avitas opes, quicquid prætereà suppellectilis in veteri, longaue domus opulencia, interque magnæ fortunæ
in-

instrumenta enitebar, divenditum
in pauperes, effusumque.

Hæc eadem munificentia curæ
non proximas tantum civitates, at-
que oppida, velut Colonias Roma-
næ paupertatis respexit, sed longin-
quas etiam suæ ditionis urbes; quæ
etsi terrarum fertilitate, cœlique
indulgentia felices, ita tamen ava-
ritia publicanorum obnoxia, ut,
versa in votum injuria, supra dam-
num sterilitatis ubertatem imputa-
rent. Huic tandem calamitati pro-
vida severitas Principis occurrit,
restituto commercio, ac jussa liber-
tate cœmmeatum, qui gravioribus
antea pœnis intercipiebantur, quàm
si non ad finitimas, sociasque gen-
tes, sed ultra Danubii ripas, aut di-
reptis mare barbaris importaren-
tur. Intelligant ergo bona sua tot
urbium, & agrorum populi, sciant-
que alimentis suis pari gloria con-
suluisse Cœlum, & Principem. In-
ter hæc assiduæ pietatis medita-
menta, ac civiles, sacrosque provi-
sus nec alia quidem defuere, quæ
di-

dignitatem Apostolici Principatus manifestius attollunt. Excipere legationes, Senatui frequenter adesse, ostentare se populis, solemnia sacrorum exequi, mutuis Principum odiis Christiana consilia objectare, bella demum in Barbaros ærarii viribus augere. Mirum videretur, si adderem, nullas Principi refectio- nes, nec alia unquam laxamenta curarum, quam quæ solitudo interdum urbanæ rusticitatis ingereret.

Quirinalis Regiæ latera claudit perpetua hortorum amœnitas. Non alibi manus artificum, ac Principum opes cum ingenio naturæ felicius decertant. Incesserat tamen, ea villicum cura erga sapientiam, pudoremque Regnantis, ne quid improbum, & ineruditum occurreret. Statuas igitur, & Signa, vana olim Gentilitatis Numina, nunc artis, & luxuriæ prodigia foliorum velamento, & circumducta crinibus, humerisque odoratâ florum, textura ad modestiam temporum, gratiamque operuerat; quæque no-
vis

vis insuper aucta, & emendata mysteriis, insignia domus, nomenque Principis, virtutesque referebant. Cessere in trophæa salutis, & monumenta fidei tot undique buxi, myrtique, quas antea tigres, aquilæ, dracones, ac penè tota furentis Africæ pensilis ira efferabat. Non alia tamen virentis soli species, aut mirabilior, aut gratior, quàm quæ felici cultorum negligentia inhorruerat; nam sorte quadam intermixtæ vepribus rosæ videbantur in gloriam novi Moyfis rubos accendisse. Vicerat studium artis Fortuna, nisi & hanc ultra sagax agricola ingenium protulisset. Meditatus est, peregitque opus, quod innocentia sumptuum, & miræ artis commento non tam sapientum oculos detineret, quàm moles illa eluderet, quibus Romana olim ingenia superbiæ Cæsarum blandiebantur. Frontem primi aditus, & si multæ cedro conspicuam, nobilitabant tamen intextæ cancellatim arundines, quæ in morem arcus porrectæ

B

fra-

fragili nexu firmabantur. Serpebant undique similes, nasturtia, volvuli, atque aliæ reptiles, & solares herbæ, quæ in exitium suum asurgentes fugaci colorum certamine caducitatis humanæ triumphum ornabant. Et ne quid deesset ad gratiam novitatis, tumentes in florem uteri furtiva sæpè manu tam eruditè aptabantur, ut prima tacti luce in infulas sceptræ, diademata brevi sese risu aperirent, & varia inter emblematum coronamenta ludentes, prout dies crevit, decrevitque, rapidissimæ vitæ spatia umbra, folioque signarent. Temporariæ pompæ latera firmabant myrtæ Angelorum imagines, quæ velut in tutelam divinæ amœnitatis, exerto in terrorem gladio, ac penè vultu prophanos arcebant. Hæc iter sæpè Principi, qui, ut imperii curas leniret, odoratas inter auras circa meridiem ambulabat, & nobiliores ubi arbores sylvestri imitamento silentium, umbrasque ministrabant, sedebat sic supra fontem, ut altissima
re-

rerum imagine mortalia secum
omnia voluntas ingentem animam
cœlo, & sideribus immisceret. His
itaque meditamentis actus, cum
omnem ultra semitam aliquando
oberraret, forte fuit, ut in agrico-
lam, quicquam jam tale sperantem,
inciderit; qui opportunè areolarum
sepimentis papavera fremens evul-
serat, ut noxia populo florum, nec
alio, quàm authoritate coloris mon-
stranda. Non minori insequabatur
odio, cicutas, aconita, napellos,
aliaque malignantis soli portenta,
quæ forte, casuque amœnitatibus
hortorum innata, & alieno statim
succo in superbiam enutrita nobiles
herbarum faturas aut magnitudi-
ne comprimunt, aut necant am-
plexu.

At Princeps facunda humanitate
villicum excipiens, haud multa de
hortensibus, nec imperitè differuit:
deinde Naturæ majestatem mira-
tus, quæ per tot ridentis solis odo-
ramenta sic luserit, producto per ar-
tem sermone, sensim ad propria de-

flexit, quæsitque, quis rerum status, quæ spes Urbis, quid ipse demum de Principe, seu per alios sentiret: dissimulata tamen dignitate, & vultu, quò plura eliceret. Tum villicus pari arte colludens, ratusque impunè sibi futurum quicquid sub hac larva ingenua libertas effunderet: Nimium, inquit, in hoc otio ignaræ rusticitatis expostulas; illos interroga, qui aulico, civili-que ingenio curiosi scrutari, & carpere cuncta Principum amant. Sed ne rudem, & incomptum hominem averferis, quicquid in triviis eloqui, aut discere cum populo libuit, expediam: Principem ferunt rebus humanis contigisse, imperium suum, & longa vota Urbis exæquantem, justum nempe, inconcussum, munificum, contemptorem opum, & Virtuti per omnia simillimum. Quàm nova statim Urbi & formæ rerum, & facies! Revocata in forum integritas, restituta legibus reverentia, omnibus æquitatis, industriæ, laudis amor incussus, aut ne-

cessi-

cessitas imperata. Vivere libet, natum esse non pœnitet. Augustam hanc Principis mentem, & numerosa gloria nobilitatum animum externa etiam, & fortuita commendant. Proceritas corporis, vultus præcipua dignitas, & qualem audacia suæ artis colorum periti Numinibus effingunt. Ad hæc robur virium intactum adhuc, & duraturum, temperantia custode. Ferat tamen ingenui pectoris amabilem contumeliam; nescius fraudum, simulationum expers, ac omnium denique artium ignarus, quas calidissimi imperantium inter præcipua sibi laudum censuere: paratus nempe nimium peccantibus, & aularum insidiis opportunus. Hæsit ad ea Princeps, & urbani sermonis cultum admiratus: Si talia, inquit, agrestium ingenia regnantium animis inservirent, fore jam & aulis suum decus. Alia prosequentem occupavit agricola; & ne mireris, inquit, hoc quaecunque civilis eloquentiæ specimen, peracta,

mihi vividior jam ætas in hujus sacrae Urbis obsequio, & regali, ac munifico Hetruriæ genio suffultus, sæpè inter aras amicitiae cum proceribus illis assedi, qui cum viverent, regnandi artes, momenta, & arcana regnorum eruditè intellexerunt; quorum admonitu severa studia, & horridas propemodum literas adeò musarum amœnitatibus excolui, ut visus sim Regum, & Pontificum famam felici, ac duraturo labore posteris tradidisse; & ferar nunc inter prima nomina renascentis Arcadiæ. Sed cum nulla ex honesto spes, & præmia virtutis, plerumque apud improbos invidiæ cedendum ratus, agreste otium respexi, in quo felix hortorum incola rideo casus meos, & rastra hæc, & ligones, velut anchoras adeptæ tranquillitatis amplector.

Nec pœnitet Urbem reliquisse; in qua pejora sæpè fovendo, nusquam Fortuna vires suas inclementius exercet; creditque pudorem absolvere, si quando in portenti faciem

ciem attollit, qui per falsa imitamenta virtutis Principum animis irrepere, quive celsioris literaturæ, & civilium disciplinarum ignari per fordidas verborum nundinas otio ignavi laboris consenuere.

At ne videar genio quæsitæ amœnitatis nimium agricolæ affectibus indulgisse, hic rerum status, hæc sollicitudo Principis depulsam uribus fidem, tunc etiam à villico reposcentis, funestissimam recentis mundi scenam mortalium oculis revocavit, ostenditque, si unquam aliàs, tunc sanè nullam homini satis fidam esse fortunam, tutamque majestatem, ubi virtus aliqua sortem mortalitatis egressa invidiam, iramque excitavit. Everfor ille nostræ humanitatis Serpens insidiatus calcaneo Principis, salutem publicam in casum dedit, ut in ejusdem læso femore sanctiorem Eva sponsam opprimeret. Sed nil Viro huic sanctissimo accommodatius ad gloriam, quam supra cæteros Principes etiam casibus ascendisse. Inter

mihi vividior jam ætas in hujus sacrae Urbis obsequio, & regali, ac munifico Hetruriæ genio suffultus, sæpè inter aras amicitiae cum proceribus illis assedi, qui cum viverent, regnandi artes, momenta, & arcana regnorum eruditè intellexerunt; quorum admonitu severa studia, & horridas propemodum literas adeò musarum amœnitatibus excolui, ut visus sim Regum, & Pontificum famam felici, ac duraturo labore posteris tradidisse; & ferar nunc inter prima nomina renascentis Arcadiæ. Sed cum nullà ex honesto spes, & præmia virtutis, plerumque apud improbos invidiæ cedendum ratus, agreste otium respexi, in quo felix hortorum incola rideo casus meos, & rastra hæc, & ligones, velut anchoras adeptæ tranquillitatis amplector.

Nec pœnitet Urbem reliquisse, in qua pejora sæpè fovendo, nusquam Fortuna vires suas inclementius exercet; creditque pudorem absolvere, si quando in portenti faciem

ciem attollit, qui per falsa imitamenta virtutis Principum animis irrepere, quive celsioris literaturæ, & civilium disciplinarum ignari per sordidas verborum nundinas otio ignavi laboris consenuere.

At ne videar genio quæsitæ amœnitatis nimium agricolæ affectibus indulgisse, hic rerum status, hæc sollicitudo Principis depulsam uribus fidem, tunc etiam à villico reposcentis, funestissimam recentis mundi scenam mortalium oculis revocavit, ostenditque, si unquam aliàs, tunc sanè nullam homini satis fidam esse fortunam, tutamque majestatem, ubi virtus aliqua fortem mortalitatis egressa invidiam, iramque excitavit. Eversor ille nostræ humanitatis Serpens insidiatus calcaneo Principis, salutem publicam in casum dedit, ut in ejusdem læso femore sanctiorem Eva sponsam opprimeret. Sed nil Viro huic sanctissimo accommodatius ad gloriam, quam supra cæteros Principes etiam casibus ascendisse. Inter

suorum manus, & lachrymas cubiculum vitæ dubius infertur; ibique novos, velut impetus ad virtutem nactus, primum ne aulam deterreret, insidens femori malum constantissimè dissimulavit, deinde novas etiam curas in remedium accersens quiescebat interdum, surgebatque rursus, donec adstrepen- te pauperum desiderio, & mœrens ipse, vel hoc uno, quòd publicis eorum alloquiis cogeretur abesse, ingenio pietatis suffultus, ac diù ferociter colluctando debilitati suæ cubiculi tandem moras evicit, præbuitque de se spectaculum triste simul, lætumque, & quale profani nunquam, aut sacri annalium conditores memoriæ temporum tradidere. Datum est intueri confectum morbo, ac senio Principem subalaribus fulcris inniti, & suspenso per intervalla poplite triumphales currus, & omnium retrò Principum famam cœlesti gradu anteire, ipsamque regnaturæ posteritatis gloriam occupare.

Sic

Sic igitur, Pontifex sanctissime ,
 affectus hominum , & judicia me-
 ruisti, ut non sine pudore, ac lachry-
 mis acclamationes illas exciperes,
 quas tibi nuper non tam publici
 amoris ingenium , quàm tua meri-
 ta , tuæque virtutes excogitarunt.
 Nam ut primùm tua, seu potiùs no-
 stra omnium vota soluturus , redi-
 viva propemodum majestate Urbis
 oculos implevisti , quæ populi ala-
 critas , qui tumultus , quæ laudum
 effusa sinceritas ! Parentes , liberi ,
 sexus omnis , omnis ætas desiderio
 tui concurrare, insequi, anteire, spa-
 tia viarum obstruere , atque adeo
 summitates ædium , & pericula te-
 ctorum implere , ut in simulacrum
 novæ Urbis Urbs Roma penderet .
 Ut verò sanctiora Vaticani limina
 miraculum & ipse lachrymarum in-
 crasti , quàm illicò geminata gau-
 dia, redintegrati plausus, aucti gra-
 tulantium clamores ! Auditæ voces
 conferentium Te priscis , ac veteri-
 bus illis , quibus calcata maria , im-
 perata sydera , coacta elementa ,

gloriam, famamque divinitatis adstruxere. Hæc inter gestientis lætitiæ certamina ipse ego arcani amoris impatiens temperare mihi non potui, quin publicis affectibus privata etiam desideria conjungerem. Vive diu Princeps, tuasque ad imperium moras duratura felicitas expiet, donec quiescentibus bellis, & nobilitatis evangelica luce solis utriusque limitibus, emerito tandem Cœlo redoneris, has aras, hæc altaria non ultimum populis Numen aucturus.

DE ELIGENDO
SUMMO PONTIFICE

Post obitum

CLEMENTIS IX.

Ad Eminentissimos

S.R.E. CARDINALES

O R A T I O II.

Habita in Basilica Vaticana 12. Kal.
Jan. Anno MDC LXIX.



Sacro, Augustissimoque
CARDINALIUM SENATUI

Antonius Malagonnellius

Felicitatem.



*Elici quodam errore
arbitror contigisse,
P. E. quòd cum sæpè,
ac palàm in obvios
quosq; infelicium mu-
sarum labores effuderim, hos ta-
men argumenti nobilitate insigni-
tos nolens commiserim; ut esset ali-
quando, quod & alienæ magnitu-
dini, & gloriæ meæ traderetur.
Reverita nimirum est dignitatem
vestram Fortuna, quæ insueta me-
cum agens clementia, nobilit pres-
sum diu malis, ingrati etiam erga
Vos animi notam subire, ne Sena-
tus*

ius Vestri Numen obsequio meo ,
& florentis olim ingenii primitiis
fraudaret . Hoc igitur tenuitatis
meae specimen , quod de subrogando
Pontifice , apud Vos. praeberē me
posse voluistis, Vobis consacro . Et
quamvis maiestatem vestram Sa-
pientiae Sacratio enutritam , & fa-
stigio suo humana supergressam
vix adiri etiam religione fas sit :
non ideò tamen sollicitudine pre-
mor , ut quae Vobis à me dicantur ,
Vobis digna sint ; Quid enim non
esse dignum potest , quod vestrum
fuit ? Felix itaque meus hic labor ,
qui per omnes Romanae gloriæ fines
~~securus sui voluit hinc .~~ ~~Et amens~~
aevi tenebris , fortasse posterorum
seculis gratior accedet , maiestate
vestra invidiam longè fascibus
suis submovente .



Eterna hæc Urbs , PP.

EE: quæ omnium ferè olim aucta Regnorum cladibus , & suis semper funeribus superstes , & major ef-

fulsit , ultrà nunc Pharsaliæ nefas , ultrà Cannarum , Trebiæque fulmen attonita expalluit : & veluti tanta Imperii Moles non jam per intervalla , ac spiramenta temporum , sed uno præsentis fortunæ ictu ceciderit , sitque in communi terrarum Orbis luctu dignitas quædam , & ambitio lacrymarum , de tot mærentium Urbium Principatu Romana hæc Sion contendit . Verùm ego , cum Vos intueor PP. EE. qui Pietatis gloria , & omnium conspiratione Virtutum , ea tenetis extrema Terrarum , ad quæ non olim arma Cæsarum , nec victrices umquam venere Aquilæ : gratulandum arbitror generi humano non ità stare res nostras , ut unius , quamvis optimi Principis , funere Christianum efferatur Imperium , & Sanctissima hæc

hæc Respublica è tot mortalium
 casibus fœliciter èmerfa unius de-
 nique interitu expiret : Circumfer-
 te nimirum in Vos invicem oculos ,
 conspiciate tot gentium Lumina, tot
 Religionis Decora , recensete Vir-
 tutum merita , quibus Cœlestia
 Mortales attingitis , præstò erit ,
 quem suffragio , & voluntate vestra
 dignum, rebus humanis, divinisque
 præponatis , cujus mentem tantæ
 Molis capacem reputetis , cui deni-
 que, ut segura Regnantium felicitas
 est, gaudens Orbis obtemperet .

Animadverto PP. EE. plerosque,
 qui in hisce Comitiorum Sacris
 disseruere , plurima de peculiaribus
 studiis , privatisque affectibus atti-
 gisse , quæ non tam suffragii liber-
 tatem imminuunt, quàm multa
 sæpè , & magna Regna everterunt ;
 sed non ea vestra in homines , in
 Deum merita sunt , ut non potio-
 rem privatis utilitatibus generis
 humani causam habeatis ; nec ego
 Majestatis vestræ , Virtutisque adeò
 immemor sum, ut non Animum ve-
 strum,

strum, Mentemque existimem tantum suprâ similitates, & odia, aliosque humanæ infirmitatis affectus eminere, quantum cœtera omnia, mortalia infrâ Vestram Magnitudinem jacent. Quo fit, ut in quem Virtus Altissimi suffragia vestra compulerit, eum vos velle, etiam homines credamus. Disertè alii, & sapienter hujus Reipublicæ casus miserati flevere laborantes Anno-
na populos, gravatas Vestigalibus Provincias, surgentes undique hæ-
resum Pestes, exercituum clades, excidia Regnorum, Barbaros denique Italiæ finibus urgentes. Acerba quidem, & misera, & quæ fateri, vel ipse dolor nos cogit. Verùm si in hoc Sanctissimo Terrarum Orbis Comitio altiora quæque Christianæ Reipublicæ nudanda sunt vulnera, cur non exclamem nihil post hominum memoriam flagitiosius, nihilque majori lacrymarum contentione deplendum, quàm quòd in tantum vitia nostra crevere, ut non magis (loquar libertate doloris)

ut

ut non magis Barbarorum armis ,
quàm moribus vincamur ; Et sanè
quid in hoc ruente in deteriora
sæculo intentatum , quid intemera-
tum reliquimus ? Non morum pu-
dor , non Legum reverentia , sola
voluptas inquinandi honesta , sola
colitur utilitatum fides ; levia que-
ror , violata Jura , temerata Sacra ,
agitati carminum atrocitate , vel
ipsi Pontificum Cineres ; & veluti
forte quadam, casuque, aut occulta
necessitate humana regantur , sacri-
que torqueantur Axes , nec ullus
Naturæ Parens , vindexque crimi-
num Deus Cœlum insedeat , jam
impio Fatorum velamento studiosè
peccamus , ipsamque scelerum con-
scientiam perdidimus . Hinc est,
quòd ostendit Dominus virgam in-
dignationis suæ ; quòd frustra Chri-
stianorum Imperio astiterunt Reges
Terræ , & firmatas adeò Potentias
Arcuum experimur , ut jam non de
proferendis Romanæ Ecclesiæ fini-
bus , sed de Italiæ possessione certe-
mus , pro Aris nostris , focisque , &
pro

pro Templi hujus San&uario con-
 sistamus. Non est nostrum, PP.EE.
 æstimare quem supra cœteros ho-
 mines, aut quibus de causis extule-
 ritis; tamen si in tanto rerum mo-
 mento ea, quæ sentimus, aperire fas
 est, ponimus in vota nostra Princi-
 pem, in quo si non omnes eæ Virtu-
 tes eniteant, quas inauguratus Im-
 perio Salomon à Deo obtinuit, re-
 divivam saltem veneremur munifi-
 centiam, regiumque in virtutes
 animum Urbani Octavi; Pruden-
 tiam, tenoremque legum Innocentii
 Decimi; castam, & inconcussam,
 ipsoque majorem Imperio mentem
 Alexandri Septimi, & Defuncti nu-
 per Pontificis moderationem, vi-
 gilantiam, pietatem. His virtuti-
 bus terrestre Dei Solium insedeat,
 qui veluti ab alto rerum humana-
 rum terras omnes, & maria conje-
 ctu mentis perlustrat, Cui non tam
 privata, & publica vota, quàm Jura
 Pacis, Auspicia Bellorum deben-
 tur, ad cujus vitæ censuram morta-
 lium diriguntur ingenia, per quem
 de-

denique agnoscimus quantum interfit inter Principem, quem homines, & quem Deus constituerit.

Alia percurrerem, PP.EE. si quid tam ex alto reperiri unquam posset, quod Vobis è sublimiori Mentis specula longissimè inuentibus non occurreret. Quid ergo generis humani injuria Vos moror? Cernite Sanctissimam Ecclesiæ Navem inter latrantia hæresum Monstra, & blanda Voluptatum pericula laborantem, ac undique minarum ventis, fluctibus bellorum impulsam arbitrio Tempestatum pendere: ibi Vota mortalium, ibi publica Salus, & nostrum omnium navigant Animæ; date salutarem gubernaculis Manum, properate suffragia, & prudenti judicio Gloriam celeritatis injungite. Approbate gentibus Ecclesiæ Principem, non temerè, & fortuitò, sed auspicio Virtutis, & certo Deo creari.

A D
CHRISTINAM

Flaminia Fines Ingressam

Sub persona Legatorum Reipublicæ
Sancti Marini.

O R A T I O III.



[Faint, illegible handwritten text]

ALEXANDRO FALCONERIO

Antonius Malagonnellius
Felicitem.



*Ost quàm integrę men-
tis elusa spes, & irri-
ti studiorum labores
me tandem sapere co-
egerunt, per saevos
malorum fluctus ad hac littora se-
curitatis enataui, ut Invidia ar-
bitrium effugerem, & Fortuna re-
gnum exilio meo mulctarem. Non
igitur totus interii; sed mitiorem
hominibus tempestatem expertus,
has musarum opes, quas sinu meo
gestavi, & nemini adhuc inscripsi,
tibi amicorum optime, tamquam
naufragii mei tabulas consecro;
Quarum una laudes illius Reipu-
blicę complectitur, quę imperii sui
angustias innocentia morum, &
Le-*

Legum sanctitate insignivit . Funestatur altera casuum atrocitate , ubique insimul & horrorem incutiet , & à pietate tua lacrymas repositet . Infida ibi omnia , truci-lenta , dira , & monstrosissima . Miraberis nempe temeratam oscu-lis fidem , conscelerata Pontificum concilia , corrupta iudicia , nefarios Reges ; ad hæc pollutam auro maje-statem Apostolatus , Divinitatem venundatam , & perorante Judi-cum causa , exemptos pœna latro-nes , datamque Crucis supplicio In-nocentiam . Humanior tamen ul-tima , quæ militaria inter Helvetia decora , Clementis IX. virtutes le-viter atrectans imaginem posteris exhibet gloriosissimi principatus . Leve quidem , & meritis tuis impar munus duraturum fortasse , & quod seculum nostrum insimulet , & venerationem , studiumq; grata posteritatis tibi conciliet . Vale .



Ajestatis tuæ Numen,
Regina, toti nuper
formidatum Europæ,
nunc Italię triumphis,
& venerationi nostræ

divinitus admotum, Marinensium
Populus, per nos ante Te procum-
bentes, gratulatur: Et nisi dedi-
gneris ruralem Urbem vestigiis tuis
consecrare, felices penatum angus-
tias, & auream pauperis sæculi Re-
giam offerimus: simulque fortunas
nostras, vitam, & cariorem vita li-
bertatem Imperio tuo summitti-
mus, cui & Bruti gloriosè procum-
berent, & sua ruerent Catones in-
vulnera, nisi servirent. Deinde gra-
tias agimus, quòd inter tot certan-
tia legationum vota, in eam quo-
que Rempublicam, quæ si cæteris
conferatur, vel minima est, vel nul-
la, Regiæ tamen dignitatis fasti-
gium tam humanè inclinasti, ut
nemo id umquam ante Te, nemo
post Te gloriosius extulerit. Cujus
beneficii magnitudinem, nobis ani-
mo reputantibus, obortæ gaudia

C

la-

lacrymæ officium gratæ vocis usurpant .

Nimum sanè fuerat Sacrarii tui liminibus provolutos , per viliora aulæ mancipia , velut in pretium bene actæ legationis , allevari : Nec erat, quod animis nostris altiori spe blandiremur , vulgi salibus ad jocum traducti : Risus causæ pauper , & rudis cultus , attritæ laboribus manus , & ad venustatem aulæ parum compta gestatio . Fuere qui palam greges, & aratra objectarent: neque Te ex dignitate facturam, si tot inter legationum seria eam quoque Rempublicam excepisses, quæ vel in tota Orbis Terrarum imagine, nec invenitur, nec quæritur .

Ad quæ rubore suffusi verebamur oculos tollere , & inconsultæ legationis audaciam incusantes , torquebat elusæ Patriæ irritum dedecus . Sed malè nimis de te, divinisque virtutibus tuis meruit, qui profusæ bonitatis Cœlestem indolem humanæ superbiæ limitibus putavit includi . Vereantur modestiæ
tuæ

tux censuram , qui parvis initiis ad
culmen aliquod adscitæ Majestatis ,
fortunæ ludo emersere : rari in pu-
blico , adiri difficiles , tanquam ho-
mines videri indignantur , & jam
Divina præsumant . Tu Regnum
natalibus merita , & facinorum glo-
ria Principum vulgo exempta , pri-
vatæ fortunæ Majestatem immisces ,
vota mortalium è proximo accipis ,
nec aliud metuendum Tibi , quàm
ne intelligamus , potuisse Te Im-
perio abdicari , non imperare non
potuisse .

Obversaris omnium oculis , om-
nium animis , ubique regnas , ubi-
que coleris , & ut sidus mundo con-
trarium iter intendens , vos Augusti
Principes , clementiæ gradibus , &
moderationis gloria humanam su-
pra sortem ascenditis . (Omnes
mihi Reges , & Universam Juris hu-
mani Majestatem intueri videor ,
cum Te , Regina , intueor ,) in qua
omnium adeò maximorum Du-
cum , Regumque cumulata Virtus
refulget , ut fatorum invidiæ impu-

tandum, si Terrarum Orbis Imperio genita, Arctoæ plagæ confinio termineris. Sed tanta tibi in omnes mansuetudo, tanta indulgentiæ laus, ut & ipsa beneficiis provocata Numina genium tuum adorent. Nam post pacatam Europam, datamque hostibus vel invitis pacem, avito etiam folio descendisti, ut Regnorum contemptu fortunam tuam absolveres, & inaudita magnanimitate factorum pudori confuleres.

Plura de te volentem, Regina, avertit ab instituto munere Cœlestis verecundia tua, cogitque caritas natalis soli repentina, & minimè præparata oratione vulgi ludibriis occurrere: Non quòd potuisse nos lædi arbitremur insanientis turbæ conviciis, quibus sacer nec Rutilius fuit, nec Cato. Timor est, ne tam humilis, & indecora de nobis opinio spem hujus legationis eludat, & impatiens desiderio tui Republica hospitii gloria, & peregrini Numinis aspectu fraudetur. Dabis ergo

ergo veniam, Regina, si in propul-
santibus obtreantium vocibus au-
rium tuarum clementiam læserim:
& amor in Te nostro velim impu-
tes, si cogimur in laudes nostras in-
fanire.

Invidiosum quidem, & frequens
Regnorum incendiis, aut aliqua si-
derum cognatione Urbium origi-
nes illustrare. Nos, & si minimè la-
borandum sit, ut Reipublicæ pri-
mordia, ac decus intemeratæ liber-
tatis Cælo, & Numinibus impute-
mus, hoc uno tamen omnium supra
gloriam assurgimus, quod fortissi-
mos in Te Gothorum Reges velut
conditores agnoscimus, & venera-
mur. Ii namque toto Septentrione
innixi, cum sæpè devictis Alpibus,
fese Italiæ superfuderint, & Urbes
omnes, ipsamque Reginam Urbium
ferro, flammisque corruerint, in-
nocentiæ tamen nostræ, aut gloriæ
suæ pepercere.

Et ne credamur communem Ita-
liæ cladem securis lacrymis defle-
visse, quia viles, aut latebris sylva-

rum obsiti; Mons assurgit omnium,
 qui Flaminiam exasperant, editissimus;
 verticem hujus nobilitat arx
 vetulissima, quæ omnium latè finitimarum
 gentium visus amabili terrore fatigat. Nam
 perpetuis voraginum munita periculis, velut
 in invidiam servientis Italiæ immistum
 penè Cælo supercilium libertatis ostentat.
 A fronte Adriaticum, æstuat mare:
 inferiora laterum ambiunt læti, cultique
 colles, qui pari spatio per anicenas
 umbras, & opaca nemorum, in fertiles
 campos, & florida prata desinentes,
 Tempe altera intrantibus aperiunt.
 Supra, clementiam aeris augent loci
 gratiam salubres fontium venæ,
 perennes rivi, concentus avium,
 & pastoralibus tibiis personæ valles.
 Non frugum, non pascuorum alibi
 fœlicior ubertas. Laxata messibus
 horrea: greges innumeri; nitentia
 armenta: varia, & multiplex venatio.
 Ad hæc miri olearum proventus,
 lactis præcipuum decus, notissima
 vinetis gloria; tanta denique alvearium

rium frequentia , ut & ingesta
rupibus mella naturæ sterilitatem
emendent .

Hæ ruris opes, hi collium luxus,
non Tarento Pyrrhum, non Capua
Annibalem avertissent ? Credide-
rim Reges tuos loci religione tactos
abstinuisse ætatis illius reliquiis, in
qua homines auri, regnique cupi-
dine intactos à Numinum vita
mortalitas sola distinxerat. Vide-
re nimirum Rempublicam non
Ephoris, aut Lycurgo innixam, non
innumeris Quiritum sanctionibus
laborantem, sed iis naturæ legibus
fultam, quibus recentis Mundi in-
colas in societatem mutuæ charita-
tis sacer amor illexit; cum ibi homi-
nes non coercitione, aut præmiis:
sed sponte justæ gloriam innocentia
custodirent. Fasces, purpura, cur-
rus, externæ vocabula luxuriæ; nam
per annuas imperii vices inemptis
comitiis adepti Rempublicam, non
turba procerum, non supercilio for-
tunæ, sed morum sanctitate, & co-
mitatu virtutum eminebant. Non

gemmæ, non opes in pretio, non ea omnia, in quæ votivus hominum furor consentit: Satis divites, quibus annona frugalitatis consuleret, & intra parvuli ruris angustias equitas animi Regna faceret, tuti adversus fortuniam, & nulla votorum cura felices.

Nec est, quod nobis invida latret malignitas, & illibatæ posteritatis laudem detreâet. Et quando Urbes nocentior delatorum pestis infedit? Obrepant ii, quos velut candidatos honorum stoicæ severitatis personata modestia felicius commendat. Videbunt laboriosam Urbem, frugalem Populum, Curiam innocentem, & in angusta libertatis arce plures Reges. Quicquid in domibus, quicquid in agris habemus, quicquid Civitas suum vocat, parati sumus egerere. Frustra quærent vectigales Provinciæ lacrymas, frustra spolia Numinum, prædasque Templorum. Spectabunt agrestia poma, concretum lac, pecudum vellera, suppellectilem incurio-

riofam, nil denique possessore pretiosius. Possumus, & magno Drusi animo conscientiae vocem emittere: Domos nostras aliena curiositas intrat, & arcanos mores nulla Penatum tutela custodiat. Non avaras feneratorum tabulas deprehendent; non infames Tigellini nundinas, aut lupercalium lasciviam. Stupebunt liberorum innocentiam cultu Numinum, iisque virtutibus enutrir, quibus crescentem Graccorum indolem Cornelia mater excoluit. Mirabuntur custodita pudore coniugia, pulchritudinem castitati simillimam, & quod rarò contigit, honestam paupertatem. Non matronas formae cura, aut externi cultus recentior gratia sollicitat, non Virgines molli cantu, nec lasciva chorearum vertigine puellares annos inestant: sed inter lanas, ac pensa, de pudicitiae principatu, iudice modestia, contendunt.

Odimus sanè illos, & ultima execratione damnamus, qui curioso in dies otio domos publicas, privataf-

que scrutantur, & civilis disciplina
 præcepta jactantes, Principum au-
 las inani dicacitate fatigant, inge-
 nia Regum expendunt, fata Popu-
 lorum disponunt, consilia miscent,
 arcana produnt, odiis insurgunt.
 Sic Magistratus, & legationes, quas
 virtutibus nequeunt, vel quia velo-
 ciùs putant, sceleribus emergantur.
 Nos ad aliena incuriosi, nostra tan-
 tum respicimus. Feres tamen, Re-
 gina, ingenuum hominem liberiùs
 aliqua dicentem. Numquam in
 Urbes divitum ad sustinendas pau-
 pertatis impensas agrorum opes de-
 tulimus, quin exhorruerit animus
 audisse tot cædes, furta, venena, li-
 bidines, circumventas miserorum
 fortunas, violata fidei pignora, em-
 pta judicia, venales Curias. Vidi-
 mus literarum alumnos, sapientiæ
 antistites, pudet eloqui, Virtutem
 ipsam vidimus, per futuras laceræ
 vestis effulgentem, ante Principum
 limina precarium spiritum ducere;
 cum intereâ, qui pœnalia vincula,
 ipsasque propemodum secures fœ-
 di-

ditate criminum violarent, opibus, gratia, magistratibus florent; & ne quid sæculi derogetur infamiæ, fortasse titulis, & statuarum honore posteritati monstrabuntur.

Da veniam Patriæ rupis incolæ simplicitas: semper gregibus, & aratro damnaberis. Exue candidos mores, habe venalem fidem, venalem spiritum, venalem Deum; & cum in tanta vitiorum copia, in tam ingenioso peccantium luxu, sit quædam velut ambitio, ac scelerum dignitas; nec nisi adhuc ignota, & insignia crimina virtutis nomine illustrentur: aude aliquid, quo nec turpius antiqua noverint sæcula, nec futura ætas, quamvis corruptior, inveniatur. Tunc repentinis opibus, & Senatu quodam dignitatum florebis: mille tibi nemora armentis mugient, & horreis tuis Italiæ annona pendeat.

Jam pudorem omnem, ac metum vicit delinquentium numerus, & communis vitiorum labes sæculum nuncupatur: Amisere autho-

ritatem leges, dignitatem Senatus,
Numina majestatem.

Et quando justius tonabit Cœ-
lum, & per ultricia decidens fulmi-
na nocentes terras absumet? Cu-
rant profecto, Regina, magnitudi-
nem tuam Numina, quæ tibi supra
cœteras laudes præstiterè, ut in
honorem virtutum scelera ipsa
dissimulent, & perditum flagitiis
sæculum sanctissimis moribus tuis
absolvant.

Sentio quàm acri, nec incongruo
fortasse stylo eos præcipuè distrin-
xerim, qui alienis saginati fortu-
nis, paupertatem nostram joculari
procacitate laceffunt. Leniùs ta-
men agam adversus ignaros, quàm
sæpè virtutum sæculis Romani fa-
sces laureato vomeri procubuerint;
dum Curii, & Fabricii, aliique Con-
sulares agricolæ, suspenso rastris
paludamento, eadem cura segetes,
qua bella tractabant. Surgebat in
messem gloriæ triumphali manu
subacta tellus: nec tam laborum,
præmia, quàm victori gentium vil-
lico

lico tributa pendebat . Quare & si
 minimè apud nos desint qui nata-
 lium claritudine , & egregiis disci-
 plinis Rempublicam illuminent ; si-
 que tanti ducerent Patriæ libertatis
 innocentiam deferere , ut sordidæ
 servituti , & aularum simultatibus
 celsitudinem animi demittant ; nã
 illi Principum animis certa confi-
 lia , & illibatam fidem deferrent ,
 Regum mentem , & oracula loque-
 rentur , & in imperia Populorum
 confurgerent ; Tamen cum in com-
 mune nobis aratra , gregesque ex-
 probrentur , omnes ultro fatemur
 crimen colonis dictatoribus , ac tra-
 beato sæpè pastore gloriosum . Vi-
 deor lascivienti Urbium otio factu-
 rus invidiam , si rusticæ artis exequi
 studia , & labores voluerim , quibus
 ad futuram militaris disciplinæ pa-
 tientiam durata juvenus , statim si
 bella poscant , in manipulos legio-
 num armata , sulco non fabuloso
 confurgit . Hæc extruit aggeres ,
 mœnia subruit , vallum tutatur :
 hujus humeris Regum sollicitudi-
 nes,

nes, fata Populorum nituntur. Hæc est quæ fregit Alpes, clausit maria, & utrumque Solem pervagata victoriis, Arctoas nives Libiæ arenis triumphali ligone permiscuit. Non Cæsar, aut Africæ destinatum fulmen Scipio, non ingens gloria Regum Macedo, nec Tu pars magna bellorum Christina Terrarum Orbem, vel adhuc pacata concuteres, si urbanos tantum Populos, solamque nobilitatis luxuriam armasses. Nos Assyria Regna, nos sceptrum Medorum protulimus: hæc callo obductæ manus dedere Persis Imperium, & sudore nostro Græcum diadema refulsit. Nos denique Romam imposuimus mundo, quæ tam malè triumphis nostris usa, ut satius ei fuerit pastoriam Latii Majestatem agresti integritate, & justitia bellorum tutari, quàm importunis armis Orbem Terrarum laceffere, ut vitiis domitarum gentium polluta, mores perderet, & Imperium.

Pari fato cecidistis Ilium, Sparta, Athenæ, tuque ingens Italiæ ter-

ror Carthago . E tot magnarum
 Urbium ruinis , & validissimarum
 gentium cladibus Venetos lubens
 exemerim . Sapientissimam Italiæ
 gentem , & , si Te unam excipias ,
 sanè dignam , quæ bellorum , togæ-
 que gloria Terrarum Orbem , aut
 regat , aut componat : cuius peren-
 nitatem Imperii non sibi armorum
 felicitas vindicat , non Urbs vallo
 tempestatum præcincta : sed firma-
 ta periculis virtus , intemerata Ci-
 vium fides , Religionis integritas ,
 sanctitas denique Curia , in qua
 pari gloria Cæsares imperant , &
 obediunt . Hæc delapsa syderibus
 ancilia , & fatalia pignora Vestalis
 flammæ , quibus invicta Respublica
 totius propè mundi viribus adeò
 suffecit , ut sæpè visa sint Maria ,
 Terræ , Numina velut in partibus
 militasse .

Non me tam longè materia blan-
 diens evexit , ut studio libertatis à
 Te Regina , divertar . Credeſne Ma-
 rinensium Rempublicam , si non
 Imperio , aut rerum gestarum ma-
 gni-

gnitudine, certè morum disciplina
 cuilibet alteri parem repentino ci-
 vium motu potuisse terreri? Ut
 primùm stupuere Alpes amicam,
 Arcton, & vultus tui Numen Italiæ
 votis effulsit, deserta statim arua,
 gregibus imperata libertas, non la-
 rium amor, non charitas Patriæ,
 non ipsa denique Senatus authori-
 tas valuit, quo minùs laxati in læ-
 titiam omnem Agricola ad con-
 spectum tui convolarent. Quam-
 quam & quid velin Senatu jam fir-
 mum, in quo Sapientissimi etiam
 Civium obsequio tui, & muneris
 hujus cupidine insanirent? Tunc
 notus livor, ambitus, æmulatio:
 irrepsere falsi risus, infida oscula,
 fallaces blanditiæ, & scænam om-
 nem aulicæ adorationis implevi-
 mus. Crederes alium Populum,
 alium Senatum. Erant qui pretio
 suffragia tentarent, & ipsas quoque
 fœminas muneribus exambirent.
 Jam suspectæ virtutes, & merita
 amicorum invisa: Non alias un-
 quam urbes blandior inclementia
 fa-

fatorum concussit, dum quisque in Patriam excusatus, nec sine laude peccaret. Visum tandem è Republica surgentem seditionem urna comprimi: data certatim nomina; sed ut plerumque evenit, deerrante fortuna ad minus idoneos, sortiti sumus, qui felici parum ingenio, & mediocri literarum tinctura censemur.

Utinam dedisset urna, quorum ingenia Romanis studiis, & insolenti Græciæ opponimus: nil sanè quicquam tanto muneri defuisset, & Civium meorum facundiam inviti etiam laudarent, qui me fortasse, ut incomptum, & agrestem insimulant. Qua nunc arte, quo cultu origines tuas, & avita bellorum decora felix eloquentia revolveret? Quanta annalium fide per altos urbium cineres, per cumulata exercituum funera, per tot sceptrorum strues, & congesta totius propè mundi spolia triumphales Gustavi lauros venerabunda contingeret? Deinde, ut verecundiæ
tuæ

tux vel damno veritatis indulgeret, innumera laudum argumenta, prætervolans objectasset tibi florentis ævi Virginem, nec tam armorum luce, quàm circumfusa Majestate radiantem, per obrutos glacie campos, per solidata gelu flumina anteire legionum signa, fugare acies, aperire urbes, ac undique Danis fascibus, & Cæsarum Aquilis insultare. Tunc, Regina, nimis invida virtuti fores, nisi Te libenter agnosceres, & haberent merita tua hoc uno modo par pretium, si te ipsa laudares.

Non hæc, ut viribus ingenii ludam, & modestissimis auribus tuis blandiar: sed ut scias, Rempublicam non ad cò literarum expertem, ut minimè possis in ea vim altissimæ mentis exercere, vel saltem otii lenire fastidium. Durant adhuc, & vivaci senectia lucem ingeniis nostris partiuntur, qui quondam Urbinatis Minervæ Sacrarium, & ætatem in eo Principum munificentiæ Græciam omnem, Latiumque in-

incoluere. Felices ætate vestra patrii senes, quibus contigit ea in aula morum, ac literarum tyrocinia posuisse, in qua non improbitas, assentatio, superbia: sed justitia, pietas, sapientia sacro amicitiae genio suffulta, arbitria regnantium moderabantur. Vidistis in tutelam artium, in auxilium virtutis obvios Principes, profusas opes, egestas æraria, quæ portentosis alibi cœnarum novitatibus, quæsitisque voluptatum irritamentis misero adulantium risu exhauriuntur. Utinam Numina illa doloris nostri terribis adhuc fatorum invidia servasset; haberes, Regina, qui morum sanctitate, & splendida penatum innocentia dignationem advenæ majestatis meruissent, quique munificentiam tuam, ac regium in virtutes animum venerati, cœleste munus agnoscerent, & tuo vinci gauderent exemplo. Patriis itaque Sapientiæ Doctoribus utimur, nec in dedecus umquam Reipublicæ, & civium nostrorum pudorem externa

terna quæſivimus ingenia, quorum sæpè nomini, pretium facit ipsa longinquitas. Et nescio, an inter studiorum amœnitates severior alibi disciplinarum cultus eniteat. Non ignota nomina Democritus, Thales, Anaxagoras, & si qui alii per nugamenta somniantis Philoſophiæ audaciùs deliravere.

Quæ mortalium temeritas? quis furor? Naturæ Majestatem intrare, ortus rerum, progressus, conversiones inquirere, extra mundum per inania deferri, & suam interim naturam negligere: prudentiam, fortitudinem, justitiam, aliaque animi bona ignorare? Quantò satius nos ipsos intra nos quærere, tumultus affectuum ratione compescere, munire pectus, adversus fortuita, nullo metu, spe nulla torqueri. Utar, Regina, magnis exemplis, & tuis, quæ calcatis fortunæ sceptris, vastissima mentis Imperia Sapientiæ fræno coerces, & Principum omnium gloriam supergressa, intactum cupiditatibus, invictum

ter-

terrore animum supra necessitates
erigis, supra fatum ponis.

Rides, Regina, montanum hominem tam ineptè eruditum. Quid cum audieris agricolas cœlestem curam imperitiâ miscentes, astrorum mores expendere? Non ut anilibus fabulis facilitati Potentum illudant, & sidera in pretium trahant: Sed ut serenos dies, tempestatesque prænoscant, ut certiori fœnore spargant segetes, pomaria conferant, vites custodiant. Miraberis humilioris fati pastores aperire sinum germinantis naturæ, fruticum, herbarumque vires ostendere, simulque hominum incuriam damnare, nimis erga Dei munus ingrati, dum obviis frustra remediis, & calcatis sæpè miraculis, vel ipsa naturæ horridior facies effloreat: cujus beneficio ferales medentium sectas effugimus, qui ut nostris sæpè malis proficiant, tam variis, quæsitisque cruciatuum experimentis, ordinem sævissimæ curationis extendunt, ut in miserrima

com-

comparatione languentium , felices illi , quos aut negligentia custodit , aut dubiæ artis sedula crudelitas velociùs consumit .

Non provocata exercemus odia , nec alienam invidi fœlicitatem moramur ; sed fuge , Regina , avaras terras , fuge littora tempestatibus crudeliora . Quid enim vel urbium pulcherrimæ tam magnificum , & ingens , quo non & agreste oppidum , Te accedente , superbiat ? Vis æquatam nubibus tectorum infaniam ? Vis portentosas artificum curas , & mutatos in luxuriam Urbis excisarum Alpium terrores ? Sentiat Numen pauperis loci Genius : Laxabuntur in theatra sylvæ , succedent mapalibus templa , & rupes in Capitolia consurgent : Non Ilium , non fabricatæ fabulis Thebæ velociùs steterint . Digna quidem Roma , quæ Tibi , sæculis elaborata miracula ostendet : sed non Tu minus digna , quæ fecisse monstreris .

Crede matribus , crede liberis op-
pletos colles , crede rupibus hæren-
tem

tem Senatum , & sylvarum fastigia,
 pendulo pastore nutantia . Tota in
 oculis, tota in votis Respublica, nec
 tam reditus nostros, quàm, quid re-
 nunciaturi simus , expectat . Et ut
 facilè amantium desideriis credula
 spes eblanditur , exornavimus pau-
 perem curiam , & inops undique la-
 rium suppellex officiosam urbis va-
 nitatem ostentat . Signa Collegio-
 rum protulimus , & eductis atrio
 majorum ceris , in partem gaudii ,
 rescissa velut orbitate , mortuorum
 imagines evocavimus . Non lætio-
 ri pompa , aut sincero magis cultu
 advectum Phrygia Numen Roma-
 na Majestas excepit . Sparsæ myr-
 to, sparsæ genistis viæ , & casuris
 odoratum in imbrem liliis, rosisque
 oppleti Virginum sinus, cumulata,
 denique canistra floribus , qui no-
 mine Regum inscripti , tanquam
 adventui tuo proluserint , sponte
 nostris nascuntur in terris . Colles
 inde urbanos cultus agrestium stu-
 dio vincentes . Curvatæ in arcus
 lauri , detonsæ in statuas buxi : hinc
 an-

antra, & arundinei lares fronde,
 nova, & serpente in titulos hedera
 coronantur: ad pudicas illinc amo-
 rum fabulas decrescunt in scēnam
 sylvæ: quin etiam longis ordinibus
 porrectæ vites, vario nexu, & per-
 currente cannas corymbo, milita-
 rem in modum, nec sine quadam ve-
 nustate efferantur. Adde currus,
 trophæa, aliaque bellorum simula-
 cra, per quæ miris arborum flexi-
 bus pastorale ludit ingenium. Gra-
 viori denique Senatus cura, indicti
 feriarum dies, instituta certamina,
 decretumque Tibi genus omne co-
 ronamenti, quod Tu pacis artibus,
 & gloria bellorum meruisti: Et nisi
 sanior vetaret Religio, jam aras no-
 stras, & Numina augeres.

Non ergo tam malè de Te merui-
 mus, ut frustra rogeris. Parvam
 urbem, & humiles domos, magna
 hospes dignare. Fac locum, quem
 omnis posteritas visat, & mundus
 advena procumbens adoret. Sed si,
 quod refugit animus, invides nobis
 hanc gloriam, & paupertatis opes
 de-

de dignaris , time saltem Rempubli-
cam contemptum sui apud Superos
redempturam . Pœnas dabis, Regi-
na, quas nunquam læsi amoris exco-
gitavit ingenium . Deprecabimur
semper Numina, ut omnes Tibi Ter-
ras, omnia Maria, vel renuenti sub-
sternant : addantque legem ingra-
tam Tibi, gentibus salutarem: Cun-
cta diu regas Imperia, nulla dones :





O S C U L U M
PRODITIONIS

Sive

Declamatio in Judam

ORATIO IV.

H A B I T A R O M Æ

In Humoristarum Academia.





Ultimum sæculi dedecus,
inexpiabile crimen ge-
neris humani, tota ju-
dicii causa Osculum
proditionis. Ingens e-

quidem, immane, & supra fabula-
rum audaciam portentosum nefas:
cui si ætatum omnium, omnium-
que gentium crimina conferantur,
tàm proxima erunt innocentiae,
quàm Reus is, quem adduxi, longè
abest ultra impietatem. Scelus fuit,
Judices, quod non satis jura vindi-
cent, non rerum vocabula satis ex-
pediant. Fremuere maria, intre-
muit tellus, abrupit diem refugus
Sol; quin ipsa rerum Natura, novi-
tate doloris attonita, antiquum
voluit Chaos, & laxatis Elemento-
rum vinculis, domestico plusquàm
funere impalluit. Fidem justitiæ,
fidem severitatis Judices, ne reo-
rum nocentissimo extrà pœnam sit
deliquisse ultrà leges. Primùm ita-
que, Judices, ab affectibus vestris
peto, ne, quòd videtis incomptum,
mitem, demissum, mores putetis.

Confugit artifex doli ad insidias suas, excogitavit quemadmodum suæ se pœnæ subtraheret, severitatem, ac religionem vestram eluderet. Æquavit supercilio crines, audaciam vultus stoica gravitate confudit, incessum, habitum, totum denique hominem in argumentum innocentiae diligenti quadam incuria elaboravit. Renova Israel mores tuos, timete & vos Judices, quamvis innocentissimi censuram. Tertius in Palestina, & sanctior Cato, qui effuso nuper à Muliere in Christum unguento, retraxit oculos, & damna paupertatis indoluit. Cæterum animo perfidus, subdolus, avarus, crudelis. Non hunc per antea actæ vitæ crimina deducam: abundè fuerit in noctem unam inquirere. Sed ut quædam velut sacrilega feritatis semina noscantur, altiùs querela repetenda est.

Jam fama divinitatis, & luce miraculorum supra humana. effulgentem læta nuper, & in imaginem triumphantis Urbis effusa.

CHRI-

CHRISTUM Hierosolyma exceperat . Quæ repentina gaudia , quàm frequens clamor ! Plena undique itinera , sparsæ floribus viæ ; cuncta honorum reperta , & cumulata , per quæ monstratum Oraculis Numen incederet .

Fremebant interim Sacerdotum Principes , & pari dolore alienas virtutes , ac sua vitia excipientes , impias Christo religiones , & magica sacra objectabant . Nil tamen eorum animos altiùs penetravit , quàm alienata gentium studia , imminutæ quæstuum rationes , & frustrà Sacerdotale fastigium ambitu , largitionibus quæsitum . Utque ira valentior foret , publicæ causæ in speciem miscebantur ; seditionem intendi , descivisse jam populum , irrita Cæsarum jura , Urbem Principibus , Tempia Diis ablata . Occupanda igitur pericula in commune brevè eruptura : festinandum in eo , quod laudari non potest , nisi peractum . Quis credat ? immo quis non credat ? Ad opprimendam Inno-

centiam emptus Judas ; nec turpe,
 visum iniquissimæ proditionis mer-
 cedem solvi , quam Apostolus acci-
 piebat . Immemor itaque , ingratus
 vilissimæ stationis milites in socie-
 tatem facinoris adscivit . Post sacra
 Mensæ , perque innumera sacrorum
 nominum obstantia pignora hor-
 tum Gethsemani ingressus in tes-
 seram proditionis deosculatus est
 JESUM . Non possum, Judices, au-
 daciam tantæ impietatis adeò dis-
 simulare , ut non publica quadam
 generis humani voce proclamem :
 Temerarie , crudelis , quò te furor ,
 & perditæ mentis insana rabies
 coegit ? Non vulgaria obiiciam,
 accusationum argumenta fraudes ,
 furta, venena: non haustum sangui-
 nem liberorum , non cineres majo-
 rum effusos . Innocentior fores si
 regna, si patriam , si totum denique
 terrarum orbem furiali manu incen-
 distes . Solvisti vincula charitatis ,
 violasti fœderum sanctitatem , do-
 cuisti plus osculo nocere, quàm fer-
 ro . Jam suspecti amicorum ample-
 xus ,

xus, infida neceffitudinum nomina;
quid non timet uxor à viro, pater à
liberis? Levia. queror; vis fcire quan-
tum deliqueris? Profequar inaudi-
tæ cædis funeftiffimum ordinem, &
crudum adhuc pectoris noſtri vul-
nus novo vulnere reſcindam. Frue-
re interim osculo tuo, frueret lacry-
mis noſtris.

Revinctis poſt tergum manibus,
ſquallore obſitus trahitur primò ad
Pontifices Deus: accepto, an indito
exemplo, ut nefas omne obtentu
Religionis inciperet. Ruentibus in
deteriora Principibus, & palam
Juſti ſanguinem expetentibus non
deſuere; qui odio, ſpe, adulatione
corrupti falſa objectarent, & apud
virtuti inſenſos, quò atrociora ſin-
gebantur, minori fide, ſed majori
gratia peccabatur. Jam in atrio
iniquitatis deferitur Veritas, & ne-
gatur, mox in aulæ conclavi cædi-
tur Sapientia, damnatur Divinitas.
Quò aulæ ſecretiora pervaseris, eò
ſceleſtiùs haberi. CHRISTUM de-
prehendes.

Orta demum luce, novissimum
 malorum fuit clementia Præsidis,
 qui miseratus Reum, & nullius fla-
 gitii compertum dimisit. Deerat
 hoc vnum repleto monstris sæculo,
 ut narraretur aliquis alligatus ab
 amico, solutus à tyranno. Sed quàm
 inanis, & fluxa potentum fides!
 Mirabar equidem non eo damnari
 foro virtutes, in quo vitia proteguntur.
 Nam redditum sibi à Rege incestuoso
 CHRISTUM, velut conciliata in excidium
 Innocentiæ iudicum perfidia, truculentior quàm
 antea excepit; Deinde ostentatione
 potius lenitatis, quàm ut furentium
 iras tempore ipso molliret, commentus
 est scelerum intervalla, omni exitio
 pejora. Jubet expediri virgas, nudari
 humeros. Alligatur infami saxo libertatis
 vindex, assertor vitæ, crimen ingrata civi-
 tatis. Nil tale vidimus, nil tale
 audivimus; peregit pietas, quod
 crudelitas non imperasset. Tunc
 humanos excessit fines, & ultra fe-
 ritatem omnem stetit improbitas;
 cum,

cum, versa in voluptatem sævitia,
 cessit in dedecus imago potentia,
 & Majestatis insignibus lufere car-
 nifices. Lacerum CHRISTI corpus,
 & nudata verberibus propemodum
 vitalia ludibrio purpuræ obteguntur;
 crudele spinarum decus info-
 ditur capiti, & vinculis liventes
 manus arundinis ignominia gra-
 vantur. Quid ultra? obiecto Cæ-
 saris metu, causa judicis fit crimen
 innocentis. Opprimitur Veritas,
 calcatur Divinitas, solvitur latro,
 damnatur Deus. Faciam færale
 compendium. Per omne dedecus
 urbis, per cuncta pœnarum ingenia
 traductum crucifixerunt eum.

Mirari plerosque vestrum existi-
 mo, me usque adeò tam levibus uti
 argumentis, ut mortalium nocen-
 tissimi crudele factum vix ultra sa-
 crilegium osculi extenderim. Jam
 vero, si qua est fides, subeat nefar-
 rius transfuga totam peractæ cædis
 querelam, & dum efferatæ Civita-
 tis, ac pessimorum Judicum crimen
 excuso, patiar lubens invidiam, ho-

minis scelera defendentis. Non illud fuit osculum, Judices, quo invisus plerumque liberis novercalis furor blanditur; fuit quicquid execrationum totius mortalitatis ira contulerat; fuit omnium ferarum, omnium serpentium congesta rabies, quam immemor originis suæ efflavit. homo in faciem Dei spiraculum mortis. Abiit illico divini capitis pristinus fulgor, genarum gratiam funereus pallor obnubit, & frontis cœleste decus vacuis luminibus intabuit. *Vidimus illum, & non erat ei aspectus.* Quis vestrum Judices in absumpto calamitatibus hominem CHRISTUM agnovisset, quem deseruit Pater, exterriti fugere amici, quem nosse negavere cariores? Quis non pari festinatione judicii reum morti addixisset, in cujus vultu criminum omnium notæ emerent? anne populus, anne parum ipsi se Judices purgant? In similitudinem reorum adeo immutatus est Deus, ut Matrem de Cruce intuens, quasi oblitus sui, se in
alte-

altero ostentaret. Impij estis, Judices, si damnatis, quibus CHRISTUS ignovit, tamquam quid facerent ignaros.

At ne credatis totum osculo peccatum nefas, jam quaeritur ab alienis criminibus patrociniū. Romano, inquit, Præsidi innotuit CHRISTUS, & damnatus est. Nisi apud vos loquerer, Judices, nutaret profecto tota moles hodiernæ delationis. Novistis enim Latios mores, & quàm cuncta magistratuum dubia, suspensa; tamquam inclinatura, quò utilitas, ambitio intendat. Testatus est Præses CHRISTI innocentiam; sed verbis in speciem, magis adornatis, quàm ut penitus id sentiret; velut inferius maiestatem suam ratus, si decreta æmulæ potestatis comprobasset. Quàm multis placet illa de dissimilitudine pronuntiationis autoritas, & justior videtur diversa sententia!

Quid, inquit, pro patria non licet? Græcorum ducibus gloriæ fuit fraude captum Ilium. Si benè frau-

fraude evertuntur Urbes, quantò meliùs liberantur. *Seduc̃tor erat.* Tentat hominum callidissimus honesti velamento, invidiam criminis effugere; & imitationem alienę fraudis innocentiam vocat. O quàm non habet nec quid mentiat̃ur, qui se propè fabularum auctoritate defendit. *Seduc̃tor erat.* Blandiamur, Judices, tàm impudenti excusationi, & velut ignari, quàm vili mercede gloriosa, quæ jactat, merita corruerit, sinamus etiam virtutes in clientelam vitiorum demitti. Nam cum explicari non possit, ac perfici tàm indignum facinus, nisi turbidæ prius, & inquietæ mentis indicia præcesserint, incusabit fortasse novas Leges, externa sacra, nocturnos Cætus, & eruditione, qua pollet, fœdus adiiciet in morem Romani quondam, ac perfidi civis humano sanguine sancitum. Nefande, sacrilege, cur & non tuæ refers argumenta perfidiæ? Advoca propinquos, & adhibe amicos: interroga populos, urbes,

te

te ipsum. Audi, recense quas operata est super terram dextera Domini virtutes; fatearis necesse est, affectatæ dominationis superbiam, hominum crimen esse non Dei, cuius est Orbis, qui regnatur, & Principes, qui regnant; cui famulantur sidera, obediunt maria, serviunt elementa.

Sed si benè artes, & profundæ mentis consilia prospicio, non me fallit, impie, quid captes. Negas in CHRISTO divinitatem. *Demonium habuit.* Appellamus, provocamus à te ad conscientiam tuam; illa CHRISTUM iudicet, illa te damnet. Nudentur sanctissima arcana Israel, recense Prophetarum, oracula, numera figuras, imagines, aliaque, venturi Numinis Sacramenta; Non potes propria non nosse, in alienis eruditus; Deinde ea religione, qua impietatem colis, compone quæ vidisti signa, prodigia, miracula; Manifestum erit non nisi propter CHRISTUM fuisse premonstrata, quæ non nisi à CHRISTO

STO vidimus adimpleri, conspirante sensu Scripturarum cum ordine temporum, cum exitu rerum. Et quia iudicem te volui, testem quoque non recuso. Vide quantum diuinitatis testimonium CHRISTO reddiderit ipsa perversitas. Scelus, quod sibi à te futurum prædixerat peregisti. Quid ergo verbis negas, quod opere comprobasti? Potes videri fortasse hæc una ratione defendi, qua & plurimum urgeris: CHRISTUM nempe populi manibus cecidisse, non tuis. Adeone multum interest hominem occiderint alii tua causa, an tu manibus alienis? Haud abest à culpa, cujus tantummodo manus absumunt à scelere.

Crede verum dixisse de futuris, quos de præteritis non potes probare mentitos. Accipiet Israel iniquitatum tuarum mercedem. Reposcet poenas sollicitudo generis humani; Æquabuntur solo Urbes, excidentur patria sacra, & cum coniugibus, parvisque liberis respectantes avitum larem migrabunt

bunt reliquię gentium , sine Rege ,
 sine Deo , per sordes , & lacrymas
 fœda vivacitate duraturę. Cui com-
 parabo te infœlicissima Urbium
 Jerusalem ? Non Babylonis , aut
 Ilii muros, non Carthaginis mœnia,
 non Capitolium , non si quę altiùs
 cadent, contulero . Habebunt ista
 glorię vestigium . Tu exilio, ruina,
 fame multaberis ; lugebunt conse-
 pultę cadaveribus civium vię tuę ;
 deflebis liberos pastas matres, & re-
 troactis in cœnam exequiis , cibos
 ipsa fame peiores . Sola cades in
 opprobrium gentium, in memoriam
 scelerum , in execrationem sæculo-
 rum .

Tu publicus interim hostis , nun-
 dinator divinitatis plusquam pari-
 cida vivis ? Terras adhuc, cœlumque
 spiritu polluis ? Quo usque dubita-
 bitis , Iudices , an per cuncta sup-
 plicia mori debeat, qui debuit non
 nasci ?



A D
CLEMENTEM IX.

P. O. M,

O R A T I O V.

Habita pro Catholicæ Helvetiæ
Legatis.

[illegible]



Am alta P. B. in hoc
 principatus tui exor-
 tu, & tam numerosa
 immortalitatis exem-
 pla dedisti, ut si hæc
 non virtutum tuarum magnitudi-
 ni, sed brevi huic dierum, aut men-
 sium spatio conferrentur, impedi-
 rent non modò posteritatis fidem,
 sed nos etiam felicissimi sæculi ve-
 locitatem incusantes, grandævum
 jam imperium tuum, & ultra æta-
 tem prolatum arbitraremur. Uti-
 nam mihi pro voto facundia, &
 orationis ambitus suppeteret, & non
 in ipso dicendi limine rerum tuarū
 luce, tuique vultus maiestate per-
 stringerer: Ex animo nunc, institu-
 ti mei ratione parumper sæposita,
 Catholicæ Helvetiæ desiderio pare-
 rem, quæ pedibus tuis in argumen-
 tum fidei per Oratores provoluta,
 ut primum aliqua de laudibus tuis
 dicam, interprete animi vultu co-
 hortatur, & prope nutu me volen-
 tem cogit. Jam mihi, neglecta
 electionis arte, obvium esset istud
 tibi

tibi fœlicitatis nostræ auspicio inditum nomen, quod & si vulgatum, alijsque commune fuerit, Clementia tamen tua, tuus amor ita peculiare tibi, & proprium fecere, ut, nisi à te habuisses, à conscientia nostra adderetur. Et sane nisi modestiæ tuæ morem gereremus, fatendum esset æternam hanc Urbem tantæ numquam spectasse signa Clementiæ, tantarum experimenta virtutum. Nullæ reorum mortes, nullius publicata bona, mulctata libertas: sed reaserati propemodum carceres, compedes vacuæ, soluta vincula pietatis tuæ triumpho visuntur; tamquam nec tu iratus, nec sub exemplo tuo nos esse mali possumus. Salutare hoc nobis, gloriosum tibi, qui cœlesti consilio nunc efficis, ut hominum crimina coerceat pudor timore validior, & culpæ conscios ad penitentiam revocet impunitas. In eodem genere ponendum esset, quod tanta humanitate maiestatem temperas, ut non tam preces nostras facili aditu,

tu, & è proximo accipias, quàm,
 sponte quid optemus, interroges,
 & ipse tibi suggeras, quæ nos mo-
 desta ambitione tacemus. Memo-
 riæ occurrerent levati Urbium sta-
 tus, Provinciarum instauratæ for-
 tunæ, annonæ largitas indulta,
 nullum vectigal, nisi amoris impo-
 situm. Silerem pietatis injuria,
 alimentis tuis egestatem altam,
 sumptu tuo velatam nuditatem, tot
 pauperes tua mensa beatos, ægro-
 tantes visos, qui malorum obliti,
 ad conspectum tui, veluti ad salutis
 suæ numen flecebantur. Grandia
 hæc, & quæ tibi gloriam adstruent
 siue talia futuri principes fecerint,
 siue non fecerint. Gentilitia tamen,
 & communia ferè cum tuis, interq;
 ea, quæ tibi vix laudum titulo ad-
 scribas; quem enim cognationis ju-
 re attingis, in quo non vultus, non
 morum similitudine agnoscaris? De
 Clemente loquerer, si difficillimis
 terrarum itineribus, & undarum
 procellis creditos Nepotes refer-
 rem; hic ut Regum mentes divino
 pic-

pietatis eloquio flecteret, ille ut armis Christiani nominis hostem, coerceret. De Clemente loquerer, si principum dextras exponerem nudo caritatis calamo exarmatas, sique in uno Galliarum bellatore, fortissimo, quæsitos Orthodoxæ fidei exercitus, cumulas in Ecclesiam victorias recenserem. Sed quia, ut video, talia dedignaris; ea mihi saltem dixisse fas sit, quæ ipso splendore laudis innotescunt; præfertim cum gloriæ tuæ partem suffragio in te suo sibi vindicet non tam hæc sacrorum Principum circumfusa Majestas, quam Prædecessoris tui prudentissima mens, quæ huic te purpura inauguravit imperio. Gaudet ab alto, dum de te loquimur Sanctissimus ille Spiritus, & quamvis inter Sidera, crescit adhuc in te Successore, & virtutum tuarum gradibus ascendit.

Ingens quidem gloria tua, sed ipsa moderatione sublimior, & quæ Modestiae velo suppressa, ultra regionum spatia, ac divortia terrarum

rum

rum majori luce erumpit ; cuius vibrantibus radiis omnium prima, tanquam Alpibus suis Cœlo propior, Catholica illustratur Helvetia . Hæc in communi exaltationis tuæ gaudio , arcana lætitiæ impetum non passa ad Sanctissimos pedes tuos , ut primum potuit , per Oratores venerabunda properavit . Legavit nimirum Franciscum Pfyffer , Carolum Antonium Puntener , & Franciscum Redinc , totius Helvetiæ decora , & lumina , & Viros , quales pace Curios , & Fabricios fuisse legimus ; bello quales Helvetios esse sentimus . Per hos *Sanctitati tuæ , & eidem Sanctæ Sedi defert venerationem , fidelitatem , obedientiam ; Teque summum in terris Christi Vicarium , ac universalis Ecclesiæ Pastorem agnoscit .* Verum ut appareat quantum dignitatis , quantum Religionis, & Fidei huic legationi accedat ; Provolvitur hodie pedibus tuis illa Respublica , cui si adderem strata victoriis arva , deletos Ecclesiæ perduellium exercitus , de-

E
fen-

fensam Italiam , servatam hanc inter homines divinitatis Sedem , jam scires tam humiliter procumbentem , non nisi Catholicam Helvetiorum esse Rempublicam . Hæc est, quæ suis indomita viribus , & Sidere rigentis Plagæ armata totam, adeo Europam bellorum terrore afflavit, ut conuersis in se gentium legationibus victricem manum Regibus porrigat, regibus neget, utrumque ex imperii sui maiestate . In tanta armorum gloria, in tam alto Fortunæ propemodum commilitantis fastigio, non ex alio tamen magnitudinem suam hæc metitur Respublica , quàm quòd sanctissimo pietatis tuæ sinu complexam pedum tuorum osculo dignaris .

Exultat profectò in tam alta humilitate Catholica Helvetia , & veluti supra gentium ora , supra Regum colla per Capitolia feratur, sibi nunc sub pedibus tuis angustior visa superbit. Hæc est fortissima Gens illa , quæ militiæ decus , & Religionis gloriam , res diversissimas duas
 ita

ita coniunxit, ut repetito Pontificum testimonio, Ecclesiæ modò Asfertoires, modò Angeli vocarentur; tamquam si Constantini tempora repetantur, non alijs debeant sacrosancta hæc mœnia, quàm Angelorum expeditionibus custodiri. Et quidem Catholica Helvetia, quos exercituum impetus, quas in Ecclesiam iras non pectore suo, & non par omnibus excepit? Certissima hujus Reipublicæ fides arctis, indefensisque Julii Secundi rebus affulsit; Hæc Arctoam vim, & Orientis arma ab Ecclesia avertit; hæc Paulo Quarto, florentissimo robore militum adfuit, qui mox averso locorum ingenio intercepti, fortes animas pro Ecclesia vovendo Thermopilarum famam, ipsa morte augustiores adæquarunt. Nusquam tamen clariùs, quàm in ipsa Helvetia Catholicæ gentis in Ecclesiam fides enituit, cum divisa in partes ferocissima Regio civile in se ferrum stringeret, & in exitium suum armata, ipsa sibi pretium Religionis,

& merces bellorum efficeretur. Non
 recensebo præliorum numerum, ira-
 rum causas; referam tamen nostra
 omnium memoria bellum, in quo,
 aut numquam aliàs apparuit vera
 illa Catholicæ Helvetiæ religio, &
 virtus. Rapersuilam Tigurini obsi-
 dione stringunt, & extrema casuum
 agitantem, resistentem tamen perti-
 naci oppugnatione quatiunt. Inte-
 rea suburbani incolæ præsentis for-
 tuncæ vultum ferentes adempta bo-
 na, incensas ædes, violata sepul-
 cra, ac templa temerata lugent.
 Occurrunt Catholici, & fœderatæ
 Urbi inhærentes hostes extorquere
 conantur: Sæpe collata signa, com-
 missi exercitus, sed aneeps, & par
 utrinque discrimen, tanquam gran-
 de aliquid adstruentibus fatiis; Tan-
 dem Bernates quatuordecim mil-
 lium armatorum numero Tigurino-
 rum arma aucturos fortissimæ Ca-
 tholicorum cohortes, sed parva
 manu invadunt: Jam cedes, non
 bellum. Paucorum militum virtu-
 ti cedunt hostes, & extremum spi-
 ritum

ritum in admirationem victoris effundentes ; documentum gentibus præbeat non pro validiori pugnantium numero , sed pro meliore causa stare Deum , militare Victoriam . Strata adhuc Hæreticorum cædibus juga , cruenti adhuc vel ipsi Oratorum enses , & obducta nondum illorum pectoribus victicia vulnera . Quæ cum ita sint , Principum Sanctissime , quales nunc , Te rerum Præside , erga augustissimam hanc , Cælique Vicariam Sedem futuros Catholicos Helvetios putas ? Experiri liceat illorum erga Te fidem . Audimus pia te bella jubere , expeditiones imperare ; dextram tuam cernimus ultionis gladio armatam ; Ominamur quidem æternis operibus tuis magnum diem , ipsique hostium casuræ fortunæ gloriosum : Sed Catholicis quoque Helvetiis detur sequi tua castra ; illis trade labores , trade pericula : Quicquid adhuc sanguinis hostiles non hausere gladii , pro te , pro Deo , patria virtute profundent . Primi , si

jusseris per Thracios exercitus , per
coniuratas acies Christiana vexilla
circumferent , primi infida tibi O-
rientis Regna pectore , armisque
aperient . Sentiet Arabs ignotam
hyemem , & populi terrarum vltimi,
non Oceano, non vel Sole ipso pro-
pugnante securi , Nomen tuum aut
formidabunt, aut colent . Nihil est,
Pater Beatissime , quod credere de
se non possit auspicijs tuis Christia-
na Virtus .

J O A N N I I I I.

P O L O N I Æ R E G I

I N V I C T I S S I M O

Ob Viennam ab Obsidione
Turcarum Liberatam

O R A T I O V I.

Romæ habita.



SERENISS. PRINCIPI
FRANCISCO MARIAE
MEDICEO.

Antonius Malagonnellius

Felicitatem.



Iraris, SERENISS. PRINCEPS, me nullius nota hominem curas tuas, & altissimarum rerum studia interpellare? Quid si videris has, quas offero, Inviētissimi Regis Polonia laudes iam male comptas, & rudi stylo signatas? Diu, fateor, & ipse dubius pependi, an accederem. Animum dabat magnitudo argumenti, in quo locum ingenii occupat ipsa materies; Sed meam omnem ver-
recun-

*recundiam grata mens vicit . Ini-
què nimis agerem , nisi Tibi hac
una , qua possum , vice innumera
erga me Patruī tui Cardinalis
Leopoldi beneficia testarer , cujus
cælestis Anima , quamdiū in terris
fuit , me ad principem hanc Mun-
di Urbem emandatum regia aluit
munificentia , & amore plusquam
paterno . Utinam spes Sapiētissi-
mi Principis de studiis meis non
eluserim . Quid ego tui , meique
doloris vulnera rescindo ? Hac re-
tuli , ut audaciæ causam agerem ,
& ut scires hoc quaecumque tenui-
tatis mee specimen , hereditario
quodam jure tuum fuisse , ante-
quam traderem .*



Ellum evasimus, Principes Eminentissimi, quo ira, numero, immanitate hostium atrocius, nec nostra umquam vidit, nec Patrum superior ætas expavit. Et sanè non magis aliàs in ambiguo Fortunæ, Virtutisque steterè vires, cum, in contraria laborantibus, sub una denuò Viennensium Arce, totius humani generis libertas, aut servitium agitaretur.

Duo nempe validissima Orbis terrarum Imperia, ferro nuper, odiisque exitialibus, in mutuam adeò perniciem exarsere, ut, si rerum momenta expendantur, propior periculo fuerit pars illa, quæ vicit; Et veluti sæva tristissimæ captivitatis caligine demersis, everso statim carcere, inopina salus effulserit, vindices libertatis nostræ ruinas respectamus attoniti, & sustentante cætenas animo, securitati nostræ vix credimus. Hæret adhuc menti funesta facies publici metus,

& per anxias noctes, dirosque sonnos, miseræ persuasionis errore torquemur :

Obuersatur animo Austriaca Urbium Regina; innumeris circumvallata undique, & impulsæ gentibus, quas Oriens barbarus non, tam ab exusta syderibus plaga, aut ab ultima Solis averſi luce, sed ab ipſo rerum naturæ defectu, in excidium Europe armavit. Numquam sub una ditione, Arce sub una, tot Populi, nec tam diſſimiles habitu, lingua, moribus, convenere: Immanitate truces, aspectu terribiles, & quibus, præter hominem, nihil moris humani; Non Barbaros crederes. Hinc feralis tubarum clangor, strepentina æra, Caſtrorum fremitus, morientium voces. Inde suburbia diruta, incensæ Villæ, temerata, templa, & quæ viſus agi poteſt, cuncta furiali igne relucencia; Adde catenata Civium agmina, fedætas ludibrio mortes, raptas ad ſtuprum Virgines, ereptos parentum ſinu pueros, adultis contra Patriam viri-

viribus, & ferro non suo reversuros.

Augēt metus ira Numinis, prodigiosa imbrum defectiones, principalium Astrorum sociata vires, & ad mutanda Fata Regnorum crinitæ syderum flammæ.

Adeo vivax est calamitatum memoria, Rex Inviētissime, ut in hac beatissimorum temporum luce, Teque coram audeamus ea mala reputare, quæ Tu Cælesti pietate, & Divina propemodum virtute depulisti. Sed nil Tibi accomodatius ad Gloriam, quàm tristem commemorationem, Tua in nos merita recenseri, quibus in tantum humana supra sortem emines, ut parum grati videremur, si nos cladium nostrarum pœniteret; Angustè nimis potentiam Tuam metitur, qui non, & impossibilia de Te credit. Tunc liberi, tunc salvi fuimus, cum primam ruenti Imperio fœderatam, Victoriis manum devovisti. Tàm velox est Pietas Tua, Rex Inviētissime, quocumque exorata bella converter-

vertis ; ut ludo quondam ætatis, & futuri laboris tyrocinio, non ocyùs sylvas, montesque venatu lustraveris, Arctoa flumina, furiasque torrentum natatu trans egeris : Quod nuper adeò comprobasti, cum velocissimi syderis more longinqua itinerum emensus, laboranti Austria statim occurreres, ut Cælesti quodam instinctu properantia Christianorum vota prævenisse videaris, & quam precabamur opem, ante præstitisse.

Parum fuerat Magnanimitati Tuæ promissi fidem implevisse, nisi & superasses ; Nam altissimæ indolis Filium, & quem unum virtutibus Tuis parem habes, velut Te alterum Tibi junxisti, ut Barbariem innumeram, & quantum sceleris, longa molitione fœderata rebellio congererat, gemino terrore Majestatis everteres.

Superbiebat fabulosa, & vana Gentilitas, quòd Latiali quondam bello, duo in equis divina specie Milites Romana in parte stetissent, cos-

eosque velut in pretium victorię ,
 Aris , & pulvinaribus consecravit .
 Non hic morabimur vetustatis me-
 morias , antiquis nova præferemus ;
 Anne , Inviſti Principes , vos miſſa
 divinitus Numina piaculo Religio-
 nis crediderim , cum id & miracu-
 lo victorię comprobetis , & Cæſa-
 ris in Deum merita teſtentur ? Quod
 ſi , Rex Auguſte , priſcis illis ſuper-
 ſtitionum ſæculis vixiſſes , neque
 Te ſecuritati noſtrę Suprema Mens
 reſervaviſſet , qua Religione vivum
 adhuc , quantaque votorum nuncu-
 patione coluiſſet Antiquitas ? Tu
 Delubra Herculis , Martis ædes ,
 mutato Numine impleviſſes ; Capi-
 tolii Tempſa non ipſo Jove minor
 intraſſes ; Omnium denique Gen-
 tilium Deorum invidia , generi hu-
 mano conſuluiſſes ; Sed quid ego in-
 cautus , Modeſtiſſimo Principi di-
 vina ingero , qui & humana depre-
 catur ? Quæ civium ſtudia , quàm
 longa Senatus cum verecundia
 Tua contentio , ut inſigne Regium
 aſſumeres ? Quàm tardè victus Pro-
 vin-

vinciarum lacrymis paruisti? Magnum quidem hoc, sed cum alijs commune Principibus; Illud est peculiare Tibi, ac Tuum, quod superioribus sæculis gloriam adimit, & magnitudine sua fidem posteritatis impedit; Credent ne futuri, extitisse Principem, qui posthabitis Regni curis, reclamantibus Populis, renuente pignorum charitate, respexerit ad externa, & labentis Austriæ periculo fortunas, vitam, liberos obiecitaverit? Non video, quid pulchrius in terris fuerit, magisque Cœlestium oculis dignum, cum Tu difficillimæ expeditionis auspicia sumpturus, ante aram Dei Matris, interque circumstantium lacrymas, posita Corona, versoque in Loricam paludamento, Christi militem indueres. Nemo Diadema tam gloriosè, cum accipit, quam Tu, cum deponis, meruisti. Et miramur Dei manum his virtutibus provocatam, triumphales tot laureas Regio capiti adiecisse? Quibus liquet bellorum
for-

fortunas non tam affeclas potentia,
quàm administras esse Pietatis.

Meruerat sanctissima Virtus Cæ-
saris, ut ad præsidium cadentis Im-
perii, armatæ ruerent hyemes, pu-
gnarent stipendiaria sydera, staret
bellator dies; sed visum est Deo,
Rex invictissime; Pietatem Tuam
tanta bellorum laudè pensare, ut
omnem Divinitatis ostentationem
Te pugnante suppresserit; ne liber-
tatem Europæ, incolumitatem Re-
ligionis ulli magis; quàm Tibi
deberemus; & Gloriam servari Cæ-
saris, ne ipsum penè Cælum ambi-
ret.

Quare non sine impulsu quodam
Numinis contigisse reor, quod in-
victarum Gentium altrix Germa-
nia, peregrina, externaque Regum
auxilia, precibus exciverit; Eo po-
tissimum tempore, quò si nunquam
aliàs, tunc sanè fortissimorum
Ducum gloria, & numero effloruit:
Inter quos grande illud Viennen-
sibus præsidium Fortuna, famaque
omnium oculis Ernestum exposuit;
qui

vinciarum lacrymis paruisti? Magnum quidem hoc, sed cum alijs commune Principibus; Illud est peculiare Tibi, ac Tuum, quod superioribus sæculis gloriam adimit, & magnitudine sua fidem posteritatis impedit; Credent ne futuri, extitisse Principem, qui posthabitis Regni curis, reclamantibus Populis, renuente pignorum charitate, respexerit ad externa, & labentis Austriæ periculo fortunas, vitam, liberos obiecitaverit? Non video, quid pulchrius in terris fuerit, magisque Cœlestium oculis dignum, cum Tu difficillimæ expeditionis auspicia sumpturus, ante aram Dei Matris, interque circumstantium lacrymas, posita Corona, versoque in Loricam paludamento, Christi militem indueres. Nemo Diadema tam gloriosè, cum accipit, quam Tu, cum deponis, meruisti. Et miramur Dei manum his virtutibus provocatam, triumphales tot laureas Regio capiti adiecisse? Quibus liquet bellorum
for-

fortunas non tam affeclas potentia,
quàm administras esse Pietatis.

Meruerat sanctissima Virtus Cæ-
saris, ut ad præsidium cadentis Im-
perii, armatae ruerent hyemes, pu-
gnarent stipendiaria sydera, staret
bellator dies; sed visum est Deo,
Rex invictissime; Pietatem Tuam
tanta bellorum laudei pensare, ut
omnem Divinitatis ostentationem
Te pugnante suppresserit; ne liber-
tatem Europæ, incolumitatem Re-
ligionis ulli magis; quàm Tibi
deberemus; & Gloriam servati Cæ-
saris, ne ipsum penè Cælum ambi-
ret.

Quare non sine impulsu quodam
Numinis contigisse reor, quod in-
victarum Gentium altrix Germa-
nia, peregrina, externaque Regum
auxilia, precibus exciverit; Eo po-
tissimum tempore, quò si umquam
aliàs, tunc sanè fortissimorum
Ducum gloria, & numero effloruit:
Inter quos grande illud Viennen-
sibus præsidium Fortuna, fama-
que omnium oculis Ernestum exposuit;
qui

qui Austriaci Imperii, rerumque
Caput Urbem tanta virtute defen-
dit, ut abesse Cæsarem, nec senser-
int Cives, nec hostes crediderint.

Actum erat de validissima Ur-
be, & Christianæ libertatis Arce,
quæ forti quamvis milite, firmissi-
mis incenibus, & feroci propugne-
tur Danubio, præsentī tamen vi-
debatur Fortunæ cessura nisi pa-
rem periculo Virum mens provida
Cæsaris opposuisset.

Numquam majoribus copiis, &
obstinato magis odio peracta gen-
tium excidia; Nam Barbari Vien-
nensium Urbem tam repentino in-
cursu, & frequentibus præsidiis
circumsederant, ut sublatis com-
merciis, adempto effugio, finitimæ
etiam Regionēs, & flumina clau-
derentur. Juvabant spem victoriæ
rebellium vires, & nostræ manus:
Immixta namque Thracibus Pan-
nonia, civilia propemodum arma
stringebat, & signa, contra quæ
steterat, sequebatur; Quin etiam
infelix suburbii Populus, & cater-
nati

nati agrorum cultores in Patriam armabantur inviti, ut novo sacramento scelere supra conjugum, ac parentum funera pro sua servitute pugnarent, ipsanique tristissimę calamitatis perderent innocentiam.

Hostes itaque partito exercitu, extructis aggeribus, admotis simul undique machinis, tormentisque, portas, vallum, propugnacula, diurnis, nocturnisque impulsibus quatiebant; Productis inde obsidionabilibus fossis, tela, saxa, ignes, ac dissilientes in stragem globos vi flammę jaculabantur, & succensis ubique cuniculis, Arcem terrore, ruina tentabant. Adversus hunc belli impetum Ernestus, eversis jam Municipiis, & longę pacis operibus, ne usui hostibus forent, ita viros, arma, muros aptaverat, ut oppugnantium vim incredibili virtute repelleret, & nostrum sanguinem hostili clade pensaret.

Tutabatur Arcem Juventus deleta, & ubi plurimum periculi ostendebatur, ibi pertinaciori animo ar-

arma, & pectora objectabat; Imbellis etiam sexus, & infirma ætas supra vires corporis, animique assurgens, ministrare propugnatoribus tela, fovere saucios manu, voce, aspectu certantes accendere: Jam non sanguis, non vulnera morabantur, quin oppugnati, & apertis armis, & occultis dolis obviam irent; modo hostium cuniculos transversis excipiebant cuniculis, eluctatis modo præfidiis, in adversas stationes, & munimenta erumpentes, fossas, aggeres, opera cadibus cumulabant: Incerti undique ictus, improvisa funera; Nemo vulnere, nemo facinore inglorius, & quos vires sanguisque defereret, è muris cadere in hostem nitebantur, ut insigniori in Patriam fide, suis etiam cadaveribus pugnarent. Ernestus ipse, qua crebriori impulsu urgebantur incenia, hortator aderat, & per obvias Cælo mortes, ac erumpentia terris fulmina, huc illuc volitans, succedebat fessis, laudabat strenuos, retinebat cedentes,

pa-

pavidis denique, ac desperantibus
Regem pollicebatur.

Non minori extra Urbem laude
Lotharingius Dux Victoriā ho-
stibus inquietabat, Vir, qui supra
generis claritudinem, & avita de-
cora egregius ipse, & pacis, belli-
que gloria ætatum omnium Duci-
bus comparandus. Hic arma Cæ-
saris, & auspicia movens, Arrabo-
nem flumen infederat, sed conan-
tibus vadum Barbaris, & Panno-
niæ auxiliis, mutata statim fide,
sibi vincentibus, ne tunc nimis im-
pares hostium viribus, periculo
suas obiectaret, neve Urbem à ter-
go desereret, procurenti bello im-
paratam, tam celeri consilio, & fe-
lici ratione Viennam receperat: co-
pias, ut victoris potius, quam ce-
dentis exercitus speciem præbuerit.
Habito confestim delectu, firmata-
que flore armatorum Arce, cum
reliquo milite, tanquam solus ti-
meretur, Danubii ripas, omnem-
que latè Austriam repentinis incur-
sibus, & auxiliari bello deterrebat.

Ob-

Obsidebat itinera , aggrediebatur hostes , occupabat pericula , intercipiebat comneatus , tanta denique arte , manu , fama , præsens , absens , ubique pugnabat , ut attonita veritate , adversariis pariter , ac suis gloriosum de se faceret errorem ; cum ipsum Barbari non unum putarent : & crederent Germani , præfatos omnes Lotharingæ Domus Heroas , in uno posterorum pro Cæsare militasse . Talem nempe fuisse oportuit , quem bellicæ laudis prærogativa , & Commilitonis sui gloria Rex invictissimus insignivit .

Urbs interea diutino labore , & exaggeratis obsidionum malis oppressa , atrocior in dies experiebatur vim hostium ; Jam rari propugnatores , subruta mœnia , desperata auxilia , polluta omnia odore , sanie , contractu : Sed nil æquè clausos fatigabat , quàm arctior annona , crescentisque omnium inopia . Ad hæc , dubiæ militum vires , suspecti & Civium animi . Erant , qui
tur-

turbidis vocibus, & minaci silentio, vanas spes, & inconsultam resistendi moram Ernesto obiectarent. Lapsis ad extrema rebus, tantus illicò erumpentis cuniculi, simulque ruentis muri fragor accessit, ut non tam expugnatos sese crederent Cives, quàm funditus everfos. Incertus undique clamor accurrentium, vocitantium, ubique luctus, ruinæ, funera, & jam fortuna captæ Urbis; Nam ea parte, quâ strata ruinis mœnia Arcem nudaverant, jam vallum, & propugnacula tenentes Barbari jura Mundi expetebant. Sed quos vix Germania bellatrix, vix fortuna toto Cæsare submovisset, fugavit. Dux unus, vetuitque, se gladium stringente, victoriam: Nam inter ruinas, velut alterum pro Cæsare munimentum, è media suorum strage emergens, armatum Orientem intrepidus excipit, ac undique clausus bello, igne, ferro, muralibus fragmentis subeuntes obruit, seque ipsum resistens minatur. Represso

presso parumper hostium impetu, conversus ad suos: Electi mecum, inquit, per quorum pectora Europæ libertas petatur, & digni, qui pauci opem Mundo feratis, cur tot vestra inter funera non pudeat inultos vixisse? Sternite cuncta ferro, & cæsarum hostium aggeribus, obsessæ Patriæ ruinas pensate. Nusquam major, certiorque bellorum merces. Quòd si negatum est, laudatore, ac teste Cæsare, sanguinem nostrum fundere, cadamus hoste, laudante. Ipsi virtutem mirabuntur Barbari, & invidebunt. Vicimus ò milites; densior jam è conspectu oriens pulvis properantem, Sarmatiæ Regem enunciat. Venit, quem post Deum, vota nostra expectabant, quique Urbis nostræ cladem totius Asiæ funeribus expiabit.

Has rerum vices, hunc belli statum Rex Austriam ingressus invenit, ibique primus fuit Urbis liberandæ gradus ad privata descendere: Nam, ne quid moræ salutis publicæ iniiceret invidia, habito statim

tim fœderatorum Principum concilio , amotoque ad tempus splendore fortunæ , Commilitonem se præbuit , ostenditque , se absque patrocinio Majestatis posse Imperia defendere , quæ sola virtute meruerat . Itaque & in certamine modesti victor , auctusque Germanorum copijs , per invios , intactosque trames , occupatis repente Viennensium collibus , in subiectos hostes , velut è Cœlo improvisa Majestatis fulmina intorsit .

Ut primùm Christiana luce fulsere signa , redit oppugnatis animus , nec minori fortitudine redintegrata est propugnatio , quàm si invictissima universæ Germaniæ Virtus solis Viennensium muris includeretur . Pueri , Virgines , Matronæ dignitatis , & periculi oblitæ ostentare è mœnibus gaudia , tendere ad Regem manus , Liberatorem Urbis , Christi militem , Dei Angelum compellare . Fuere , qui neglecto dolore vulnerum , & mendantium imperio , hastæ , clypeoque

que innixi retentarent vallum , ut Rege saltem viso , gloriosius expirarent .

Divisis copiarum viribus , Rex jubet Germanos concurrere : Non detrectavere pugnam Barbari , quorum ardorem , ac primum belli impetum fortissimi Saxones excepere , qui tamquam pro modo virtutis , fortunæ gradus deberetur , prima in acie constituti , illatis ultrò , acceptisque vulneribus , in vestigio quisque suo , famæque superstites cecidere , haud indigni illius imperio Principis , a quo gloriosissime ducebantur . Multus & hoc prælio Lotharingus fuit , qui dimisso equo , hastaque è novissimis uni militum detracta , pedes ante signa constitit , & quacumque in parte premi , ac laborare senserat ordines , impigrè aderat , voce , armis , exemplo conspicuus suis , hostibus insignis . Sed ferociorès numero Thraces jam catervatim , ac tota belli mole nostros urgebant ; cum repente Ernestus in hostium latera por-

portis erumpens tantam edidit stragem, ut opem, quam imploraverat, crederes contulisse. Restituta acie, æquatisq; cladibus, stabat pro partibus invicta Fortuna. Tum Rex magno, elatoque animo circumequitans suos; Domitores, inquit, Asiæ, destinata Barbaris fulmina, en votis exoptata dies: habetis hostem, & numerum, quem vinci deceat; Non ignotas acies, novasque gentes credite; ii sunt, quos, me Duce, fugatos sæpe, victosque in ipsis, nuper castris obtrivistis, à quibus innumeras Urbes, & immensa Provinciæ spatia recuperastis, Tyra, Borysthenes, & hic Danubius, quid aliud sunt, quàm barbaricæ cladis, & gloriæ vestræ monumenta? Inter tot egregia decora non in ultimis laudum fuerit vindicasse Cæsarem, opposuisse pectus pro Urbe Roma, quæ vos cœlesti consilio, & sacro ærarij censu, in spem publicæ libertatis armavit. Stringite ergo ferrum, & in communi Orbis terrarum discrimine

generi humano fata decernite . Credite Commilitonem Deum ; Credite Sanctissimum Senem , Poloniæ signa Quirinali è Cœlo anteire , Deinde filium intuens ; Si domestica deessent exempla , illud tibi potissimum Bavari Principis assumerem , qui pari tecum annorum flore , velut stipendiis in ordinem emeritis , ferocem adhuc , maturamque imperiis indolem spirat , & cursum , ætatis , famamque futuri Ducis , festinatione virtutum prævertit . Sed cum nostra , quæcumque sint , habeas , sume Patris animum , cui destinatum est , extrema cuncta bellorum malle , quàm Europam intueri Christiano diademate , sacroque paludamento nudatam , triumphis spectaculum fieri . Quod si hac acie moriendum est , moriamur , sed non inulto Cæsare , ac Deo . Sentiat Asia , quàm magni cadamus , & funeri nostro , suæque victoriæ fremens indoleat .

Nil ultra cunctandum ratus , concitato equo , cum omni tutmarum

robore in hostem incurrit, & velut
 immixtum equestri procelle fulmen
 obstantia quæque rapuit secum, ob-
 trivitque, ac inter densiora pugnans
 agmina non diu latuit; Nam laxa-
 tis repente ordinibus, exhausta in-
 terno milite hostium acies grande,
 & atrox spectâculum aperuit; Arma
 passim, & spolia, laceri artus, sub-
 strata equis Rectorum corpora, as-
 surgentes è strage media cruenti,
 & nudato in reliquum sanguinem,
 pectore totam mortem deprecân-
 tes; dum ille prælio victor, per cæ-
 sorum acervos, & palpitantia ca-
 davera, fugientium terga anhelus
 incurreret, ac omnem latè campum,
 ferro, pulvere, terrore misceret.
 Deinde, ne quid magnum sibi dees-
 set ad Gloriam, se quoque victorem
 superavit: nam obtruncato Præto-
 riî signifero, raptum vexillum pro-
 ximiori tradens; Fatale, inquit,
 Byzantii Palladium Romam defer,
 ibi signa triumphî effulgeant, unde
 victoria nostra profluxit.

Terrore latius dato, Dux ipse

Barbarus equi pernitate fretus, cladem suam, stratumque rem Asia à tergo respectans turpi se fugæ commisit, Victoriæ Cæsaris, & Sarmaticæ gloriæ titulos, per infida Orientis Regna vivo monstraturus triumpho.

At Rex prosperis instandum ratus, everfis, direptisque Castris per desertam, & avia fugientes, sparsosque per Castella Barbaros opprimit, & expugnatis præsidiis, receptis Urbibus, turbatis Rebellium, fœderibus, Pannoniam omnem, aut armis occupat, aut metu; Idque tam mira bellorum felicitate, ut ne totam ferro, ignique victoriam deberet, magna hostium parte vorticibus hausta, ipsi etiam visi sint Amnes Regio meruisse stipendio. Ausa tamen est aliquid circa Regem Fortuna, sed velut de industria, timoris illum nostri, ac periculi moneret. Non ego is sum, Clementissime Princeps, qui curiosus in arcana Regum inquiram: Hæc, quæ cum populo didici, quæ ab amore

more publico profecta sunt, audi.
 Forti nimis animo discrimina præ-
 liorum aggredieris; impavidè nimis
 densissima hostium agmina irrum-
 pis: Quid iniquiora Tibi deligis,
 & unus omnia Tibi assumis? Satis
 grande momentum victorię, si tra-
 das auspicia, & formidatum no-
 men intentes. Nonne Krimensium
 exercitus, Te nuper absente, sub
 Ducibus tuis ad interneccionem cæ-
 si haustum nobis sanguinem refu-
 dere, & direptæ Austriæ spolia Ar-
 ctæa Charybdis evomuit? Tu exer-
 citum anima, Populorum vita,
 Salus Europæ, noli omnium peri-
 culo fortis esse. Anne Divina Tibi
 Virtus aliqua præsens assistit? An
 habes cum Deo commune confi-
 lium? Non enim est hominis, bella
 triumphis prævertere, imperare
 certaminum casibus, & secunda Ma-
 jestate insultare periculis, morti-
 bus occurfare. Quod si unicuique
 nascētium tutelaria Numina Mens
 suprema distribuit, crediderim ti-
 bi rebellium stellarum domitorem

Angelum contigisse , veluti ad hoc nato , ut superbum illud , & infame Terrarum sydus ab Oriente divelleres . Finiam hoc omine , & cum necessaria de Te mihi, ac propemodum innumera, damno voluntatis, omittenda sint , arctato etiam Orationis limite , non à Te procul divertar ad Deum .

Te, qui ab altiori syderum luce, terrena respicis, & moderaris, quique , ut sævienti Barbarorum armis sæculo Christianum Regem opponeres, Principem hunc tantis naturæ ornamentis præfidiisque cumulaisti, quanta non conditio mortalis , aut recepit unquam , aut vidit . Te inquam , publica generis humani voce obtestor, atque præcor; Serva munus tuum, custodí Grande, terris Depositu, eique ad futuram subacti Orientis gloriam palma, universę Pacis accedat .

INITIA

PRINCIPATUS

INNOCENTII

UNDECIMI

Pontificis Optimi Maximi

ORATIO VII.

EMIN.^{MO} ET REV.^{MO}
PRINCIPI
CARDINALI CYBO

Antonius Malagonellius

Felicitatem.



*On tu, PRINCEPS
EMINENTISSIME,
precipuus occurras, cui
Orationem meam con-
secrem, qui adeò in Regno Virtu-
tum præfulges, ut nec diù quaren-
dus fueris ad onera Christiani
Imperii levanda? Utinam mihi
par voto Pliniani styli felicitas
contigisset, haberet Roma post tot
intervalla temporum, quo Novo-
comensium Urbi vicem excelsa fa-
cundia pari gloria referret; Sed*

quamvis ingenium mihi, tantum
infra omnem eloquentiæ gloriam
jaceat, quantum Virtutes, quas
breviter, & cursim signavi, su-
pra sortem humanam eminenti; fa-
cile tamen à pudore meo impetra-
vi, ut hoc tibi, qualecumque te-
nuitatis meæ specimen offerrem;
fretus animi tui magnitudine, qua
non tam felices, ac victuros, quàm
rudes, & informes ingeniorum
fætus humanissimè complecteris;
in morem Oceani, qui ingentia
flumina eodem excipit sinu, quo in-
glorias rivuli aquas non dedigna-
tur. Vale,



Eerat hoc unum Ro-
manæ calamitati PP.
EE. ut everfis olim
Africa, Afizque Re-
gnis invideremus. O

felix Ilium, tuque auspicio melio-
re condita, & deleta Carthago! No-
stra vobiscum arma, Græcorumque
incendia meliùs egere, quàm credi-
tis; toto namque fatorum impetu
semel concussa in novas amplius
non surrectura clades, nullis impo-
sterum obnoxia lacrymis, nec exte-
riorum triumphis iterum damnan-
da cecidistis. Quidquid è vestra,
magnaue fortuna mirata est, &
amavit Antiquitas, durabit in lu-
ce temporum, & fama rerum,
quamdiù fides annalium, quamdiù
pretium erit mortalium angustiora
cognosci.

Una Urbium Roma toties excisa
ferro, funerata cladibus, extincta
flammis, se tamen malis suis su-
perstitem intuetur attonita: tam-
quam, nec Imperii finem habitura,
nec doloris; & veluti parum fuerit

tot

tot Gentium, ac Regnorum excidiis
 sæpè aduersa parentasse fortuna;
 devictique Orbis terrarum invi-
 diam domestica sæpè cæde, ferroque
 civili expiassè, altricem hanc populi
 principis, Cælo, & Syderibus co-
 gnatan. Urbem ad hoc ævi fata vi-
 dentur servasse, ut in altissima re-
 rum tranquillitate sæviorem bellis
 omnibus pacem sentiret.

Date veniam impatientiæ dolo-
 ris, si profunda vulnera graviori,
 quàm par erat manu, tentavero.
 Proh nefas! Non morum pudor, non
 legum reverentia, prompta auda-
 ciæ, prompta flagitio merces; cum
 interea fœcunda virorum pauper-
 tas, per tot humane calliditatis am-
 bages elusa, meritum de virtute
 spiritum contentiosa mendicitate
 sustentat. quid ultra exequar!

At non ego is sum, qui hac ar-
 te principes illos insimulem, quo-
 rum memoriam, & sacra Cinerum
 reveor. Crediderim res humanas
 more gurgitis, seu rotæ versari, &
 per vices temporum virtutes etiam,
 &

& vitia, adversis frustra dominantibus, deprimi, & attolli. Damno itaque sæculi mores, defleo fata Regnorum.

Sed si tibi Numina, Principum Sanctissime, non aliud ad imperium iter, quàm per damna nostra decrevere, jam tanta felicitate pensamur te Principe ut nos calamitatum nostrarum non pœniteat. Quid enim, aut tibi majus ad gloriam, aut nobis certius ad salutem, quàm curæ tuæ genus humanum committi eo potissimum tempore, quo nemini dubium fuit perituum id omne, quod tuendum non suscepisses? Habuit illico & voti, & amoris sui pretium Christiana Respublica; quam concussam, ac penè ruentem non tu reluctatus, invitique, sed eius periculo major occurrens, tanta statim virtute firmasti, ut apparuerit aliis Regna tradidisse Principibus Deum, te illi restituisse.

Dignus profectò eras, qui non nisi, supplice Imperio, regnares; meruerant virtutes tuæ, ut recusatæ etiam

etiam potentiae gloria insignirentur. Sed remisisti Christianae Reipublicae necessitatem hanc verecundiae; noluisti decus tantae majestatis ad preces deprimi; velut accommodatius laudi tuae, si id per te, jam cresceret, antequam acciperes, ut sublimares. Quis adeo moderationis tuae, simulque nostrae calamitatis ignarus, ut sibi persuasum velit inclinatam te, nutante inque, Romanae rei molem ambitione potius, privatisque utilitatibus, quam securitate publica, & amore nostri subisse? Nec alia ratione crediderim iniectas tibi aliquando ad Imperium moras, quam ut ingenti experimento de affectibus tuis Principatum ostenderes, antequam imperares.

Anne reniti fas erat, quem vota gentium, Salus publica, & manifestum Numen impelleret? Et quidem Ecclesiae Principes non humanis consilijs, sed Coelesti suffragio constitui, quando certioribus indiciis comprobatum? Non magis alias
in

in ambiguo sapientum mentes ;
 numquam fama constantius ele-
 git . Ferunt Periti syderum nullius
 natalem horam Imperio longius ab-
 fuisse . Sed quid ego imprudens Chal-
 deorum artem attingo ? tamquam
 iis succenseam , qui non juxta bar-
 baras gentes , sed in gremio Reli-
 gionis , in sinu fidei audacem cu-
 ram , & fulmine ultimo plectendam
 syderibus inferunt , nec tam ortus
 Pontificum , quàm auspicia Comi-
 tiorum prætentant , in quibus non
 alia certior futuri Principatus con-
 iectura , quàm mores Candidati .
 Ii sanctissimo Regum Davidi , &
 Josepho Principum castissimo ad
 præfagium futuræ magnitudinis ef-
 fulsere .

Utinam mihi breviter , & cursim
 dicturo fas esset curiosam diligen-
 tiam ad incunabula tantæ Majesta-
 tis convertere , mox teneræ , de-
 mum adultæ indolis gloriosissima
 spacia percurrere , in quibus mani-
 festa luce virtus futuri Principis
 prolusit . Sed jam Romana in Aula
 robu-

robustam mentem, ac rerum maximarum capacem festinans oratio assequitur. Non est, quod mihi de Principe nostro credatis; Mirati & vos estis illius prudentiam, fidem, humanitatem, fortitudinem, temperantiam; vidistis eundem Magistratibus, Provinciis, ipsa denique jam purpura majorem. Et cui non animum licuisset in arcana futuri absque ministerio syderum innutere, & spes humanas ad ea tempora excitare, quæ nos præsentī felicitate sentimus?

His itaque Virtutum auspiciis propè fortunam hominis egressus, terrestre Dei solium ascendit. Tum delectis, qui peritia Legum, & morum integritate præminebant, ad præcipua Imperii onera Sanctioris Senatus emendatissimum virum adscivit, & ut multiplicem in virtutibus, ita prudentia, fideque singularem.

Quis credat, Pontifex Sanctissime, mutatas illicò rerum vices, pulsasque temporum calamitates, nisi

&

& credat fuisse tuæ reservatum gloriæ perditum vitiis sæculum ingredi, ut Innocentiæ consecraret? Debemus sanè hanc tibi fortunam, cujus ad imaginem, & in quantum hominì fas est per divina ire vèstigia, nos ipsos æmulatione quadam virtutis, & obsequii ambitione formavimus. Nihil enim est ad suadendum efficacius, quàm exemplar jurentis. Et non luxus, non effrænatas cupiditates, non denique conscientia suæ numen reformident; qui Regnatricem Aulam, ut Ædem Sanctitatis, Innocentiæ Sacrarium intraverint, quique Principem viderint tanta moderatione, tantaque abstinentia degentem, quantam non Consulares agricolæ Curii, & Fabricii, sed ne ipsi quidem veteres Christianæ severitatis Antistites novere?

Eniendatos mores insequuta est, pari cura, ærarii reparatio. Redacti ad censuram, honestique normam sumptus immodici, largitates inconsultæ; coerciti publicano-

rum

rum quæstus, conversæ ad levamen Urbium pecuniæ publicæ, administratæ Christiani Orbis rationes, tam diligenter, quàm propriæ, tam abstinenter, quàm alienæ. Occurrit hic fratris piissimi Filius; sed tam dissimilis fortunæ suæ, quàm Principi nostro similitudinis, qui majestatem vulgo immiscens, exemit Principatu superbiam. Hinc vindicatæ Populorum fortunæ, reparata Provinciarum damna, nec minori gloria posteritati consultum. Scient futuri ita demum affluere, publicas opes, si domos Principum continentia laus, & morum divitiæ commendent.

Agnosceimus quidem bonâ nostra, Pontifex Sanctissime, nec feliciorum ullum, aut optavimus, aut sensimus diem, quàm quo primum per Sacræ viæ frequentiam, inter Populares plausus, & surgentium gaudiorum impetus incedentem te vidimus. Sed liberam audi publici amoris querelam: Dum Arcus, & Statuas, aliaque triumphan-

phantium decora tuus respuit pudor, amisit Roma vicem, qua se gratam probaret. Quidquid enim opibus, arte, cura, ingenio valuit, id omne in obsequium tui, cultumque contulerat.

Nunquam gloriosius pictura colorum audacia processerat, quam iuxta monumentum victoriæ Septimii Cæsaris. Pulchrum nobis, gloriosum tibi, dignum Deo spectaculum. Vidisses effigiem tuam inter Ægyptias Lauros, inter Arabum, & Parthorum exuvias curru modestiæ insidentem, nec tam de vitiis hominum, quam de Victoriis Cæsarum triumphantem. Stetissent ante te, non vincti Duces, Regesque, non everfarum Urbium imagines, sed hilares Gratia, & vitta pudoris insignite; liberi ab ambitu Honores, redemptæ virtutis pretio Dignitates. Auxissent simulacri tui majestatem devinctæ pari nexu, scelerum altrix Avaritia, & virtutum ingrata comes, Ambitio; inde catenatus Furor, Perfidia domita, coer-

coercitæ Voluptates, frænata Libido , confusæ Hæreses , Impietas subacta .

Haud longè Moles Cæsaris , cui generis humani amor cognomen-
tum indidit; sed nullo recentis pom-
pæ apparatu , nisi veteri , suoque
cultu notabilis . Hanc grata Civi-
tas , ut pudori tuo consuleret , si-
mulque in Títum excitaret invi-
diam, velut comparationi diffidens,
de industria omiserat . Nouum sa-
nè triumphì genus , & annalium ve-
tustati incognitum ; per quod in
experimentum publici affectus , &
sinceri iudicii Romana fides evoca-
ta , supra eblanditos honores , ca-
ducasque Cæsaris imagines , vera ,
& æterna ; & quæ in animis homi-
num tenes , virtutum simulacra ex-
tulisset . Non enim Titi mores de-
honestamento vitiorum immunes ;
præbere adhuc Arcus , & victoriæ ,
& crudelitatis documenta ; ad hu-
manos cibos compulsas Urbes ; pe-
remptam gladio ætatem , quam ip-
sa Barbarorum ira custodit; sanctio-

ra Orientis igne, ferroque consumpta, Tyranni mentem arguere, non Principis. Cur non hic auro effigies, statuasque Principi nostro dicatas, qui Romam Annonæ impatientia exemit; qui primus, aut solus avitas opes ærario vectigales effecit; cujus munificentia publica egestas mollitur, castitas Matronarum, & pudor Virginum alitur, qui denique, domesticis fortunis in Deum, & pro Deo refusus, exterorum Provincias pietate devinxit, coegitque Reges ad stipendium amoris?

Sed jam tibi jucundum, mihi que facilem transitum exhibent triumphales Principis Arcus, qui primus omnium Cæsarum, lustrato victoriis terrarum ambitu, gloriæ suæ Cælum ipsum adiecit. Occurrisset oculis tuis Religio eo diademate, eaque sede coruscans, per quæ supra terras omnes felix olim, & beata Patmos inclaruit. Circumfusæ undique virtutes; distinctæ tamen habitu, vultu, ministerio, quarum
duæ,

duæ , ut præfulgentes forma, ita folio propiores ; Una criminum vindex , ac Dei fulmine terribilis ; composita ad Clementiam altera , redemptæ humanitatis Insigni , & necessario Fidei dedecore ornata . Haud procul revincta oleis Virgo , quæ ferrum Europæ visceribus deductum in Asiam vertisset . Hinc è conspectu Regina infelix Solyma , Urbesq; aliæ è catenis suis ad spem libertatis erectæ ; illinc , in omen victoriæ odorata Syriæ nemora , & fertilis palmarum Idume .

Quis me fatentem arguet ? Suo præteritum loco Capitolium referatur : Spes illic publica triumphalem tibi currum extruxerat . Adacti jugo Dracones in omen fertilitatis , & ærarii tutelam . Ad modum Aurigæ Pales , ac Ceres , quæ laudum tuarum veritatem , falso licet numine , fatebantur . Numquam manus artifex pretio lapidum fœlicitiùs respondit . Opus sanè te dignum , & nemini adhuc Regnantium ab industria fortunæ excogitatum .

Adhi-

Adhibita namque clariora Urbis ingenia, diùque titulis insudatum; Jam Optimi, Pii, Maximi, aliaque cognomina mutata sæpius, & deleta, tanquam omne, quod nomini tuo adderetur, ut usurpatum ab aliis, & magnitudine tua inferius, veritas improbareret.

Est tamen aliquid, quo nos demeruerit adulatrix antiquitas; nam cum vocabula omnia virtutū turpi assentatione, vitiisque Cæsarum pollisset, Sanctissimum Innocentiæ decus intactum, & illibatum posteritati omisit, ut esset aliquando, quo mores, virtutesque Pontificum augustius consecrarentur. Hærentes itaque animos, ac desperatam artem iuvat sagax consilium: abstinere incepto; satis gloriæ Principis consultum, manerent modò vestigia irriti laboris, & elusi ingeniorum conatus.

Veniet ergò tempus, quo & tu; Principum Sanctissime, inter Capitolii Signa, & prisca Urbis miracula monstreris, neglectisque Bruti,

G. alio-

aliorumque imaginibus, tibi uni curiosa posteritas hæreat, legatque marmor nullis titulis plenum. Vive interim annos ultra etiam vota nostra felices, & postquam genus humanum diù te mortalem habuit, ut majorem imperio terrarum Virtus tua Cœlo restituat.

**I N F U N E R E
CLEMENTIS X.**

Pontificis Optimi Maximi

Ad Eminentissimos

S. R. E. CARDINALES

O R A T I O V I I I.

**Habita in Basilica Vaticana
Calend. Augusti 1676.**



EMINENTISS. PRINCIPI
CARD. ALTERIO

S. R. E. Camerario .

Antonius Malagonellius

Felicitatem .



*I*Nter tot lugentis Eccle-
sia lacrymas lator mihi
Princeps Eminentissi-
me , Terrarum Orbem
grati animi mei testem contigisse .
Quid enim decentius in Urbe Ro-
ma , & publicè beneficiis devincto,
quàm extinctum Pontificem pu-
blicè laudare ? Hinc est quod ii,
quibus non tam patria,quàm ami-
citia pignore obstringor,me facile
in imperia tua,& ut volentem coe-
gerint . Quare Orationem hanc
etsi rudem , tantoque indignam

funere æternitati Nominis tui con-
secrare sum ausus. Non tamen
credas quicquam in ea detractum
CLEMENTIS X. virtutibus: Fe-
liciores quàm si virum eloquentis-
simum invenissent. Plerumque
nimirum evenit, ut ingentia vir-
tutum merita, si obscuro, aut pa-
rum operi respondente stylo com-
primantur, qualia, quantaque
sint, manifestius emineant, sibi-
que materiam omnium laudum,
omnemque campum sibi, vindi-
cent eloquentiæ. Sic olim, ut tota
Pompeio pro tamulo staret Ægyp-
tus, fortuna cineres occuluit. Vale.



Cerbo vulneri, Patres
Eminentissimi, quo
Romana nunc premi-
tur Sion, hoc quoque
addidit Fortuna ludi-

brium, ut qui ultimis Comitiorum
Sacris incondita, ac rudi voce Prin-
cipem designavi, is potissimum ad
hæc Solemnia Pietatis eligar, ut ex-
celsæ facundiæ præmio Cinerum,
Sacra fraudentur. Sed exteri, ad-
venæque Principis decora felix elo-
quentia commendet: CLEMEN-
TEM X. sua in patria, & apud
Vos laudaturus non cura, aut solli-
citudine premor, prout parum in-
genio, aut nihil valuerim; præser-
tim quia de tam grandi mortalis
ævi spatio pauca quædam libare,
& velut cursim attingere decrevi;
cùm pleraque, ne dicam illustriora,
non tam angusto orationis ambitu
minimè tentanda, quàm studiosa
silentii religione supprimenda cen-
suerim. Parcamus nimirum sæculi
famæ, & pudori temporum consu-
lamus; Nesciant posterì Æmilium

Alterium tandiù sub avara remunerationis sterilitate latuisse , ut abruptis fortunæ ludo dignitatum gradibus , nonnisi ultimis casuræ vitæ spatiis decus illud Purpuræ obtinuerit , quod vel sola natalium sorte , vel propria virtutum luce , florentibus adhuc annis meruerat .

Occurrere laboranti temporum gloriæ Munificentissimi Principum Alexander Septimus , Clemens Nonus , quorum primus Æmilium jam senem è sacra Camertium tutela Urbi, votisque publicis redditum splendida Præfectura insignivit ; alter deinde in spem Purpuræ , cui destinarat , sacrario cubiculi sui præfecit .

Anne tali munere , tantoque Principis judicio aliquid ei superbiæ , aut arrogantiae accessit ? Experimur quotidie plurimùm in commutandis hominum mentibus aulicas valere dignitates : sed Æmilio idem tenor modestiæ , eadem in amicos fides , in supplices pietas : non assentatione , non ambitu
can-

candorem animi , morumque innocentiam imminuit . An dubitent , qui sciant , coniunctam aliquando in Æmilio extitisse majestatem imperii , & pudoris difficillimam in imperio virtutem ? Blandiamur dolori nostro , PP. EE. & mentem in præterita revocemus . Pulchrum erat Sanctissimum intueri Senem , vel incedentem in publico , vel inter supplicantium turbas , interque Principum , ac Regum Legatos aulae officia agitantem , ostentatione nulla , modestia maxima , humanitate singulari . Quàm undique spectantium voces , vel invidentium laudes , vel amicorum querelæ ! Cur tam fera virtutibus præmia , cur adhuc suspensa tot populorum gaudia , & elusa toties Reginae Urbium desideria ? Frustra toleratas Sarmatiae hyemes , frustra exceptos labores , expetita pericula ? Anne parum Mutinæ , & Mediolano pacem restituisse ? sustentasse labantem Neapolitani Regni fortunam , plebemque exasperatam in proceres ,

& velut urbe capta sævientem, prudentia, & eloquio lenisse? Addebant Seniores imbutam pietate, ac religione adolescentiam, iuventam propria censura coercitam, & subactis sensibus, eo triumphî genere insignitam, quod vix audet canas sperare modestia.

Abrupit sermones hominum provida mens moribundi Pontificis, qui, velut inchoaturus æterna, Æmilium Alterium Purpuratis Principibus addidit, sacroque inauguravit Imperio. Brevi igitur, illato cælum Pontifice, summi principatus insignia Purpurato nuper Æmilio decreta: non tamen defuere virtutibus spatia exemplorum: Repulsam habuit imperium, & modestiam recusantis precantium, auctoritas vicit. Assumpsit itaque CLEMENS X. generis humani tutelam, & quamvis adhuc integra, vivacique senecta terrestre Solium Divinitatis impleret, altissimæ tamen moderationis exemplo, tantæ se imparem moli, fluxamque senio

men-

mentem incusans optimum quemque Vestrum in laboris, & conscientiae suae partem veritate precum adscivit, haud ignarus quam subito regnantium assentetur fortunae corrupta spe, metuque libertas, & fides in obsequium servile demissa, quum alii callida simplicitate, alii per ipsa etiam scelera famam integritatis affectantes, sanctissimam Principum mentem blandissimè fallant, & expugnent.

Hæc imperii primordia Urbem nostram ad illas spes erexere, quas difficillima Christianæ Reipublicæ tempora, futuræque difficultates expetebant. Non sanè alias exercitior Europa, magisque diversis gentium motibus, fatisque jactata. Regna, maria, terræ bellis aspera, Provinciæ subita fame districtæ, Urbes incluso luctante spiritu ad excidium usque commotæ. Sed nil accommodatiùs gloriæ Pontificis, quam sacras rerum habenas eo potissimùm tempore moderari, quo adversa ideò visa sunt nasci, ut vir-

tuti cederent Imperantis ?

Superbiebat , Cretensibus nuper devictis , infida gens Thracum , & nostris illa discordiis in tantum elata , ut Sarmatiæ populos intestinis tunc odiis furentes toto fortunæ strepitu invaderet , & expugnantis arcibus , Regni sedem libero jam Marte tentasset , nisi CLEMENS X. Vicariam Dei manum fulmine armatam in Barbaros Quirinali è cælo exeruisset . Discussæ statim Furiarum sinu civilis discordiæ faces , excitatæ ferocissimi Regni vindices iræ , repressi hostes ; temerariæ eruptionis pœnas adeò daturi , ut postea cladis argumenta fuerint , deleta penitus castra , oppleti cadaveribus campi , & rapidissima cæde retardata flumina , quæ velut in partem gloriæ , nunquam altiori alveo Sarmatica intumescere victoria .

Avertit animum , & à longinquis regionibus digredi , aliasque exterarum gentium clades præterire nostra cogit Italia . Hæc valido
nu-

nuper bellorum initio correpta ver-
 rebatur, propriis erudita damnis,
 ne, si diutiùs armorum illud alere-
 tur incendium, igni etiam non suo
 succumberet. Occurrit periculo
 providentissimus CLEMENS, & ea-
 dem virtute, qua legimus revoluta
 flumina, calcata maria, coacta ele-
 menta, surgentes irarum flammās
 restinxit, & erupturos in fulmina
 bellorum turbines subita pacis se-
 renitate disiecit.

Sed funesta tot armis tempora,
 repetitis motu terræ cladibus, ipsa
 etiam Natura insignivit: Compres-
 sæ namque memorabili ruina illu-
 strium provinciarum celebres ur-
 bes, inter quas, haud iniuria sibi
 vindicat miseriarum prærogativam
 communis amor Italiæ, tunc pu-
 blicus dolor Ariminum, cui tanto
 impetu scelus illud terrarum incu-
 buit, ut non sexus, non ætas peri-
 culo vacua, non ipsa Templorum
 tuta Divinitas: everis domus, strata
 funeribus viæ, una undique fœ-
 dæ urbis lacrymabilis facies. Vi-
 de-

derunt eam Romanæ Providentiæ oculi, & fleverunt illam; ac ne longius atrocitas mali sæviret, publicis, privatisque casibus Principis ærario subventum. Ingens quidem Roma, & Orbe quondam tributario felix, nunquam tamen felicior, celsiorque, quam cum subiectæ Civitatis miseris vectigalem se fecerit.

Damna damnis continuata occurrunt: Sequuta est inopina fames, quæ contermina regna, vicinasque provincias, & suburbanos aggressa incolas, ad hæc usque sacra mœnia processit. Vidimus infelices agricolas cum coniugibus, parvisque liberis per finitimos saltus, & proxima rura reptantes carpere, arbuta, radices herbarum vellere, & ea fami obiectare, quæ imperiosa necessitas cogebat. Non fuere hæc vitia terrarum, non fallacis anni incusavimus fidem; nec fulcis difficili cælo sitientibus citra conatum sata periere; nec tenera spicarum primordia, aut grave fidus affla-

flavit ; aut inclementia imbrium ,
 ventorumque decussit . Cur diffi-
 mulem ? Homo hominem decepit ,
 & suæ consortem naturæ quæstiosa
 mora fraudavit : Quis credat ! Avaritia
 annum perdidimus, & de uber-
 tate miseri fuimus . In tanta peri-
 clitantium querela CLEMENS la-
 xavit annonam , sibi que debitorem
 Deum sacro pietatis fœnore ob-
 strinxit . Noluit horrea in spem ca-
 lamitatum referta ad levamen ege-
 statis recludi , & contactu sacrilegæ
 messis inopum ora fœdari : Inno-
 centiora nimirum frumenta subitæ
 providentiæ Principis infidæ mise-
 re Provinciæ ; & ante patrias divi-
 tum fores miseram. egentium fa-
 mem peregrina seges explevit .

Anne obliti sumus , ut publica
 nuper fames Urbe sacra abstinue-
 rit ? Crediderim istud non tam hu-
 manæ providentiæ , quam Famis
 elusæ beneficium . Nam ad sanctis-
 sima sæpe jejunia , pauperesque
 Principis mensas accita, facilè Ro-
 manam plebem ultima laborantem
 ino-

inopia reputavit . Et sanè tantā fuit in extincto Pontifice abstinentiæ laus , ut in se , genialibus etiam mensis , antiquam Æmilii censuram renovaret . Quid ergo cœnīs tuis morum populatrix luxuria superbis , velut pretio triumphorum paratis ? Mutasti vices annorum , vertisti in gloriam gulæ non tantūm aves fabuloso terrore tutas, aut quęsita naufragiis ostrea , sed margaritas ipsas , vel cœlo minante conceptas . Datum est sęculo nostro pulchrius , rariūque spectaculum : Vidimus Principem Maximum , & in excelso generis humani fastigio positum, inter affluentes Orbis Terrarum delicias , tenui, proximoque ad inopiam cibo contentum , regale corpus ad extrema Christianæ severitatis exempla demittere .

Et mirabamur nocturnis etiam horis cœlestia meditantem , qui tam longè a terrenis abesset ? Solemne quidem CLEMENTI fuit ante lucem surgere , & in splendore Domini ambulare , eique non tam Imperii,

rii, quàm arcana conscientie committere. Fecere hoc idem Scipio, & Numa, sed alia mente fecerunt; hic ut religionem incuteret, ille ut simularet. Adoravit Deum in diluculo CLEMENS, non ad metum populi, non ad famam sui, sed quia religiosius Deum tunc adiri cognovit.

Longum esset in tanto Principe singulas recensere virtutes, nisi leviter attingi placeat, benignitate, & clementia temperatum imperium, datas oblivioni iniurias, amicitiam, nomen antea privatum, Purpura insignitam, editas populo voluptates innocuas, at inania spectaculorum, eo potissimum loci, ubi Religio cladibus suis major effulsit, constantissimè denegata, ne arenam cæde adhuc nostra calentem, sacratumque Fidei campum ferarum cruor pollueret. Penè omiseram novo demissum Mundo sanctitatis lumen, & plurima Divorum consecratione, Sideribus familiares jam terras. Mirum videretur si
ad-

addiderem Romana jura postliminio quodam sacrae libertatis asserta: Virtutem nostro propemodum Orbe divisam Vaticano jam Cælo coniunctam: datam denique mortalibus Sanctioris Anni Beatissimam lucem, & faces tot irarum, ac bellorum pacifica manu tentatas.

Haecenus de Principe, sed tanquam de homine. Quid si illum, mortali vita excedentem, ac velut cælesti religione consecrandum, humanis jam rebus majorem ostendam, agentemque perpetuam de imperio, de sæculis censuram? Sed intactum istud majori curæ, & feliciori ingenio relinquam. O Mentem cælo ipso unde descenderas, & quò rediisti dignissimam! Verebar, Pontifex Sanctissime, voce mortali compellare cælestia, sed quum laudibus tuis Romanum vulnus ad impatientiam doloris exasperaverim, liceat Patriæ tuæ spes ultimas, liceat nostra in te vota aperire. Non ingrata, non petimus nova, Romanam tuam tibi committimus, curam

ram etiam Superis nobilem . Quod
si ut humanam dedignaris hanc glo-
riam, tuo saltem auspicio Sacra fir-
mentur Comitia, monstresque de
Cœlo Principem, cuius humeris
Christianum securè nitatur Impe-
rium, quique Romanæ Religionis
vinculo Orientem, Occidentemque
connectat, cui denique, rara Prin-
cipum felicitate letetur Orbis, &
pareat .



IN FUNERE
CHRISTINÆ

Gothorum , Vandalorum ,
ac Svecorum

REGINÆ
ORATIO IX.



ALEXANDRO

OCTAVO

Pontifici Optimo Maximo.

Antonius Malagønnellius

Vitam, & felicitatem.



*Umine factum arbi-
tror, P.B. quòd inter
principatus tui exor-
dia Regia Virginis
facta, moresque com-*

*pendiaria oratione signaverim, ut
nobilitante ingenium materia, di-
gnum Tibi aliquod magnitudine
tua consecrarem. Quid enim aut
ego majus dare, aut Tu carius ac-
cipere potes, quàm laudes Augustæ
illius Femina, quæ virtutes tuas
sin-*

singulariter adeo mirata est, & dilexit, ut futuram in Te Majestatem imperii secreto, & palam revereretur, amore præcurrente? Utinam Christina felicitatem hanc nostram longiori vita cumulasset: Qui nunc plausus, quæ sincera gaudia? Te bellorum, & pacis Arbitrum, Normam Principum, Parentem publicum, & gloriosam judicii sui prolem nuncuparet. Quare certissimam in spem adducor, me facile impetraturum, ut ab alto curarum informem hanc officiosæ pietatis imaginem libenter, nec semel aspicias: Et si regias inter laudes, tuas etiam vel invitatus agnoveris.



N tanta sæculi felicitate, in qua si unquam aliàs, nunc sanè bel-
lorum gloria Europæ
virtus effulsit, credi-

deram suas etiam vires Romanæ
Pietati subdidisse fortunam; & po-
sitis in tuto Christianorum rebus,
coeleste nobiscum fœdus exorata,
tandem Numina iniisse. O vanæ
hominum figurationes, ò vota mor-
talium alto errore confusa! Muta-
vit illico rerum vices fortuna, &
muneribus suis fenore calamita-
tum corruptis, pulcherrimam Eu-
ropæ faciem repentino pallore con-
fudit. Strata Classibus maria, mo-
ta Batavorum Arma, minaces Gal-
liæ, irritata Germania, Regum fu-
gæ, amissa Britannia: & ne quid sa-
crum esset, & intactum, nos quoque
in hac arce securitatis tam gravi
premur vulnere, ut in contentio-
ne calamitatum vincamus aliorum
miserias; & cogatur Roma, con-
sumpta novitate, Regum funeribus
illacrymari.

H

CHRI-

CHRISTINA Sceptrorum Decus, Ornamentum Europæ, orbis terrarum amor, & Religionis grande fidus, occubuit. Ubi sunt, qui carissimorum pignorum mortes ventant lugere, & ingentium virorum præceptis, exemplisque miseram, premunt orbitatem? Quæ gens, quænam ætas adeò fœlix, ac dives, ut tantum amitteret? Nullis adhuc humanorum pectorum affectibus tam grande vulnus inflictum, tam immedicabile, nec ulla Sapientum manu tractandum, quàm quo feralis hæc dies vitalia nostra collisit. Cumulentur licèt Scipionum, & Camillorum funera; conjunctos rogo Cæsares, & Catones communis flamma comburat, omnium denique Græcorum cineres, quos vana superstitio fideribus intulit, unius urnæ pompa componat, non minori tamen damno ætatum omnium lacrymæ parentarent. Felices illi, qui clades suas nunciantibus credunt. Sub oculis nostris Fata nostra defæviunt, & cogimur regios
in-

inter cineres fulmen ipsum, quo petimur, venerari. Tamen ne mihi quisquam infelicitate se conferat, excogitavit publica contra me pietas quid calamitati posset accedere, & ultimum esset in miseris. Unus nempè in tanta lugentium turba sistere lacrymas jubeor, singultus premere, & velut obligato vulnere, ordinare dolorem, & loqui.

Sed vicem nostræ mediocritatis subeant tot circumfusæ publici luctus imagines, & prima sibi doloris argumenta, prærogativâ quadam ærumnarum, Paupertas usurpet. Erumpe infelix, incompta crinibus, laniata vultu, & inter vani gemitus irritamenta deosculare angustos cineres, & Regiam Urnam amplectere. Jam frustra in sinu tuo liberi plorant, frustra matronarum cubilia, sacraria virginum domesticæ inopiæ damna lamentantur. Non ætas, non sexus, non ordo, in quo votis tuis sollicita Christinæ pietas non indulserit, non occursaverit fortunæ, non casibus intercesserit.

Intravit testā nobilium, subiit plebejas ædes, non horruit fœdatis contagione domos, aut profundas carcerum noctes; & assidua malorum colluctatione languentibus insperatum velut aliquod, & salutare Numen effulsit. Indue misera pristinas sordes, & per limina divitum, & gradus templorum effusa, imple Urbis oculos spectaculo calamitatum. Nil licet ambitu, lacrymis, squallore profeceris: contempserint licet vota tua, & longa difficultatum arte potentes eluserint; præstabit tamen triste solatium pari facto egestatis sociatæ Virtutes. Quæ etsi adversa adhuc omnia forti, paratoque exciperent animo, ita tamen præsentis fortunæ fulmine afflantur, ut exhaustis illico lacrymarum fontibus, ipsa etiam doloris indicia perdiderint; & quamvis dignitatem percussæ mentis jacturæ magnitudo sustentet, torquentur adhuc etiam præteritorum memoria, metusque imminentium; velut recursuræ infesta sibi olim, & sæva tem-

tempora, quibus extorres, ac nudæ,
 & genua occurrentium amplexan-
 tes, patiebantur acerbam hanc tri-
 stissimæ conditionis novitatem, ut
 earum quisque miseris, nec sine
 laude, indoleret, nemo auxiliare-
 tur; cum prævalida in urbibus, &
 in aulis vitia, occupatis meritorum
 præmiis artes, & studia formidine
 honesti repellerent, & Principum
 animi inertes plerumque, & igna-
 ri privatis consulentium affectibus
 miserrimè inservirent. Sed caligi-
 nem hanc humanis mentibus altis-
 simè obductam discussit Arctoi fi-
 deris felix exortus, qui Virtutibus
 profugis, & longo tempestatum estu
 jactatis, aureum Munificentæ littus
 aperuit: quò tandem appulsæ, &
 velut ab alto securitatis emensa pe-
 ricula respectantes, agebant fortu-
 næ gratias, profitebantur plurimum
 debere se fatis, per quorum injurias
 felicitas tanta contigisset. Et ne
 deessent regiam erga Hospitem du-
 ratura grati pectoris argumenta,
 erexere arcus, & statuas, aliaq; por-

tentosi operis superba fastigia; quæ tamen Christianæ titulis aucta, perderent audaciæ pretium, Arte gaudente: Iisque insuper visum, si quid eniti valeant facundiæ vires, annalium labor, & sacra vatum ingenia, eternitati rerum, vel invitam inferi, & gloriam, famamque temporum tanto nomine insigniri.

At ne videar integritatem Oratoriae fidei fabuloso cultu polluere, quis umquam expulsis artibus, & emortuis propemodum literis uberiori indulgentia, & certiori securitate prospexit? Quis ad levamen, cultumque sapientiæ tot opes exhaustit, tam immensa egeffit æraria, hilaris, gratias agens, & velut suo ditaretur dispendio? Commendaret aliquem felicitas carminum, aut exulta fides annalium; præstaret aliquis bellica laude, aut studio pacis emereret; omnes honore, opibus, gratia, & regio honestabantur iudicio. Vendicavere sibi hanc alii Principes gloriam; sed non eandem propriis astruxere virtuti-

tutibus. Una ad hoc ævi Principum omnium Christina supra cœlestes animi dotes, & præcipua ornamenta naturæ, pulcherrimis studiis, & altioribus disciplinis tanta sibi ingenii præsidia congefferat, quanta unquam in alios, nec superior ætas, nec ventura diffuderit.

Possem videri fortasse plurimum gratiæ, & obsequio tribuisse, nisi loquerer apud vos altissimæ illius, & propemodum divinæ indolis admiratores, ac testes; & quibus præcipue mira studiorum cupiditas, incredibilis memoria, & acre insubitis ingenium eluxit. Quid enim sapientiæ sacrario tam abditum, ut non statim sciverit, statim docuerit? Quid annalium vetustate, tam obsitum, linguarum, gentium, locorum tam multiplici varietate confusum, quod non adeò præsentī memoria percurreret, ut eam pene credideritis, & ubique natam, & omnibus retro sæculis interfuisse? Quas philosophantium, sectas non sublimitate mentis, non

animi magnitudine, non morum sanctitate antecessit? Ipse ego, cujus mediocritas regio quandoque aditu illustrata est, motus rerum, causasque fortuito sermone exequentem audivi: Tunc planè novi, quæ rerum initia, & quanta formarum varietate signentur, quæ ratio mersa, & confusa diduxerit, undè sidera, eorumque labor, & quem in exitum festinata velocitate rapiantur. Quæ mihi, atque alia domesticus ille cœlestium interpres animus tanta luce orationis aperuit, ut visus sim concilio Numinum infedisse, & fruar nunc amabili quorundam errore, nil aliud scientiam esse opinantium, quam reminisci.

Augebat auctoritatem loquentis fidereus oculorum fulgor, & augusti pudoris ingenitum decus, quo nihil ad ostentationem, omnia ad conscientiam referebat. Sæpe nimirum professa est studiis suis debuisse, quòd non animum secunda extollerent, non minuerent adversa, quòd pulsa errorum caligine,
ad

ad veritatem Romanæ lucis emer-
ferit; quòd denique, ut de se di-
gnum aliquod Deo voveret, opes,
honores, Regna, liberos, & duratu-
ram in posteris Majestatem Virgi-
nitati donaverit. Credentne futuri
tàm altè umquam in fœmina Sa-
pientiæ gloriam ascendisse? Quid
cum noverint puellares hanc annos,
& quibus potissimum ingentia vir-
tutum semina disciplinarum ope-
nituntur, inter impeditissima curis
tempora exegisse? Erepto namque
terris fortissimo Regum Patre, non
alia umquam otia mentis præsen-
sit, quàm quæ, fraudatis somno no-
ctibus, studiis suis vindicasset. Pul-
chrum erat, novumque fœminam
Principem ortu quotidie lucis ad
publica munia consurgere, & venu-
state quadam eruditi palloris ex-
cultam affluentes undique legatio-
nes excipere, dare jura, sancire fœ-
dera; deinde per Civium plausus,
& studia vulgi Curiam ingredi, lu-
strare exercitus, immensum deniq;
ac multiplex Regni corpus una,

animi magnitudine, non morum sanctitate antecessit? Ipse ego, cujus mediocritas regio quandoque aditu illustrata est, motus rerum, causasque fortuito sermone exequentem audiui: Tunc planè novi, quæ rerum initia, & quanta formarum varietate signentur, quæ ratio mersa, & confusa diduxerit, undè sidera, eorumque labor, & quem in exitum festinata velocitate rapiantur. Quæ mihi, atque alia domesticus ille cœlestium interpres animus tanta luce orationis aperuit, ut visus sim concilio Numinum insedisse, & fruar nunc amabili quorundam errore, nil aliud scientiam esse opinantium, quam reminisci.

Augebat auctoritatem loquentis fidereus oculorum fulgor, & augusti pudoris ingenitum decus, quo nihil ad ostentationem, omnia ad conscientiam referebat. Sæpe nimirum professa est studiis suis debuisse, quòd non animum secunda extollerent, non minuerent adversa, quòd pulsa errorum caligine,
ad

ad veritatem Romanæ lucis emer-
ferit; quòd denique, ut de se di-
gnum aliquod Deo voveret, opes,
honores, Regna, liberos, & duratu-
ram in posteris Majestatem Virgi-
nitati donaverit. Credentne futuri
tàm altè unquam in fœmina Sa-
pientiæ gloriam ascendisse? Quid
cum noverint puellares hanc annos,
& quibus potissimum ingentia vir-
tutum semina disciplinarum ope-
nituntur, inter impeditissima curis
tempora exegisse? Erepto namque
terris fortissimo Regum Patre, non
alia unquam otia mentis præsen-
sit, quàm quæ, fraudatis somno no-
ctibus, studiis suis vindicasset. Pul-
chrum erat, novumque fœminam
Principem ortu quotidie lucis ad
publica munia consurgere, & venu-
state quadam eruditi palloris ex-
cultam affluentes undique legatio-
nes excipere, dare jura, sancire fœ-
dera; deinde per Civium plausus,
& studia vulgi Curiam ingredi, lu-
strare exercitus, immensum deniq;
ac multiplex Regni corpus una,

mente animare . Quæ Ducum auctoritas , quæ Militum verecundia ? Quanta Populis Fides , Magistratibus integritas , Majestas Senatui ? Et quando securior quies , felicior industria , censura validior , cum Urbes , & Castra regio firmarentur exemplo ?

Nequit animus in tam grandi argumento feminarum, quamvis illustrium , exempla conferre . Et quæ sui tam custos temporis , suæque tam negligens formæ , ut non potiorem vitæ partem inter ancillarum manus, & speculi moras exegerit ? Pudet exequi inanes tot curas, & lascivientis otii labores, ut niteat facies, ut crinis arctetur in annulos, aut per colla , sinusque elaborata simplicitate laxetur. Christina cultu modica , virisque propior, nec alio quam pudicitia sexum asserens , omne temporis spatium , momentum omne æternitati sacravit. Non enim labentem curis animum inerti luxu , & prædigiis voluptatibus, sed labore corporis, variaque bellorum ima-

imagine allevabat. Ludus fuit obfidere saltus, occurfare feris, turgentia transnare flumina, & audaci vestigio montium periculis imminere. Conferat se Græca vanitas, loquatur heroica nomina superbæ virtutis; mirabitur eminentem in Cyro sæminam, aut Achillem in puella majorem. Quis fortior aptavit equos, flexit arcus, vibravit hastas; aut certiori manu destinata perfodit? Præmonente natura, & adornantibus fati indolem tantæ mox evasuræ Principis.

Brevi namque, ut ad materiam crescentis gloriæ bellorum causæ exarsere. Regia nimirum ætas adulta nondum, & injuriis opportuna finitimorum animos ad res novas erexerat. Intratæ armis Provinciæ, turbata Maris commercia, compulsi ad defectionem populi, & ne ipsa quidem intentata Militum fides. Non diu tulit Christina vindictæ moras; Sed arma, iramque Patris induta, non discinctos primum Afros, nec Asiæ pharetratam

luxuriam, sed laceſſitæ ſtatim potentia viribus Daniam ipſam aggreſſitur Macedoni, Pyrrhoque terribilem, & Romanis etiam Aquilis formidatam. Non fluctuum ac tempeſtatum adverſa, non ſilvarum, ac montium immenſitas obſtitit, nec perpetua hyeme damnata regio, quo minùs ferociſſimam gentem per imbres, & fulmina debellaret. Deinde annibus, mare, terris erumpens, omnem adeò Germaniæ finum victricibus armis aperuit, ut nutante fortuna Cæſaris, non minorem Europæ metum intulerit, quàm ſi ab ipſo rigentis Mundi cardine non legionum, aut Claſſium robora, ſed ſtipendiarias hyemes, totumque procelloſi ſideris Boreale Cælum impelleret.

Grandia hæc, & Principum omnium gloriæ caliginem inductura; ſurgentis tamen famæ incunabula; quædam; & bellicæ rudimenta virtutis; Excelfius illud, & magis Chriſtiæ proprium, ſe ipſam aggredi, affectus premere, & ferocientem

victoriis animum clementia exar-
mare. Ignovit victis, amplexa est
captivos, & adeò memoria, & ob-
livione mirabilis, ut ultionem, pœ-
namque, aut hostium fortitudini,
aut gloriæ suæ donaret. Urbes,
Arces, Provinciæ in monumentum
Regiæ magnanimitatis cessere; mu-
nus æquissimæ pacis desperantibus
datum, & invitis, & novum Coro-
næ decus promeritum etiam hoste
servato.

Hæ Christinæ virtutes, supra ve-
nustatem formæ, ac dotalia Regna
potentiores Europæ Principes in
ambitum nuptiarum accenderant;
sed obfirmato ad Virginitatem a-
nimo, frustra spes omnium fuere;
Reclamante Senatu, & exprobran-
tibus Populis duram Puellæ men-
tem, ac Regno exitiosam, quando
nec legitimis tædis, nec publicis
necessitatibus flecteretur: Superbum
jam istud, & plusquam Regium,
nolle quemquam, nec ferre parem,
nec similem genuisse: Egregia Pie-
tas damnare uterum, tot posteros

Re-

Reges elidere, & Imperium sæculis partum, ac regio nuper Sanguine prolatum, exterarum Dominationum superbiæ, aut civilium bellorum casibus objectare.

Haud ignara talium Christina, meditabatur, quonam temperamento sibi, ac Regno consuleret; cum repente seipsa major, & augustior, adscito qui claritudine generis, majestate formæ, & vi mentis principem locum impleret, inter Senatus, ac Procerum lacrymas, feriato in spectaculum Cælo, se Imperio abdicavit. Audite Gentes; audite Populi; & in venerationem insignis exempli universa Terrarum, potestas assurgat. Quid enim tam simile Reges olim, ac Cæsares peregere, ut non potius fatum suum, occupaverint, fractis in senium viribus, aut cogente fortuna? Christina ætatis flore, armis, opibus, auxiliis, & gloria obsequentis fortunæ innixa, sponte, consilio, & adeò volens culmine se rerum demisit, ut vel hoc uno fortitudinis
expe-

experimento tantum supra omnes
 retro Principes ascenderit, quan-
 tum illata fideribus illa ipsa im-
 mensitate lucis obscurat. Sed cum
 excelsa quæque tangantur invidia;
 non defuere, qui mores Regiæ Vir-
 ginis pervicaci sermone lacefferent.
 Objectabatur ferox ingenium, &
 statim præceps; nimia in suos in-
 dulgentia, nimia credulitas; &
 quòd religiosius, quàm Principem
 sapientissimam decuisset, ludibriis
 Chaldæorum vacaret. Verum mihi
 odium extra, gratiamque posito, ut
 nefas esset Potentum merita supra
 veritatem extollere, ita & eorum
 vitiis turpi adulatione blandiri,
 Christinæ tamen animo improban-
 da quædam, sed necessaria adfuisse
 non abnuerim; tanquam veren-
 tibus fatis, ne tot congestæ in unum
 virtutes, si labe nulla humanitatis
 læderentur, Numen facerent ex mor-
 tali. Quamquam, & cur non cre-
 diderim cælestes hanc mores qui-
 busdam velut nevis consultò adum-
 brasse, ne vivens adhuc, & iniuria

Su-

Superum inter Divina coleretur ?
 Præsertim quod tanta modestiæ cu-
 ra posthumis etiam honoribus in-
 tercessit , ut Regios cineres plebejo
 funeri , nec titulis ullis monstrabili
 saxo damnaverit ; Adeo blandien-
 te in hoc unum fortuna , ut sæcu-
 lum ei dederit , & infensum virtuti-
 bus , & meritorum oblivioni para-
 tum . Veniet tamen Ætas Regina ,
 qua conditum auro , gemmisque
 Corpus Sanctiora Urbis fastigia in
 tutelam gentium , & Religionis lu-
 men insedeat ; Et si fortasse tam no-
 bile Latio pignus , aut casus aliquis ,
 aut vetustas absumpserit , tunc spar-
 sa Religione Cinerum , te Capito-
 lium , teque arcus , ac Tempia mon-
 strabunt .

Tu interim Christina, quæ augu-
 stiores inter spiritus ambitu siede-
 rum coronaris , nisi majestæte Divi-
 nitatis rerum humanarum curam
 dedigneris , respice casum Urbis ,
 Religionis jacturam . Non te ad le-
 vamen publici doloris ingrata vo-
 torum nuncupatione distringam .

Cu-

Custodi Principem nostrum, senectam, genus humanum sanctissime moderantem, ætate, quam mereris, extende. Sentiât Roma, quam nuper amasti, & quæ Cælo te dedit, tuo etiam se Numine augeri. Cur dubitem, quin precibus, nostrisque affectibus assueta jam ultro in hæc vota descenderis? Et fortasse his lacrymis, huic funeri læta nunc ades, pietati nostræ gratias agis, tibi que gratularis, quod laudibus tuis indifertus, & rudis, & qualem Cœlesti verecundia exoptaveras, Orator contigerit.









